

**JOHANNIS À SANDE
... COMMENTARIUS
DE ACTIONUM
CESSIONE
TRACTATUS...**

Johan : van den Sande, Giovanni
Battista Coccini



Ex Bibliotheca
majori Coll. Rom.
Societ. Jesu

27.5.39

d 13

JOHANNIS à SANDE Jcti.
ac Senatoris in suprema Frif. Curia
COMMENTARIVS
D E
ACTIONVM
CESSIONE

*Tractatus apprimè utilis & necessarius
tum in Foro, tum in Scholis versantibus.*



Ilustr. mi Cocini



FRANEQUERÆ,

Excudebat. Fredericus Heynsius Typo-
graphus in Academiâ Franequeranâ,
ANNO 1623.

1892

1892



NOBILISSIMIS & AMPLISS.

Supremæ FRISIORVM Curiae

SENATORIBVS,

Dominis & Collegis suis plurimum colendis.

JOHANNES à SANDE S.



Ivilis disciplina, Patres
conscripti, cur obscura
& difficilis habeatur, non
postrema causa est; quod
nulla Iuris pars methodi-
cè sit contexta & in ar-
tem redacta: sed veterum
Prudentum fragmenta, mutilataque re-
sponsa, ac Imperatorum rescripta confusè
congesta magis sint, quàm digesta. Vnde
illi utilem Iurisprudentiæ studiosis & cul-
toribus operam navasse semper mihi visit

P R Æ F A T I O.

sunt, qui particulares & insignes materias variis locis sparsas unum in locum contulerunt ac methodo ad docendum & cuiq; rei agendę accommodatâ tractarunt & disposuerunt, distributis cujusque argumenti partibus præcipuis, notatis generibus, demonstratis horum formis, expostitis causis, totâ denique præceptorum ostensa serië. Habet enim latentem quandam vim & efficaciam, ea docendi ratio, ordine quæ constat justo, & suo quæque loco collocat & exequitur. Præterea methodicæ hæ commentationes eos, qui in foro versantur, tam Iudices, quàm Advocatos causarum multitudine districtos & occupatos, multo labore levant, ne in instruendis ac dijudicandis litibus necesse habeant consulere & evolvere ingentia Doctorum volumina: cum in his omnes quæstiones ad propositam materiam pertinentes plenè discussę, ac compendio quæque

fique fasciculo quodam comprehensæ sint. Horum Interpretum si non potui assequi industriam, saltem pro meo modulo, quamdiu in Academia versabar, exemplum sequi conatus sum in variis Iuris materiis methodicè pertractandis. In quibus est hoc argumentum de *Actionum Cessione*, non minus arduum ac subtilitatis plenum, quàm in foro frequens & quotidianum; de quo, quod sciam, ex professo commentatus est nemo præter Iacobum de Arena & Iohannem à Grassis; quorum tamen inventis multa addi & quædam etiam aliter, atque ab illis factum est, tractari posse putavi. Ut igitur lucem aliquam adferrem materiæ obscure; eam ordine tractandam tum suscepi, studiosè ex toto Iure locis iis, qui hujus quæstionis proprii essent, conquisitis & aptè dispositis; fideliter quoq; relatis Doctorum de ea opinionibus, nec tantum relatis (qui labor

P R Æ F A T I O.

planè ignobilis esset) sed etiam Iuris ac rationis trutinâ pensitatis. Quicquid verò hîc congesti, complures annos latuit. Nec enim illud in lucem edere ab initio fuit animus mihi, hæud ignaro quàm perpolitum esse debeat, quod multorum iudicium & censuram subibit, & quàm multi alienorum laborum iniqui sint æstimatores. Sæpius verò monitus ab amicis, qui hinc quid emolumenti & compendii ad studiosos promanare posse putabant, ac tandem persuasus à Clarissimo Icto. Timæo Fabro Academiæ nostræ Antecessore dignissimo, tandem hunc Commentarium in publicum prodire permisi, vel eo lubentius, ut aliquod scholasticarum lucubrationum mearum specimen extaret. Hunc verò P. C. Domini & Collegæ honorandi, vobis offero ac dedico in testimonium meæ erga Amplitud. vestras observantiæ. Valete. Leovardiae 24. Ianuarii An. 1623.

I N D E X

INDEX Authorum, quorum opiniones in hoc
Commentario recensentur vel refutantur.

A.

Accursius.
Alexander Trentacinquius.
Alexander ab Alexandro.
Adrianus Pulvius.
Antonius Gomesius.
Antonius Faber.
Antonius Capicius.
Anton. Gabrielius Romanus.
Antonius Angustinus.
Antonius Negusantius.
Antonius Tessaurus.
Andreas Tiraquellus.
Andreas Gail.
Andreas Fachinaus.
Aristoteles.
Arius Pinellus.
Aulus Gellius.
Aufonius.

B.

Baldus.
Bartolus.
Boetius.

C.

Carolus Molynaus.
Cicero.
Cornelius Tacitus.

Cynus.

D.

Daniel Mollerus.
Didacus Covarruvius.
Dionysius Gothofredus.

E.

Elbertus Leoninus.
Emanuel Soarez.

F.

Felinus.
Ferdinandus Vasquius.
Ferrariensis.
Franciscus Turanus.
Franciscus Duarenus.
Franciscus Hotomannus.
Franciscus Milanensis.
Franciscus Marcus.
Franciscus Vivius.
Franciscus Zoanettus.
Franciscus Raguellus.

G.

Gerardus Maynard.
Georgius Lovet.
Guido Papa.
Guilielmus Budans.

H.

Hadrianus Turnebus.

Hartman.

I N D E X.

Hartmannus Pistoris.
Hieronymus Tornicellus.
Hippolitus de Marsilijs.
Hubertus Giphanius.
Hugo Donellus.

I.

Iacobus Butrigarius.
Iacobus Menochius.
Iacobus de Arena.
Iacobus Cujacius. Iason.
Iohannes Faber.
Iohannes Petri de Ferrarijs.
Iohannes Imbertus.
Iohannes Sichardus.
Iohannes Corasius.
Iohannes Robertus.
Iohannes Parladorius.
Iohannes Papon.
Iohannes Gardaus.
Iohannes Zangerus.
Iohannes de Grassis.
Ioachimys Mynsingerus.
Iulius Pacius.
Iulianus Brodeau.
Iustus Lipsius.

L.

Lodovicus Charondas.

M.

Marcus Anton. Peregrinus.

Matthaus VVesenbecius.
Matthaus de Afflictis.
Mathias Colerus.

N.

Nicolans Boerius.

O.

Octavianus Cacheranus.

P.

Panormitanus.
Paulus de Castro.
Petrus Faber.
Petrus Costalius.
Petrus Rebuffus.
Petrus Heigius.
Philippus Portius.

R.

Raphael Fatgosius.
Rodericus Suarez.

S.

Scipio Gentilis.
Seneca.
Seraphinus de Seraphinis.
Speculator.
Stephanus Ranchinus.
Suetonius.

V.

Vdalricus Zasius.
Villalobas.
Vincentius de Franchis.

De A.

CESSIONE

COMMENTARIUS.

CAPUT PRIMUM.

Quid sit actionibus cedere?

SUMMARIA.

Totius Commentarii argumentum succinctim proponitur. 1. *Præ-*
missæ dicitur cedere actionibus & cedere actiones 2. *Quid*
sit actionibus cedere. 3. *Interpres aliud esse volunt actiones*
cedere, aliud mandare 4. *Qua sententia rejicitur* 5. 6.
Mandare actiones homonymum est 7. *Cessionis vocabulum*
hodiè largius, quàm olim accipitur 8. *Delegare actionem,*
idem quod cedere 9. *Sed diversa sunt, delegare debitorem &*
actionem cedere 10.

I.



Cripturus de difficili hac, intricata & à
nullo hætenus, quod quidem sciam, plenè
vel satis methodicè explicata materia, hisce
potissimum capitibus sive quæstionibus u-
niversam Cessionis actionum naturam
commo-èssimè explanari posse existimaui; *Quid sit a-*
ctionibus cedere? Quot & quibus modis? Qui? Quibus? Quas
actiones possint? vel cogantur? Quo tempore cedere? Deinde
qua actiones ex ejusmodi cessione oriantur? Quæque earum sit

A

vi &

JOHANNIS à SANDE Jcti,
ac Senatoris in suprema Frif. Curia
C O M M E N T A R I V S
D E
A C T I O N V M
C E S S I O N E

*Tractatus apprimè utilis & necessarius
tum in Foro, tum in Scholis versantibus.*



Illust. mi Cocini



FRANEQUERÆ.

Excudebat. Fredericus Heynsius Typo-
graphus in Academiâ Franequeranâ,
ANNO 1623.

2. 1. 1900

2. 1. 1900



NOBILISSIMIS & AMPLISS.

Supremæ FRISIORVM Curiae

SENATORIBVS,

Dominis & Collegis suis plurimum colendis.

JOHANNES à SANDE S.



Ivilis disciplina, Patres
conscripti, cur obscura
& difficilis habeatur, non
postrema causa est; quod
nulla Iuris pars methodi-
cè sit contexta & in ar-
tem redacta: sed veterum
Prudentum fragmenta, mutilataque re-
sponsa, ac Imperatorum rescripta confusè
congesta magis sint, quàm digesta. Vnde
illi utilem Iurisprudentiæ studiosis & cul-
toribus operam navasse semper mihi visit

P R Æ F A T I O.

sunt, qui particulares & insignes materias variis locis sparsas unum in locum con-
tulerunt ac methodo ad docendum &
cuiq; rei agendę accommodatâ tractarunt
& disposuerunt, distributis cujusque argu-
menti partibus præcipuis, notatis generi-
bus, demonstratis horum formis, exposi-
tis causis, totâ denique præceptorum o-
stenfa seriè. Habet enim latentem quan-
dam vim & efficaciam, ea docendi ratio,
ordine quæ constat justo, & suo quæque
loco collocat & exequitur. Præterea me-
thodicæ hæ commentationes eos, qui in
foro versantur, tam Iudices, quàm Advo-
catos causarum multitudine districtos &
occupatos, multo labore levant, ne in in-
struendis ac dijudicandis litibus necesse
habeant consulere & evolvere ingentia
Doctorum volumina: cum in his omnes
questiones ad propositam materiam perti-
nentes plenè discussę, ac compendio qua-
siq;

fique fasciculo quodam comprehensæ sint. Horum Interpretum si non potui assequi industriam, saltem pro meo modulo, quamdiu in Academia versabar, exemplum sequi conatus sum in variis Iuris materiis methodicè pertractandis. In quibus est hoc argumentum de *Actionum Cessione*, non minus arduum ac subtilitatis plenum, quàm in foro frequens & quotidianum; de quo, quod sciam, ex professo commentatus est nemo præter Iacobum de Arena & Iohannem à Grassis; quorum tamen inventis multa addi & quædam etiam aliter, atque ab illis factum est, tractari posse putavi. Ut igitur lucem aliquam adferrem materiæ obscuræ; eam ordine tractandam tum suscepi, studiosè ex toto Iure locis iis, qui hujus quæstionis proprii essent, conquisitis & aptè dispositis; fideliter quoq; relatis Doctorum de ea opinionibus, nec tantum relatis (qui labor

PRÆFATIO.

planè ignobilis esset) sed etiam Iuris ac rationis trutinâ pensitatis. Quicquid verò hîc congesti, complures annos latuit. Nec enim illud in lucem edere ab initio fuit animus mihi, hæud ignaro quàm perpolitum esse debeat, quod multorum iudicium & censuram subibit, & quàm multi aliorum laborum iniqui sint æstimatores. Sæpius verò monitus ab amicis, qui hinc quid emolumenti & compendii ad studiosos promanare posse putabant, ac tandem persuasus à Clarissimo Icto. Timæo Fabro Academiæ nostræ Antecessore dignissimo, tandem hunc Commentarium in publicum prodire permisi, vel eo lubentius, ut aliquod scholasticarum lucubrationum mearum specimen extaret. Hunc verò P. C. Domini & Collegæ honorandi, vobis offero ac dedico in testimonium meæ erga Amplitud. vestras observantiæ. Valete. Leovardiae 24. Ianuarii An. 1623.

INDEX

INDEX Authorum, quorum opiniones in hoc
Commentario recensentur vel refutantur.

A.	Cynus.
<i>Accursius.</i>	D.
<i>Alexander Trentacinquius.</i>	<i>Daniel Mollerus.</i>
<i>Alexander ab Alexandro.</i>	<i>Didacus Covarruvius.</i>
<i>Adrianus Pulvius.</i>	<i>Dionysius Gothofredus.</i>
<i>Antonius Gomesius.</i>	E.
<i>Antonius Faber.</i>	<i>Elbertus Leoninus.</i>
<i>Antonius Capicius.</i>	<i>Emanuel Soarez.</i>
<i>Anton. Gabriellus Romanus.</i>	F.
<i>Antonius Augustinus.</i>	<i>Felinus.</i>
<i>Antonius Negusantius.</i>	<i>Ferdinandus Vasquius.</i>
<i>Antonius Tessaureus.</i>	<i>Ferrariensis.</i>
<i>Andreas Tiracquellus.</i>	<i>Franciscus Turanus.</i>
<i>Andreas Gail.</i>	<i>Franciscus Duarenus.</i>
<i>Andreas Fachinaus.</i>	<i>Franciscus Hotomannus.</i>
<i>Aristoteles.</i>	<i>Franciscus Milanensis.</i>
<i>Arius Pinellus.</i>	<i>Franciscus Marcus.</i>
<i>Aulus Gellius.</i>	<i>Franciscus Vivius.</i>
<i>Ausonius.</i>	<i>Franciscus Zoanettus.</i>
B.	<i>Franciscus Raguellus.</i>
<i>Baldus.</i>	G.
<i>Bartolus.</i>	<i>Gerardus Maynard.</i>
<i>Boetius.</i>	<i>Georgius Lovet.</i>
C.	<i>Guido Papa.</i>
<i>Carolus Molynaus.</i>	<i>Guilielmus Budaus.</i>
<i>Cicero.</i>	H.
<i>Cornelius Tacitus.</i>	<i>Hadrianus Turnebus.</i>

Hartman

I N D E X.

<i>Hartmannus Pistoris.</i> <i>Hieronymus Torniiellus.</i> <i>Hippolitus de Marfilij.</i> <i>Hubertus Giphanius.</i> <i>Hugo Donellus.</i>	<i>Matthaus VVesenbecius.</i> <i>Matthaus de Afflictis.</i> <i>Mathias Colerus.</i> <div style="text-align: center;">N.</div> <i>Nicolans Boerius.</i>
--	---

I.

Jacobus Butrigarius.
Jacobus Menochius.
Jacobus de Arena.
Jacobus Cujacius. Iason.
Iohannes Faber.
Iohannes Petri de Ferrarijs.
Iohannes Imbertus.
Iohannes Sichardus.
Iohannes Corasius.
Iohannes Robertus.
Iohannes Parladorius.
Iohannes Papon.
Iohannes Gaddaus.
Iohannes Zangerus.
Iohannes de Grassis.
Ioachimys Mynsingerus.
Iulius Pacius.
Iulianus Brodeau.
Iustus Lipsius.

L.

Lodovicus Charondas.

M.

Marcus Anton. Peregrinus.

O.

Ottavianus Cacheranus.

P.

Panormitanus.
Paulus de Castro.
Petrus Faber.
Petrus Costalius.
Petrus Rebuffus.
Petrus Heigius.
Philippus Portius.

R.

Raphael Fatgosius.
Rodericus Suarez.

S.

Scipio Gentilis.
Seneca.
Seraphinus de Seraphinis.
Speculator.
Stephanus Ranchinus.
Suetonius.

V.

Vdalricus Zasius.
Villalobas.
Vincentius de Francini.

De A.

CESSIONE

COMMENTARIUS.

CAPUT PRIMUM.

Quid sit actionibus cedere?

SUMMARIUM.

Totius Commentarii argumentum succinctim proponitur. 1. *Præ-*
missæ dicitur cedere actionibus & cedere actiones 2. *Quid*
sit actionibus cedere. 3. *Interpretes aliud esse volunt actiones*
cedere, aliud mandare 4. *Qua sententia rejicitur* 5. 6.
Mandare actiones homonymum est 7. *Cessionis vocabulum*
hodiè largius, quàm olim accipitur 8. *Delegare actionem,*
idem quod cedere 9. *Sed diversa sunt, delegare debitorem &*
actionem cedere 10.

I.



Cripturus de difficili hac, intricata & à
 nullo hætenus, quod quidem sciam, plenè
 vel satis methodicè explicata materia, hisce
 potissimum capitibus sive quæstionibus u-
 niversam Cessionis actionum naturam
 commodissimè explanari posse existimavi, *Quid sit a-*
ctionibus cedere? Quos & quibus modis? Qui? Quibus? Quas
actiones possint? vel cogantur? Quo tempore cedere? Deinde
quæ actiones ex ejusmodi cessione oriuntur? Quæque earum sit
vis &

vis & proprietas? denique quam effectum earum impedire possint? Quæ singula quantâ potero, quantamque abstracta & toto ferè jure dispersa materia feret, facilitate & perspicuitate explicabo.

2. Promiscuè dicitur, cedere actiones, & cedere actionibus: sed hæc posterior formula ut venustior, ita quoq; apud auctores nostros frequentior est *l. patri. 27. §. 1. D. de minorib. l. si à bona fidei 21. D. de rei vind. l. quod si 3. §. idem Labeo 5. D. de in rem vers. l. slichum 95. §. si creditor 11. D. de solut. & similibus.*

3. Cedere autem actionibus nihil aliud est, quàm actiones alteri præstare, *l. licet. 6. D. Naut. camp. si ab ali. si ea res 31. D. de act. empt. l. 2. D. Deposit. exhibere, l. quod sapè 35. §. si res D. de contrah. empt. l. si res 57. D. de legat. 1. §. cum autem in fine Inst. de empt. & vend. mandare, l. 1. c. de obl. & act. l. si minoris 25. D. de administ. tut. l. 1. §. plane D. de tut. & rat. distrah. in alium transferre, l. 2. C. de divid. tut. l. quod sapè 35. §. 4. in fin. D. de contrah. empt. l. penult. §. ult. D. Mandati. unde cessionem vulgò **Transpoort** vocamus.*

4. Falluntur itaq; Glossographi, qui inter cedere & mandare actiones differentiam statuunt, quasi cessio quidem transferat in cessionarium actiones utiles; mandatum verò nihil præter exercitium directarum actionum mandatario conferat, ut videre est apud Accursium, Bartholum & reliquos Doctores, in *l. 1. C. de obl. & actionib.* quibus novissimè ad stipulatur Antonius Faber *lib. 12. coniect. cap. 6.* & infirmo huic fundamento plurimos errores, eosq; haud leves superstruit;

5. Cum tamen Modestinus in *l. Modestinus 76. D. de solut.*

solut. easdem actiones modò cessas, modò mandatas appeller, non obscure significans nullam hic differentiam esse constituendam. Sic quoque Imperator *in l. 1. in fin. C. de magistrat. conven.* illa pro eodem accipit, cum ait, *Mandatus tibi ab eis actionibus adversus fideiussores, quos acceperunt, consistere potes, licet utilem actionem CESSIONE* habeas.

Apud Vlpianum *l. 3. §. idem Labeo. D. De in rem vers. l. si procuratorem §. §. ult. D. Mandate. l. 2. §. ult. D. Famil. ercis.* quoque & Paulum *l. quod si minor 21. D. De minorib.* hæc verba, *actione alicui cedere*, explicantur per, *Procuratorem quem in rem suam facere.* Notum autem est absq; mandato neminem fieri procuratorem: Fit igitur cessio quoque mandatis actionibus. Ac sanè nisi cedere & mandare actiones pro eodem acciperentur, cur constitutiones *in l. penult. & ult. C. Mand.* ubi cessarum actionum natura explicatur, sub eo titulo fuissent collocatæ? Rectius itaq; pleriq; ex recentioribus juris magistris prædictam Doctorum distinctionem repudiant.

7. Cæterum ut omnis verborum ambiguitas evitetur, sciendum, mandari actionem vel in rem nostram, ut emolumentum litis ad nos redeat, quando nempe procuratorem facimus ad agendum, vel in rem ipsius procuratoris, ut quicquid exegerit, non domino reddat, sed sibi retineat, quod non aliter, quàm cessis actionibus fieri potest, *ut in l. qui stipendia 9. C. de procurat. l. si quis 34. D. eod. l. 1. §. in propria 11. & §. seq. D. Quando appelland.* De priori mandati genere hic non loquimur, sed posterius nostri est instituti.

8. Præterea hoc notandum, Cessionis actionum vocabulum

cabulum hodiè latius extendi, quàm mandati in pō-
 steriore significatione: Actio enim cedi dicitur non tan-
 tum ea, quæ mandatur, sed & quæ sine mandato vendi-
 tur vel donatur, vel alio quocunque legitimo modo
 in aliam transfertur; quæ significatio ab eo tempore cæ-
 pit, quo ex Divi Pij rescripto emptori, ac deinde ejus
 exemplo, cuivis cessionario utilis actio concessa est, sicut
 infrà fusiùs declarabimus. Differunt igitur hodie man-
 dare actionem & cedere nomen, ut genus & species:
 omne mandatum actionum, est cessio, sed non omnis
 actio cessa dici potest esse mandata.

9. Delegare quoq; actionem idem est quod cedere
l. cum de bonis 11. C. de donat. l. 1. C. de contr. judic. tut. Ad
 cujus probationem elegans locus extat apud Scævolum,
 in *l. quod dicitur 51. D. de peculio*: Cum enim, in omnibus,
 quos idcirco teneri dicimus, quia habent actionem, delegatio-
 nem pro iusta præstatione esse docet, nihil aliud voluit,
 quam actionis cessionem iis casibus pro solutione ritè
 facta haberi: Nam quod in fine d. l. 51. *delegare*, hoc
 in eadem lege jam ante *mandare & præstare actiones* vo-
 carat.

10. At delegari debitorem longè aliud est, quàm ce-
 dere aut delegare actionem. Nam ceditur actio etiam
 ei, qui non est creditor, puta donationis causâ, ut in d. l.
cum de bon. 11. debitor autem propriè à creditore suo, alteri
 creditori delegatur. *l. delegare. 11. D. de novat.* Quo sensu
 Seneca, lib. 4. de beneficiis cap. 11. *debitores*, inquit, *nobis*
Deos delegat, precaturq; ut illi pro se gratiam referant: ita
 enim rectè hunc locum restituit Hadrianus Turnebus.
 lib. 12. *adversariorum cap. 9.* Deinde qui cedit actione,

cam

eam non planè amittit; nam licet te fecerim procuratorem in rem tuam, demandatâ, delegatâ vel cessâ tibi actione meâ, nihilominus salva apud me remansit eadem hæc actio, quâ, modo res sit integra, experiri ac debitorem ad solutionem compellere possum, *l. 3. C. de novat.* At verò is, qui delegat debitorem, actionem planè amittit. Novatur enim contractus, & delegatus à priorè creditore liberatur, *d. l. 3.* Denique cessio & delegatio actionis fit etiam invito debitore, *l. 2. C. de novat.* contrâ quem actio ceditur; delegatio debitoris non item; *l. 1. 3. 6. C. de Novat.* cum enim is, qui delegatur, stipulanti debeat promittere, *d. l. 1. C. eod.* necesse est, utriusque consensu negotium hoc confici: Actionis verò delegatio, præsentiam & consensum debitoris, adversus quem absentem & ignorantem à creditore actiones mandari possunt, nequaquam desiderat.

CAPUT II.

Quot & quibus modis rectè fiat cessio.

SUMMARIUM.

Cessio fit mandato vel aliâ quâvis nudâ voluntate 1. Dummodo præcedat causa iusta 2. Idonea 3. Non ficta aut simulata 3. Quam in instrumento exprimi non est necesse. 5. Nisi ex Frisiorum placito 6. Inter conjunctas personas cessionem valere, etiamsi de titulo non constet, Doctoribus placet. 7. Præstat tamen eum hic quoque adjicere, ut fraudis suspicio evitetur. 8. Per cessionem transferuntur actiones nullâ verâ vel

et

scilicet

fiat traditiōe interveniente 9. Tām inter praesentes, quām absentes 10. Solemnitas tamen in alienatione rerum à lege requisita, etiam cessiōi actionis, earum rerum nomine competentis, est adhibenda 11. Quod exemplis declaratur. 12. 13. 14. 15. Clausula Eivē, qui hanc feret, &c. obligationibus inferi solita inter mercatores inducit cessiōem 16. Quod declaratur. 17.

I.

Ceduntur actiones mandato, vel quavis aliā etiam nudā voluntate cedentis & cessionarii. Mandato, cum quis constituit procuratorem in rem suam *l. si procuratorem 8. §. ult. D. Mandat. l. 2. in fin. D. Famil. erciscund. l. 3. §. idem Labeo D. de in rem versō. l. ex nominis 8. C. de hered. v. aī. vend. & proprium lucrum. l. 4. C. de procurat.*

2. Aliā quāvis nudā voluntate absque mandato ceduntur actiones, modo titulus seu causā, undē voluntas transferendae actionis colligatur, praecesserit, ex qua utiles actiones in cessionarium transeunt, licet nullū mandatum intervenerit, *l. si cum emptore 16. D. de pact. l. ex legato. 18. C. de legat. ut infra plenius docebitur.* Hanc autem causā licitam & honestam esse oportet, juxta *L. qui stipendia 9. C. de procurat. in his verbis, honestā & verecundā precedente causā mandat sibi actiones exercueris.* illicita enim ad transferendam actionem in eam est, puta, quae sit vexandi debitoris vel rei causā, de qua agitur in tit. C. Ne liceat potentioribus, & nos suo loco plura dicemus.

3. Præterea talis causā requiritur, quae ad alias res cum

cum corporales, tum incorporales transferendas apta sit & idonea; quales sunt venditio, *l. 3. l. postquam l. ex nominis 8. §. l. ult. C. de hered. v. act. vend.* in dotem datio, *l. nominibus in dotem, 2. C. de obl. & act. l. Marcia 48. D. Solas. matrim.* datio in solutum, *l. si in solutum 6. C. de obl. & act. l. ult. C. Quando fisc. vel privat. donatio l. penult. C. Mand. l. 2. C. de donat. & si quæ sunt similes.*

4. Quin & hoc desideratur, ut causæ cessionum veræ sint, non fictæ aut simulatæ: *l. ab Anastasio. 23. C. Mand. l. nuda 55. D. de contrab. empt. l. emptor. 12. D. de aqua pluvia arcend.*

5. Quanvis necesse non sit titulum nominatim in instrumento exprimi, sed sufficiat ex conjecturis & circumstantiis eum posse colligi, veluti, si in instrumento dicatur, Cajus cessit Sempronio pretio centum florenorum actionibus, quas habet adversus Marcium: ex adjunctione enim pretii colligitur titulus emptionis, uti notat & judicatum refert Bartolus, *in l. per diversas, C. Mand. nu. 4. & 3.* quam sententiam Doctores communiter amplectuntur teste Alexandro Trentacinq. *lib. 2. Variar. resolut. tit. de actionib. resolut. 2. adde Ioh. à Grassis §. 1. nu. 3. & 6.*

6. Ex novissimo autem ordinum Frisæ placito nullæ cessiones in judicio admittuntur, nisi expressam habeant causam seu titulum, & si fiant ex causa emptionis, contineant quantitatem pretii.

7. Inter conjunctas personas valere cessionem, etsi non constet de titulo, Doctoribus placet, *ut scribit Felinus in cap. literas. x. de presumpt. & Ioh. Imbertus lib. 1. Inst. forens. cap. 27.* In his enim personis quanvis de titulo
non

non constat, titulum donationis præsumi volunt Cynus & Iohannes Faber in d. l. *per diversas*. Ant. Gabrielius Romanus lib. 2. conclus. tit. de donat. conclus. 5. num. 33. Alexand. Trenzacing. lib. 2. tit. de actionib. resolut. 2. num. 2.

8. Tutius tamen erit, titulum adjicere, ne fraus videatur facta Constitutionibus Imperatorum in l. *per diversas* & l. *seq. C. Mandat.* præsertim cum nec donatio facile inter conjunctas personas præsumenda videatur, quia nemo creditur suum jactare, l. *cum de indebitis*. 25. D. de probat. adeò ut nec filius solvens pro patre donandi causâ id fecisse censeatur, l. *filius pro patre* 12. C. de negot. gest. Francisc. Turzanius commun. opin. 89. nisi diversum ex aliis conjecturis & circumstantiis, probetur, argumento l. *profectitia* 5. § *Papinianus* 12. D. de jur. det. ut si præter proximam conjunctionem taciturnitas longi temporis intervenerit Cacheranus decis. 132. num. 2. & seqq.

9. Porro cum justæ & idoneæ causæ præcesserunt, actiones transferuntur nudâ voluntate absque ulla traditione; quam, licet ad translationem dominii aliarum rerum ea sit necessaria, actiones corporum expertes recipere non possunt.

10. Ex eo autem, quod solâ voluntate actiones transferri dicimus, rectè concluditur, eas iam inter absentes, quàm præsentibus cedi posse, ut notat glossa ad l. *in causa* 27. §. 1. D. de procurat.

11. Illud interim summoperè notandum; quòd, licet solâ voluntate actiones cedantur, etiam inter absentes; solennitas tamen lege vel statuto ad translationem,

vel

Vel alienationem alicujus rei requisita, cessione actionis ejusdem rei nomine competentis adhiberi debeat, ut rectè monet Andreas Tiraquellus *de retract. consanguinit.* §. 1. *gl. 7. num. 1. 2.*

12. Itaq; quemadmodum res minorum immobiles sine decreto alienari nequeunt, ita nec actiones, quæ minoribus ad easdem res immobiles persequendas competunt, absque decreto cedi possunt.

13. Similiter nec Ecclesiæ jura sine solennitatibus in alienatione rerum Ecclesiasticarum usitatis rectè ceduntur, *cap. nulli. ubi Panormitan. x. de reb. Eccl. non alienand. c. sine: ubi Petrus Rebuffus. verb. vendere, commutare. 12. q. 2.*

14. Vndè & hoc vulgè receptum est, ut cessio donationis causa facta, si summam quingentorum aureorum excedat, insinuanda sit, quemadmodum testantur Soares *in Thesoro suo lit. C. num. 51.* & Villalobos *in commun. opin. lit. C. num. 33.*

15. Ad eundem modum in foro Saxonico & quibusdam provinciis Belgicis, ubi alienatio rerum immobilium non est efficax, nisi solenni cessione factâ apud Iudicem loci, in quo eæ res sitæ sunt, Actionum quoq; ad res immobiles competentium translatio eandem solennitatem judicalemque cessionem desiderare videtur.

16. Denique illud hic subnectendum est, consuetudine inter mercatores usitatâ, facillimam transferendi nominis viam suppeditare vulgarem clausulam, *Eiue, qui hanc feret, &c.* literis & obligationibus inseri solitam. Quamvis enim ea ex Iuris Civilis ratione nō alium habere videatur effectum, quàm ut adferens literas Adjecti loco habeatur, & rectè ei solvatur, petere autem nihil

B

possit;

possit; more tamen inter mercatores recepto cessionem nominis inducit, ac ei, qui exhibet obligationem, actionem tribuit; licet titulum seu causam cessionis non ostendat: Dummodo probet, instrumentum sibi à vero domino sive creditore esse traditum, vel ejus voluntate se illud habere, ut latius contra Rebuffum & alios disputat Matth. Colerus, *in tract. de process. execut. part. 2. cap. 2. num. 80. & seqq. adde Alexand. Trentacing. lib. 3. tit. de solut. resolut. 17. num. 19.*

17. Quod si tamen constet nullam justam causam seu titulum transferendi nominis præcessisse. Vi istius clausulæ non jus exercendæ actionis proprio nomine & ad propriam utilitatem in adferentem literas transit; sed ipsi duntaxat jure simplicis mandati facultas competit exigendi recipiendique solutionem ad utilitatem domini seu veri creditoris in instrumento nominati, uti docet vir accuratissimi judicii Elbertus Leoninus Geldriæ quondam Cancellarius *Cons. 13. num. 1. & cons. 92. Trentacing. d. loco.*

CAPUT III.

Qui actiones cedere possint vel prohibeantur.

SUMMARIÆ.

Quidam naturâ, quidam lege actionibus cedere prohibentur 1. Naturâ prohibentur infantes, infanzia proximi, furiosi, 2. Item muti surdi naturâ 3. Casu tantum surdi, vel naturâ aut casu muti, vel qui utrumque simul sunt casu, actionibus cedunt per
comp.

quum modum, qui procedere potest 4. Naturâ tantum surdi nulli sunt, itaque frustra de iis quaritur. 5. Lege actionibus cedere impediuntur pubertati proximi 6. Prodigii 7. Minores 25. annis habentes Curatores 8. Pupilli & minores actiones sibi competentes ad res immobiles vel mobiles, qua servando servari possunt, ne quidem adhibito tutorum vel curatorum auctoritate & consensu absque decreto cedere possunt 9. Actiones propriæ nec mobiles nec immobiles dici possunt, sed æstimantur quæ re debita 10. Quando pupillis sub alternatione fundus vel centum debentur, ex eventu de cessione ejusmodi actionis judicatur. 11.

Cedere actionibus omnes possunt, qui non prohibentur, argumento l. cum Prator 12. D. de judic. & l. ob res 20. §. si conveneris. D. de pact. dotal. cum omnia censcantur juris permissione concessa, quæ non reperiuntur prohibita. l. nec non. 28. §. quod ejus. D. Ex quib. caus. major.

1. Prohibentur actionibus cedere alii naturâ, alii verò lege.

2. Naturâ prohibentur, qui vel judicio, ut infantes & infantie proximi, §. sed quod dixi. Inst. de inutil. stipulas. l. infans 12. delectu D. ad. l. Corn. de fidej. vel intellectu & propriatione ut furiosi & mente capti, l. furiosi 40. D. de reg. jur. l. in negotiis 5. D. eod. destituuntur.

3. Quibus adnumero mutos & surdos naturâ; Non quod intellectu careant, sed quia carent organo objectum intellectui repræsentante; & operatio intellectus non apparet.

4. Qui naturâ vel casu sunt muti, vel casu surdi, vel qui sunt simul surdi & muti casu, actionibus cedere possunt per eum modum, qui procedere potest, ut alibi

Paulus inquit, *in l. mutus 43. D. de procurat.* hoc est, si intelligant, quid agant, idque, quod agunt, quodque intelligunt, se agere palam demonstrent *l. fin. D. de bonor. poss. furios. infant, &c.* Itaque nihil prohibet, quominus naturâ vel casu muti actionibus cedant scripto vel nutu, & casu surdi, scripto vel ore: Illi verò, qui casu muti & surdi simul sunt, calamo animi sensa demonstrare, atque ita, si res postulat, actionibus cedere commodè poterunt: In cessione enim actionum nudus consensus sufficit, quocunque modo demonstratus, neque necessaria est ulla verborum solennitas.

5. De surdis naturâ tantùm, nihil dixi, quia nemo reperitur naturâ surdus, qui non & simul sit mutus, teste sapientum Doctore, *lib. 4. Histor. animal.* cujus sententiam amplectitur Plinius *lib. 2. cap. 69.* At naturâ muti esse possunt, qui tamen auditu non sint privati, cujus rei exemplum extat apud Herodotum *lib. 1.* & Gellium *lib. 5. cap. 9.* in Cræsi filio, qui cùm hostem parenti manus inferentem videret, exclamare non potuisset, ἀδύνατος μὲν ἤνεν κρείων, nisi prius voces auditu percepisset ac didicisset, ut notavit V. Cl. Dionysius Gothofredus *ad l. discretis 10. C. Qui Testam fac. poss.*

6. *Lege* actionibus cedere prohibentur *pupilli* pubertati proximi, hi enim res suas alienare aut se obligare nequeunt, *l. obligari 43. D. de obl. & act.*

7. *Prodigi*, quibus bonis est interdictum: quia cum de iis obligandis, & de minuendo eorum patrimonio agitur, similes furiosis habentur, *l. bis qui 12. §. ult. D. de tut. & curat. dat. ab his. l. furiosi 40. D. de reg. jur.*

8. Denique *Minores* viginti quinque annis *curatorem* ha-

rem habentes: *l. 3. C. de in integ. rest. minor.* Quibus autem curator deest, ipso quidem jure, si contraxerint, obligantur, sed causâ cognitâ in integrum restituuntur.

9. Præterea tenenda hic est distinctio vulgò tradita, utrùm actiones minorum & pupillorum competant ad res immobiles vel mobiles, quæ servando servari possunt; an verò ad mobiles, quæ servando servari non possunt. Hæ à minoribus Curatorum, à pupillis verò tutorum consensu & auctoritate adhibita sine decreto rectè ceduntur; istæ non æquè, ut docent Andreas Tiracuellus *de retract. consang. §. 1. gl. 7. num. 12.* & Alexander Trentacinius *lib. 2. variar. resolut. tit. de minorib. resolut. §. num. 19. & 20.*

10. Quanvis enim actiones nec mobiles, nec immobiles propriè dici possint, sed tertiam rerum speciem constituent, ut eruditè contra Glossographos disputat Franciscus Hotomannus *lib. 3. obs. 3.* si tamen necesse ut alterutris adnumerentur, eas ex re, cujus persecutionem continent, æstimandas esse Bartolus tradit *in l. si sic legatum. 75. §. ult. per illum textum. D. de legat. 1.* qui enim actionem habet ad rem persequendam, rem ipsam habere videtur *l. si qui. 15. D. de Reg. jur.*

11. Quod si minori sub alternatione fundus vel centū debeantur, an actio hujus debiti nomine minori competens ab ipso rectè sine decreto alienabitur? Dubitari possit, eò quòd hæc actio partim ad rem immobilem sit directâ. De hac quæstione ex eventu vel ex postfacto judicabimus, ut Paulus in non absimili specie respondit *in l. erit ergo. 10. D. de fund. dotat.* Cum enim in alternativis obligationibus electio sit debitoris, *l. plerumque*

rumque 10. *D. de jur. dot. & ibi glossa.* si debitor centum solverit, valebit celsio secus, si solverit fundum. Erit ergo in pendentia hæc celsio, quæ uti sæpè in jure fieri solet, ex post facto confirmabitur. *l. proinde. 8. D. de reb. ered. l. sed et si 25. §. 1. D. de usufruct. adde Andr. Tiraquell. de retract. consang. ad finem tituli num. 22.*

CAPUT IIII.

Quibus actiones possint vel prohibeantur cedi.

SUMMARIUM.

Actio alius naturâ alius lege prohibente cedi nequit 1. Naturâ cedi non potest infanti, furioso, mente capto, naturâ surdo & muto 2. Sed horum tutoribus & curatoribus recte cedatur 3. Et & pupillis & adultis rem suam meliorem facientibus 4. Ipsis quoque infantibus & furiosis ex legato nominis actio acquiritur 5. Lege cedi actio prohibetur.

I. *Potentioribus 6. Quid distet titulus Digest. de alienat. ind. mut. causa fact. à titulo C. Ne liceat. potent. 7. Potentiores qui sint? 8. An potentiores intelligantur eo, qui cedit in vero eo, contra quem cedatur? 9. Pena cedentis potentiori, 10. Qua cessat, si filio, licet potentiori, celsio facta sit 11. Idem non recte Doctores in. quovis consanguineo admittunt 12.*

II. *Advocatis & procuratoribus sub pactione quota litis actiones cedi lege prohibentur 13. Lege Cincia & Titia advocatis nec pecuniam, nec donum pro patrocinio licebat accipere 14. Sed Imp. Claudius Nero & Trajanus honorarium advocatis ad certam quantitatem dari permisissent 15. Ea quantitas est centum aureorum 16. Quam licet excedere in criminalibus & arduis causis 17. Hodie licet de salario pacisci modò legitima*

legitima quantitas non excedatur 18. *Ut & de palmaris.* 19. *Non de quata litis* 20. *Cui comparatur conventio, quā pacifcor centum dari, si vincam, nihil, si perdam* 21.

III. *Actio cedi prohibetur Tutori vel Curatori adversus pupillum vel minorem* 22. *Licet finita tutelā vel curā* 23. *Pupillus vel minor ut indebitū condicere potest* N. 72. *quod ex huiusmodi cessione solvit* 24. *Parentes tamen liberorum suorum tutores d. Novellā* 72. *non comprehenduntur* 25. *Cedens actionem amittit, si in fraudem legis prohibenti cessio sit facta, secus si cessio nulla sit ob defectum alicuius solennitatis à lege requisita* 26.

IV. *Patri adversus filiumfam. & contra actio cedi nequit* 27. *Secus si filius sit emancipatus* 28. *A non privilegiato in privilegium actionem transferri non debere volum.* *Doctores* 29. *Quare in Gallia actio cedi non potest scholastico, nisi à conjuncta persona* 33. *Iure tamen civili cessio in privilegium non videtur prohibita.* 31.

I.

CUm omnibus non prohibitis actiones rectè ceduntur; Videamus quibus actiones naturā vel lege prohibente cedi nequeant.

2. *Naturā actio cedi non potest infanti, furioso, mente capto, naturā surdo & muto, quia vel intellectu carent, vel operatione mentis destituuntur, ideoque per se nihil acquirere possunt.* l. 1. §. 12. & seq. D. de obl. & act. l. 1. §. 1. D. de verb. obl. §. mutum. §. furiosum. Inst. de inutil. stipulat.

3. Sed horum nomine tutoribus & curatoribus rectè ceditur. Pupillis certè pubertate proximis, quando rem suam meliorem faciunt, & adultis, dubium non est quin omnes actiones rectè etiam absque tutorum vel
curatorum

curatorum consensu & autoritate cedantur, *in princ. Inst. de autor. tut. l. pupillus 11. D. de acquir. rer. dom. §. pupillus p. l. de inut. stipul.*

5. Quin & ipsis infantibus, furiosis &c. si nomen legatum sit, non dubito, quin actio utilis acquiratur, *l. filiusfam. 15. §. 1. D. Qui testam. fac. poss. conjuncta l. ex legato 18. C. de legat.* quam tutores & Curatores eorum nomine possunt exercere.

6. *Lege* nominatim actiones cedi prohibentur, primò potentioribus, *10.º titulo. C. Ne liceat potentior.* quia, ut inquit, Iuriconsultus, potentioribus pares esse non possumus *l. 3. D. de alien. judic. mut. causa fact.*

7. Titulus autem *de alien. judic. mutand. cau. fact.* distat ab hoc titulo, *Ne liceat potent.* Quod hic de actione in potentiorē translata tractet; ille sit de re in potentiorē ab eo, qui ejus nomine verebatur ipse judicium accipere, translata; hic ad actorem; ille ad reum propriè pertineat, *Vide Iacobum Cujacium lib. 8. obs. cap. 31. & in parat. C. Ne liceat potent.* Sanè si is, qui agere poterat, judicii mutandi causā, actionem transtulerit in alium, ad hanc cessionem Edictum, de alienatione judicii mutandi causā facta, etiam produci & porrigi debere post Accursium Iacobus Cujacius rectè docuit, *lib. 10. obs. cap. 3.* cui frustra reclamant Hubertus Giphanius, *ad tit. C. de alienat. judic. mut. causaf.* Quia, ut Ant. Faber inquit, *in rationalibus ad l. 4. §. 3. in verb. Caterum ff. de alienat. judic.* nulla ratio est cur hac parte minus reo faveamus, quam actori, *contra l. favorabiliores 25. ff. de Reg. jur. & huic permittamus, quod illi non licet. contra l. debet 41. ff. cod. fac. l. 1. §. non solum ff. Si quis jus. dicent. non obtemp.*

obtemp. Multum tamen refert, actor an reus incidat in hoc edictum. Reus enim si incidat, tenetur in id, quod interest duriores adversarium non habuisse, *l. 1. ff. de alien. iudic. mut. caus. fact.* Actor verò si incidat, ex hoc edicto non tenetur, sed ei, in quem ius agendi translatus est, actio denegabitur *argum. l. pen. ult. ff. de alien. jud. mut. & ibid. Ant. Faber in rationalib. l. Cujas. d. cap. 3.*

8. Porro potentiores non tantum eos judicandos existimamus, qui ratione officii sui prævalent, ut Bartolus & alii interpretes, quos refert & sequitur *Alexand. Trontacing. lib. 2; Variar. resolut. tit. de postulando. resolut. 2. num. 6.* volunt; sed & qui opibus aut aliâ ratione antecellunt, & metum adversario incutere possunt juxta diserta *l. 1. C. Ne liceat potent.* verba, ut *judiciaria lites potius suo Marte discurrerent, quam potentiorum domorum opibus niterentur*: quæ singula ludicis arbitrio relinquenda cum Iacobo Menochio *lib. 3. præsumpt. 129. num. 37.* censemus.

9. Potentiores rursus intelligimus non eo, contra quem actio ceditur, ut Petrus Rebuffus malè putavit, *in tract. de cess. act. gl. 5. super art. 4.* & judicatum refert Franciscus Duarenus, *ad tit. de alien. jud. mut. caus.* sed eo, qui cedit, *loh. Faber in l. per diversas. 22. in fin. C. Mandati.*

10. Quod si quis contra hanc legis prohibitionem actionem in potentiores transferat, debiti jacturâ mulsetur, & potentior extra ordinem, si res postulat à Rectore Provinciæ, quem D. Claudius hujus rei disceptatorem & ultorem specialiter fecit, coercetur, *l. 1. & 2. C. Ne liceat potent.*

11. Quæ pœna non obtinet in cessione facta à patre filio, licet potentiori, ut vulgò putatur, testibus Tiraquello *in præfat. l. unquam. C. de rebus. donat* & Alexandro Trentacinq. *d. resolut. 2. num. 10.* Idemque, ut referunt Tiraquellus, Trentacinq. *iiisdem locis* & Menochius, *d. præsumpt. 129. num. 39. & 40.* statuunt Doctores in quovis cedentis consanguineo.

12. Quæ extensio nimis lata mihi videtur. Hoc enim si liceat, quis non videt quàm facile unusquisq; eludere possit pœnam, quâ Divus Claudius consultissimus Princeps apertam creditorum voracitatem coercuit *in d. l. 1. C. Ne liceat potenti.* Præsertim cum experientia quotidiana doceat, multos, consanguineorum potentiâ gratiâq; ferocientes, tenuioribus superbè & nimis importune insultare. Quare non magis existimo actionem in potentiorum consanguineum transferri posse, quàm actionem litigiosam in conjunctam personam, *l. 2. C. de litigios. ibi, in conjunctam personam vel extraneam.* In filio diversa videtur ratio; cessat enim suspicio fraudis, cum liberali & paterno potius affectu, quàm animo vexandi & incommodo adversarium adficiendi, actione filio cessisse præsumatur, *argumento l. ult. C. de adopt. ibi, nullius conventionis suspicio potest aliquam sibi vindicare licentiam, avitâ & provavitâ affectione hæc omnia rescante.* Deinde cum filius suo tempore in patris bona successurus sit, & etiam vivo patre dominus quodammodo sit bonorum, *l. in suâ. 11. D. de liber. & postum.* nullâ injuriâ debitor affici videtur, si actionem ei pater præstet, licet potentiori.

13. Advocatis quoque & procuratoribus sub passionibus certæ partis, puta, quartæ, tertie, dimidiæ, actiones
cedi

cedi jura vetant: adeo ut iis, qui insuper habitâ hac prohibitionem sub nomine honorariorum alienam litem contra bonos mores redemerint, tanquam deprædatoribus interdicanť ad vocationibus & foro, *l. si quis advocatorum* 5. *C. de postuland. l. si contra.* 20. *C. Mand. l. litem.* 15. *C. de procurat. l. sumptus* 53. *D. de pact. l. nec quicquam* 9. §. 1. *D. de offic. Procons. l. remunerandi* 6. §. *fin. cum l. seq. D. Mandat. Gerard. Maynard. decis. Tholos. lib. 3. decis. 12. Alexand. Trentacinq. d. tit. de postuland. resolut. 1. loh. Corras. in centuria Senatusconsultorum Tholosanorum, cap. 15. Adrianus Pulvium in comment. ad Edictum, de alien. judic. mutand. cap. 9.*

14. Cujus constituti juris ratio altius inde peti potest, quod lege Cinciâ, quæ & Muneralis dicta, auctore Festo Pompejo, antiquitatis cautum erat, ut videre est apud Tacitum *lib. 11. 13. 15.* ne quis ob causam orandam pecuniam donumve acciperet, quod

*Turpe reos emptâ miseros defendere linguâ,
Quod faciat magnas turpe tribunal opes.*

Lege quoque Titia idem sancitum fuit, cujus mentionem facit Ausonius his versiculis;

*Jurisconsulto, cui vivit adultera conjunx,
Papia lex placuit, Julia displicuit.*

*Quævis unde hac sit distantia? semivir ipse
Scantiniâ metuens non metuit Titiam.*

De qua lege Titia, qui plura scire velit, consulat Antonium Augustinum de legibus & Senatusconsultis: Plinium

nus gloriatur *lib. 5. ep. 14.* quod in causis agendis non modo pactione dono & munere; verum etiam xeniis abstinerit. Sed hæ leges paulatim in usu esse desierunt.

15. Claudius verò Imperator primus Advocatis certum honorarii capiendi modum præscripsit, ut refert Tacitus, *lib. 11. annal.* Capiendis, inquit, pecuniis posuit modum ad dena sesteritia. Et Suetonius, Neronem quoque cavisse narrat, ut litigatores pro patrociniis certam justamque mercedem darent, quam Trajanum Imp. Advocatis post negotia ad exitum perducta concessisse tradit Plinius *d. lib. 5.* his verbis: *Peraſſu tamen negotiis perſittebantur pecuniam duntaxat decem millium dare.*

16. Denā enim sesteritia æquivalent decem sesteritium nummorum millibus juxta calculum Guilielmi Budæi *de aſſe*; & Didaci Covarruvie, *de veterum numismatum collat. cap. 4.* vel quod idem est, centum aureis, ut post Budæum observavit Iustus Lipsius *ad lib. 11. Tacit.* Atque hanc centum aureorum quantitatem pro singulis causis ab Advocatis licite accipi scribit Ulpianus *in l. 1. §. ſic ut verſ. licita. D. de variis & extraordin. cognit. vide Pet. Fabrum in comment. ad tit. de juſt. & jure.* Centum verò aureos ad monetæ Gallicæ æſtimationem relatos, ducentos plus minus coronatos conficere existimat Iohannes Corraſius, *in centuria Senatuſe. Tholoſ. cap. 25. Vide & Franciſc. Poletum in Hiſtoria fori Romani lib. 2. cap. 11.* idque colligi videtur ex l. quotiescunque. De ſuſceptoribus *lib. 10. Cod.* ubi dicitur, conſtare libram auri ſeptuaginta duobus ſolidis ſeu aureis Romanis, apud Gallos autem duplicato illo aureorum numero ad libram auri opus eſſe tradit Mornacius in ſignis cauſarum, in curia

in cursa Patrisiensis patronus, *in observat. ad l. 11. D. de dolo.*

17. In causis tamen criminalibus, itemque quando agitur de fama & dignitate Magnatum conservanda, vel his est de arduis negotiis, quæ magnos labores & fidentiant, præfinitam quantitatem excedi posse Defensoribus quos refert *Alexand. Trentacinq. d. resolut. 1. num. 12. & 13. visum est.*

18. Hodie igitur advocatis non solum accipere salarium, sed & de eo pacisci licet, dummodo legitima quantitas non excedatur *d. l. 1. §. si cui*, utique ea ratione Advocatio permissum esse dicitur, justum vendere patrocinium. *Francisc. Martius in decisionibus quest. 63. in fine.*

19. Quin & licet Advocato pacisci de palmario seu præmio Victoriæ h. e. ut in casu Victoriæ aliquid ultra ordinarium salarium consequatur, *d. l. 1. §. si cui. Alexand. Trentacinq. d. loc. num. 4.* eoque nomine certi conditione vel actione ex stipulatu experietur vel officium iudicis implorabit, *ut observat And. Gail. lib. 1. obs. pract. obs. 44. num. 2. 3.*

20. Verum omnino, ut ante dictum est, abstinere debent Advocati à pactione redimendæ litis aut consequendi quotam aliquam ejus, quod ex ea lite dabitur. Ejusmodi enim redemptio litis bonis moribus adversatur, & calumniæ sive vexationis emptio plerumque est potius, quam juris, ac *tyrannica* mera, ut inquit Jacobus Cujacius, *lib. 8. obs. cap. 31.*

21. A redemptione litis non aliena quoque, ac proinde improbata conventio est, quando Advocatus hoc modo paciscitur, ut si superior evadat eliens, ipsi det centum, *sin*



tum, sin succumbat, nihil largiatur. Hæc enim pactio etiam ansam calumniandi præbet advocatis, satagentibus per fas nefasq; vincere, ne perdant, labores suos, ut noiet Trentacinq, *d. loco. num. 4.*

22. Præterea actiones tutoribus & Curatoribus in pupillos vel minores cedi Imperator Iustinianus novè prohibuit, *Novell. 72.* cum antea ejusmodi cessiones valerent, *l. non fit contra 12. D. de reb. cor. qui sunt sub tut. v. c.* Sed id non sine gravissimis justissimisque causis à Iustiniano immutatum est. Cum enim sæpè tutores vel curatores adversus pupillos vel minores actiones inanes, infirmas & inutiles vili pretio redimerent, Vel ex donationis causa sibi cedi procurarent, ac dein apochas, quibus pupilli vel minores se defendere ac pecuniam solutam probare potuissent, supprimerent; *d. Novell. in præfat. & in cap. quod si quis §. merito.* Imperator hujusmodi cessiones, licet pro veris causis factæ sint, non tantum ipso jure irritas & nullas esse voluit, sed tutoribus quoque & Curatoribus regressum adversus cedentem denegavit: imò nec actionem ab ipso cedente moveri, sed totam lucto pupilli vel minoris cedere constituit, *d. c. quod si quis §. uterque* enim tam cedens, quam cessionarius contra legem commisit.

23. Improbantur autem à Iustiniano *d. Novell. 72.* non solum cessiones, quæ factæ sunt tutoribus aut curatoribus eo tempore, quo adhuc in administratione versantur: Sed etiam post finitam tutelam aut Curā prohibentur, ne hac occasione arrepta ad futuram litem eadem malignitate se præparent, *d. c. quod si quis §. & non solum.*

24. Quin usque adeò hæc cessio improba putatur, ut pu-

ut pupillus vel minor, quod ex ea tutori vel curatori solverit, tanquam indebitum per errorem solutum repetere possit. Cum enim liberatus sit auctoritate legis, utraq; obligatio & naturalis civilis sublata fuit, atque ita solum omni jure indebitum, ut post Iacobum de Belviso tradit Bartolus *d. Novell. 72. n. 11.* quem sequitur Rittershusius *in method. expositione Novellarum, part. 8. cap. 5. in fine.*

25. Sanè parentes, liberorum suorum tutores, ab hac Novella meritò excipiuntur, quia in has personas non cadit doli aut subreptionis instrumentorum suspicio, vide Cajacium *ad d. Novell. 72. Masuer. tit. 5. num. 39. in fin. Rhenatum Choppinum lib. 2. de morib. Parisior. tit. 7. num. 4.* & ita à Curia Parisiensi aliquando judicatum esse refert Georgius Lovet *au Recueil. des notab. arrest. lit. T. num. 4. ibi in notat. Julianus Brodeau.*

26. Quod autem Iustinianus *in d. Novell. 72.* ipsum cedentem omni suo jure cadere, & minorem debitum lucrari sancivit, id generaliter obtinere putant interpretes, quoties cessio ideo nulla est, quod contra legis prohibitionem facta sit, *argum. l. 1. C. de sepulc. violat. l. cum qui. C. de adul. & l. quid ergo §. cum autem. D. de his qui not. infam.* Verum si ex alio capite nulla sit, quia fortè solennitas à lege vel statuto requisita in ea non intervenit, puta si minor actionem rei immobilis sine decreto cesserit, actio non perit cedenti, sed perindè habetur ac si cessio nulla fuisset facta, *Andr. Tiraquell. de retract. consang. §. 26. gl. 2. num. 11.*

27. Patri etiam adversus filiumfam. aut filiosfam. adversus patrem præstari seu cedi actiones non possunt.

l. actio.

actiones 7. D. de obl. & act. l. si pater 44. §. 1. & ibi gl. D. de jar. dos. Ratio est perspicua, quia durante patriâ potestate nulla lis inter patrem & filium esse potest, *l. lis nulla 4. D. de judic. §. item inutilis. 6. Inst. de inut. §. si. nisi ex peculio castrensi, l. si quis 52. §. 4. §. 5. 6. D. de furt. d. l. lis nulla.* quod occasione militiæ acquiritur; *l. 4. l. castrense. D. de cast. pecul.* cui glossa in *d. l. lis nulla.* quasi castrense peculiam comparat. Idem obtinere & in adventitiis, in quibus patri non acquiritur ususfructus, tradunt Bartolus & Paulus de Castro.

28. Emancipatis sanè, cum veniâ Edicti petita experi ri non prohibeantur, *l. 3. C. de in jus vocand.* actiones adversus parentes licitè cedi videntur, *argum. d. l. actiones 7. D. de obl. & act.* Sicut è contra, nihil obstat, quo minus eadè parentibus adversus liberos emancipatos præstari possint, dummodo animus, vexandi aut asperius quid agendi desit, qui non facile inter hujusmodi personas, tam arcto naturæ vinculo conjunctas, præsumitur.

29. Denique à non privilegiato in privilegiatum actiones transferri non posse Interpretes docent, ne privilegio cessionarii durior reddatur rei conditio, & ideo à Laico in Clericum prohibitam esse cessionem *cap. fin. 10. de alien. judic. mut. caus. fact. Rodericus Suarez allegat. 19. Alexand. Trentacinq. d. tit. de postuland. resolut. 2. num. 3.*

30. Hinc & propter privilegium fori, scholastico in celebri literariæ rei emporio literis insudanti concessum, in Gallia ex regis constitutionibus cessiones scholasticis factæ non aliàs valent, quàm si hæ à patre filio, à fratre fratri, à patruo vel avunculo fratris vel sororis filio factæ sint. Quibus etiam casibus tam is, qui cedit, quàm
cui ce-

cui ceditur solenni iurejurando præstito affirmare teneatur, cessionem veram & non simulatam esse, planeq; in commodum scholastici, cui ceditur, eam verti, nec quicquam cedenti per eam retineri aut reservari, ut testantur Galliarum Pragmatici, *Ioh. Imbertus lib. 1. Inst. forens. cap. 27. Guido Papa decis. 272. & ibi in addit. Stephanus Rambinus. Petrus Rebuff. in tract. de action. cessione super art. 3. Ludovici XII. des privileges des escoliers. gl. 2. & seqq.* Iure communi cessiones in privilegiatum fieri non omnino prohibitum videtur, sed si factæ sint, denegatur cessionario privilegium fori, vel si quod proprium jus habet, quod non habuerit is, qui actione celsit: Cessionarius enim iisdem legibus alligandus est, quibus cedens tenebatur, atque ideo perinde iudicium procedit ac si reo esset res cum eo, qui actione celsit. Ita docent *Iacob. Cujacius lib. 10. obs. cap. 3. & Emmanuel Soarez. in thesuro recept. sent. in l. 1. C. num. 50. quibus adde Ant. Fabrum lib. 3. Cod. Sabaud. tit. 12. definit. 22.*

Tantum de personis, quæ actiones cedere, & quibus actiones cedi prohibentur. Sequitur ut, quæ actiones cedi possint vel non, explicemus.

CAPUT V.

Quæ actiones cedi vel non cedi possint?

SUMMARIUM.

CEDI POTEST actio tam in rem, quam in personam. 1. Tam ex delicto, quam ex contractu descendens 2. Etiam actio semel
D cessa

cessa 3. Spes actionis, 4. Remedia possessoria 5. Jus parata executionis 6. Restitutio in integrum 7. Quae tamen generali omnium iurium cessione non transfertur, sed specialiter cedi debet 8.

CEDI NON POSSUNT actiones criminales & publicae 9. Populares 10. Actio injuriarum 11. Quercela infamiosi testamenti 12. Jus revocanda donationis ob ingratitudinem donatarii 13. Actiones litigiosae 14. 15. 16. 17. 18. 19. 20. 21. 22. In Gallia litigiosi vitium non attenditur 23. Quare. An actio h. potestaria absque principali recte cedatur 24.

Cedi praeterea nequit petitio fideicommissi universalis 25. Potest tamen cessionarius ut simplex procurator agere 26. Alia exceptio ex Fabri sententia refertur 27. Cedi nequit jus retractus ex statuto proximioribus competens 28. Secus in jure retractus conventionalis 29. Denique non recte ceditur jus petenda bonorum possessionis 30. Servitum praedialis 31. Jus praelationis competens domino in re censuali & emphyteuticaria 32. jura merè personalia 33. Neq; tamen ususfructus per cessionem extraneo factam extinguitur 34.

1.

Regulariter omnes actiones tam reales, quàm personales cedi possunt. Nam Iustinianus *in l. ult. C. de hered. & act. vendit. certi & indubitati juris esse*, inquit, *ad similitudinem ejus, qui personalem redemerit actionem & similiter eam movere suo nomine conceditur, etiam cum, qui in rem actionem comparavit, eadem uti posse facultate.* Utraque enim actionis species est jus, pròindeque per cessionem in alium transferri potest.

2. Non tantum actiones ex contractu, sed etiam ex delicto descendentes rectè ceduntur, ut *condictio furtiva, l. cum quis 38. §. 1. D. de solut. l. si vendidero. 80. §. ult.*

D. de

D. de furt. l. quod sapē 35. §. si res 4. D. de contr. emp. furti pā;
nalis l. cum qui 14. in pr. D. de furt.

3. Actio etiam semel cessa, ab eo, cui cessa est, cedi potest, *argum. l. 1. §. de illo 8. D. ad Sc. Trebell. cum enim cessa actio fiat cessionarii, dubium non est quin eam rursus in alium transferre possit, argum. l. ult. C. de hered. & act. vend.*

4. Nectantur actio, sed etiam futuræ actionis spes utiliter transfertur *l. 3. C. de donat.* Futuræ actionis spes est in stipulatione aut contractu condicionali. Nam in his nondum res, sed spes tantum nostra est, eaque ipsa spes cedi potest, quemadmodum & spes siue res futura promitti, vendi, oppignorari potest, *l. & qua nondum 15. D. de pignorib. l. nomina. 17. l. multum 19. D. de hered. & act. vend. §. 4. vers. ex condicionali. Inst. de verb. obl.* Denique non tantum actiones propriè & specificè sic dictæ, sed & alia quævis remedia, quibus id, quod nostrum est, persequimur, cedi possunt, ut remedia possessoria, *de quibus distinctè tractat Iacob. Menoch. de retri. poss. remed. 3. num. 238. & seqq.*

5. Ius paratæ executionis ac rerum propriâ auctoritate occupandarum, ut tradit *Matthias Colerus de process. execut. part. 2. cap. 2. & Bart. ad l. 1. §. ult. D. de nov. oper. nunc.*

6. Restitutio in integrum, *l. quod si minor 24. in pr. D. de minorib. l. si minoru 25. D. de administ. tut. l. alterius 20. §. non idcirco. D. de tut. & rat. distrah.*

7. Ut autem hæc in integrum restitutio rectè cedatur, specialis designatio requiritur, *l. illud 15. §. 1. D. de minorib.*

8. Neque enim generali cessione omnium jurium in cessionarium transire intelligitur. Cum notum sit, in generali cessione ea non venire, quæ speciali notâ indigent, *cap. qui ad agendum, de procurat.* Vndè & Gajus de procuratore tractans in *d. i. illud §. 1.* his utitur verbis, *si procuratori nominatim mandatum sit, & alio loco in l. patrâ filio 27. §. 1. D. de minorib.* idem Ictus agnatos & affines non aliter audiri oportere, ait, *quàm si ex voluntate adolescentis postulens*, ubi glossator desiderat voluntatem expressam; neq; hoc ratione caret. Agitur enim aliquatenus de honore & existimatione ejus, qui in integrum restitutionem postulat, quippè qui veniat contra propriam conventionem & proprium factum. Quamquam autem in integrum restitutio cedi possit, in foro tamen infavoreabiliorem ejusmodi cessionem esse observavit Mornacius, *ad l. 6. D. de in integ. rest.* quàm si ille ipse restitutionem in integrum peteret, qui jus suum transcripsit alteri, idque exemplo arresti à Curia Parisiensi lati declarat. Sunt & alia nonnulla jura, quæ cedi possunt relata ab Andrea Tiraquello.

Sed ut plenius cognoscamus, quæ actiones cedi possint, videamus de iis, quæ cedi prohibentur: His enim cognitis, simul intelligemus, quæ actiones cedi possint; cum contrariorum quantum ad eorum cognitionem attinget, eadem sit ratio & disciplina, & finiti cognitione propositâ, ultro sequatur infiniti cognitio.

9. Cedi nequeunt imprimis actiones criminales publicæ *l. penult. §. ad crimen D. de publ. judic.* & populares:

10. Quia Reipublicæ aut vindictæ publicæ magis, quàm pecuniæ aut rei familiaris persecutionem habent,

bent, nec ante litem contestatam in bonis nostris computantur, *l. penales 32. D. ad leg. Falcid.* & qui has actiones habet, non intelligitur esse locupletior, *l. penult. §. 1. D. de popul. act.* ideoq; nec creditor rectè dicitur *l. ut si cui 12. D. de verb. signif.* 16. Hinc & fit, quod ante litem contestatam fidejussor pro actionibus popularibus non datur; *l. si quis pro eo. §. 6. in fin. D. de fidejuss.* ubi enim nullum est debitum aut obligatio, ibi nulla est fidejussio, *l. fidejussor. 16. & 37. D. de fidejuss.* Post litem verò contestatam, quamvis in bonis nostris sint, nihilo tamen magis cedi possunt, cum eo ipso jam litigiosæ sint factæ. Quas tamen privatam utilitatem concernunt hæ actiones, rectè mandantur, *l. licet 42. D. de procuratorib. gl. ad d. l. 12. D. de verb. signif.*

11. Eandem ob causam statuo (reclamantibus licet Doctoribus quos allegant Emanuel Soares. in suo thesaur. lib. 3. num. 72. & Andr. Tiraquell. de retract. consang. §. 26. gl. 1. num. 4.) actionem injuriarum nunquam cedi posse. Non post litem contestatam ob vitium litigiosi. Non ante, quia tunc nondum in bonis nostris reputatur: *l. injuriarum 28. D. de injur. d. l. penales 32. D. ad L. Falcid.* Quandoquidem non pecuniæ aut rei familiaris, quæ absit actori, sed vindictæ, seu honoris imminuti ulciscendi persecutionem tantum habet *l. Prator. 7. §. 1. D. de injur. l. 2. §. emancipatus. D. de collat.* Cui convenienter Marcus Tullius in orat. pro Cacinna. ait, injuriarum actionem non jus possessionis adsequi, sed dolorem imminutæ libertatis judicio pænæque mitigare. Neque me movet quod Johannes Sichardus ad l. ult. E. de hered. & act. vend. Bartolum in d. l. injuriarum 28. D. de injur. secutus, dicit actio-

D 3

nem in

nem injuriam ante litem contestatam non esse in bonis nostris quoad transmissionem ad heredes, secus quantum ad alia. Nam si ad heredes transmitti non potest, ergo nec cedi, uti infra patebit in examine istius axiomatis.

12. Similiter nec querelam inofficiosi testamenti, quæ in multis imitatur actionem injuriarum, rectè cedi existimo. Nam ut actio injuriarum magis contumeliæ & doloris, quàm pecuniæ persecutionem habet, tametsi lis pecuniariter æstimetur, *d. l. 2. §. emancipatus D. de collat.* ita quoque querela inofficiosi testamenti principaliter causam doloris agit & notæ (quàm filio immeritò per exheredationem inflixit parens) potius, quàm pecuniæ, ut rectè Iacobus Cujacius ait, neque ante litem contestatam in bonis nostris computatur, *l. 1. §. sed si (puta.) D. Si quid. in fraud. patron.* Undè nec ad heredem extraneum transit, nisi defunctus institutâ accusatione inofficiosi (hoc est, post agnitam litis ordinandæ gratiâ bonorum possessionem) decesserit *l. possumus 7. §. ult. l. 7. §. 1. D. de inoff. testam.* At lite jam contestatâ, querelam cedi prohibet vitium litigiosi. Neutro igitur tempore cedi rectè poterit.

13. Eiusdem generis est jus revocandæ donationis ob ingratitudinem donatarii, quod nec heredi, nec in heredem tribuitur, si donator ipse res datas non revocaverit, quamdiu vixerit, *l. 1. lib. solus 7. l. ult. C. de revocand. donat.* quia, ut inquit Imperator, *in d. l. 7. ita personalis ea est, ut Vindicationis tantum habeat affectum*, hoc est, ut rectè interpretatur Cujacius, *lib. 4. obs. cap. 19.* Vindictam seu ultionem tantum persequatur, non pecuniam. Vulgò in
co loco

eo loco vindicationem pro actione in rem accipiunt, sed malè. In eo tamen differt hoc jus revocandæ donationis ob ingratitudinem à querela inofficiosi testamenti, de qua ante egi, quod illud ne quidem ad suos transmittatur; *d. l. 1. & ult. C. de revocand. donat.* hæc ad suos heredes transeat, licet lis nullo modo sit præparata, *l. si quis filium 34. l. sumus 36. in fin. C. de inoff. testam.* Undè apparet multo minus revocandæ donationis facultatem cedi posse *argumento l. ex pluribus 42. D. de administrat.*

14. Præcedentibus adjungi potest antiqua actio de moribus, item actio, quâ patroni extra ordinem liberos ex causâ ingratitudinis in servitutem retrahunt, *l. 1. & 2. C. de libert. & eor. liber.* quam ingrati actionem adversus liberum, non opinor in heredes transire *argumento l. 1. in fin. C. de revocand. donat.* Nam quod in *l. pen. C. de libert. & liber. eor.* docetur, etiam manumissoris heredibus ingrati accusationem dari, id ita accipiendum puto, si ille ingratitudinem & servilis ingenii nequitiam contra ipsos heredes admiserit, non si in patronum fuerit ingratus, isque silentio injuriam sibi factam præterierit, *argumento d. l. 1. & ult. C. de revocand. donat.* De hac actione extraordinaria, quâ liberti ex causâ ingratitudinis in servitutem retrahuntur, vide doctè & pulchrè differentem Jacobum Cujacium *lib. 10. obs. cap. 33. lib. 21. cap. 6. & ad Novell. 78.*

15. Nunc ad actiones litigiosas pergo, quas cedi non posse fati superque probat titulus D. & C. de litigiosis. Ut autem intelligatur, quando actiones fiant litigiosæ, distinguendæ sunt actiones reales à personalibus & mixtis.

16. Actio

16. Actio in rem efficitur litigiosa, simulatque citationis decretum actionis causam continens reo denuntiatum fuerit, *vide allegatos à Trentacinq. lib. 2. variar. resolut. 17. num. 3.* Nam si jure novo res ipsa, quæ petitur, solâ citatione sit litigiosa, *Novella 112. anib. litigiosa. C. de litigios.* æquè ab eo tempore actio in rem competens litigiosa fiet, ne actor in sua actione melioris si conditionis, quam reus in re, cujus nomine convenitur, contra regulam juris, quæ non debere, ait, actori licere, quod reo non permittitur *l. non debet 41. D. de reg. jur.*

17. Actio in personam litis contestatione demum efficitur litigiosa *l. 2. C. de litigios. Trentacinq. d. resolut. 17. num. 9. & seqq.* In personali enim actione jus Digestorum mansit incorrectum, quo per litis-contestationem vitium litigiosi contrahebatur, *l. 1. §. fin. D. de litigios.* A tempore igitur litis contestatæ actionem personalem cedi non posse rectè dicemus. Idque Guido Papæ *decis. 479.* restringit ad actionem directam, quasi actio utilis cessionario competens, utpotè in judicium non deducta, litigiosa non sit effecta, proindequæ adhuc efficaciter in cessionarium transeat; Guidonem sequitur Trentacinq. *d. resolut. 17. num. 15.* & mirè probat Menochius *lib. 2. præsumpt. 97. num. 14.*

Verùm cum utilis actio, quæ per cessionem transire solet, eandem imò sæpè majorem habeat vim, quàm directa, quæ apud cedentem remanet, nihil erit facilius, quàm actionis litigiosæ cessionem & exactionem hac ratione in alium litē pendente transferre, & ita evertere omnia, quæ de litigiosis actionibus non alienandis tam
Iuris.

Jurisprudentes, quàm Imperatores caverunt, quod, utpote in fraudem legum excogitatum, nequaquam admitti debere existimo.

18. Ad actiones mixtas quod attinet, secernunt Doctores mixtas universales à particularibus. In universalibus idem, quod in realibus juris obtinet, Particulares verò instar personalium per litis contestationem demum litigiosas effici, frequentius receptum est, *referentibus Menochio. d. præsumpt. 97. num. 21. & seqq. Hartmanno Pistoris lib. 2. quæst. jur. quæst. 40. num. 11. & 12. Trentacinq. d. resolut. 17. num. 16.*

19. Atque hæc de prohibita actionum litigiosarum cessione hætenus. Non attenditur autem vitium litigiosi, primò, cum actio litigiosa relinquitur testamento & codicillis *l. 3. & ult. C. de litigiosis*, quia hujus cessionis occasio est mors litigatoris, non cupiditas vexandi adversarii. Secundò, quando ex causa divisionis rerum hereditariorum facta est cessio inter coheredes *d. l. ult. C. de litigiosis*.

20. Rationem reddit Iustinianus, *in Novell. 112* quia divisio rerum hereditariorum facta inter coheredes non videtur esse alienatio, cum ad eos litigiosa res vel actio jure hereditario perveniat.

21. Tertiò placuit actionē litigiosam in aliam transferri posse ex causa dotis vel donationis propter nuptias *d. l. ult. C. de litigiosis*. quia hujus quoque cessionis causa non est cupiditas exagitandi adversarii, sed affectio nuptiarum, dum fortè non superest alia res, qua in dotem vel propter nuptias detur, *vide Cujacium in parat. d. de litigiosis*. *num. 10. ubi dicitur de actione quæ litigiosa est.*

E

22. Deniq;

22. Denique obtinuit litigiosi vitium non nocere ubi instantia per renuntiationem vel transactionem vel alio quocunque modo perempta est, ut tradit *Francisc. Vivius lib. 2. decis. 385. & alii relati à Menochio d. presumpt. 97. num. 61. & Hartmanno Pistorius d. quest. 40. num. 14. 15.* Complures alii casus, quibus res actioque litigiosa alienari ceditque potest recensentur ab Alexandro Tréntaciuo, *d. resolut. 17. num. 25. & seqq.*

23. Illud ultimò monendum putavi Iohannem Paponem *de arrestis lib. 2. cap. 2.* & Iohannem Imbertum *in Enchiridio Iuris Gallici*, aliosque scriptum reliquisse, vitium litigiosi in Gallia desuetudine abrogatum esse, nisi cum agitur de transferenda lite ad forum privilegiatum aut in potentiolem, quam Gallie consuetudinem etiam in multis Belgii provinciis obtinere attestatur Elbertus Leoninus *in suis juris emendationibus & observationibus necdum publicatis.*

24. Porro ex quorundam Doctorum sententia actio hypothecaria non potest sola cedi sine principali obligatione, *Speculator in tit. de cession. act. §. 1. vers. sed quid si cessit. Ferrariens. in Form. respons. Libelli in actione hypothecaria; in verbis cedente & in eum transferente. num. 1. & alii, quos referunt Nicol. Boerius decis. 335. num. 2. & Andreas Tiraquell. de retract. consang. §. 26. gl. 1. num. 7.* Sed aliter sentiunt Bartolus *in l. fideiussor obligari. D. de fideiuss.* & alii relati à Boerio, Tiraquello *ad loc.* & Tremaciuo *lib. 2. tit. de actionibus. resolut. 5. num. 2. vers. in secunda difficultate.* Quorum opinioni ut communiori, ita & veriori accedo.

Nam cisi hypothecaria ab initio constitui non potest
absque

absque actione principali, tamen semel constitui potest ab ea separati: neque necesse est, ut is, qui hypothecariam habet, semper etiam habeat principalem, *argumento l. Iulianus § 5. D. de legat. 3. l. Grege 13 §. cum pignori 2. D. de pignorib. l. 1. C. Si pign. pign. dist.* Quod minus mirum hic videri debet, cum hypothecaria actio, quæ ceditur, à principali, quæ adhæret personæ Creditoris, sustineatur, in cuius persona consistit ipsa quoque accessoria, nempe directa, ad quoscunque demum translata fuerit actio utilis.

25. Præterea cedi nequit petitio fideicommissi universalis *l. si. mulier. 59. §. ex asse. 1. D. de jur. dot.* Nam ut Marcellus *in d. §. ex asse.* ait, heres scriptus in hoc tenetur, ut hereditatem restituendo transferat actiones, quas habet, & quibus obstrictus est, hoc est, actiones activas & passivas (ut vulgus appellat) quas transferre ad alium, quam cui debet fideicommissum, non potest. Transfert enim actiones non sua vi & potestate, sed autoritate S^Cti Trebelliani, cujus solius potestate sit, ut ab herede rogato actiones utiles in fideicommissarium transcant. Atqui S^Crum Trebellianum eum duntaxat completur casum, quo hereditas ex testamento restituitur, sicut testator rogavit *l. 1. D. ad Trebell.* Cum ergo cesser S^Crum in extraneo, cui testator hereditatem restitui neque rogavit neque voluit, consequens est, universale fideicommissum utiliter ei cedi non posse. *Qua de re lausius edisserunt Ant. Conius lib. 2. disp. cap. 2. Franciscus Hotomannus conf. 70. Marcus Ant. Peregrinus de fideicommiss. art. 32. num. 730. Ant. Faber lib. 5. coniect. cap. 5. & de errorib. Prag. mat. deced. 31. Error. 1.*

26. Quanvis autem cessio fideicommissi universalis non transferat actionem utilem in cessionarium, tamen is audiendus est, si agere velit ut simplex procurator, h.e. ex persona & in utilitatem cedentis, *argumento l. reslituta 37 l. qui ita 68. §. 1. D. ad SC. Trebell.* Atque ita sentiunt Baldus, Castrensis & Iason in *l. secundum 3. C. de fideicom.*

27. Cessionarius quoq; ex cessione universalis fideicommissi rectè aget, si non de primo, sed secundo fideicommissio, h.e. quod à primo fideicommissario relictum est, agatur, vel si jam per Iudicis sententiam pronuntiatum sit fideicommissum deberi, ut notat Antonius Faber *lib. 6. Cod. Sabaud. tit. 25. de fin. 7.*

28. His amplius jus retractus sive *retractus*, quod ex statuto proximioribus competit, refragante statuti mente & ratione, in extraneum transferri nequit. Quia ideo jus hac introductum est, ne res ex familia seu genere exiret, *ut poss. alios docent Nicol. Boerius decis. 139. num. 1. & seqq. Ant. Gomesius ad Tauri leg. 70. num. 8. Ioh. Corrasius lib. 2. Miscell. cap. 2. num. 7. 8. Andr. Tiraguell. d. §. 26. gl. 1. num. 38. & seqq. Gerhard. Maynard. lib. 2. decis. Tholos. 8.*

29. At nihil prohibet, quominus jus retractus conventionalis, seu pacti de retrovendendo alteri cedi possit, *Matth. Wesenb. cons. 2. num. 57. Fr. Zoannetus de empt. & vend. num. 15.*

30. Nisi aliud actum sit inter emptorem & venditorem, ut si dictum sit, quod venditor tantum, vel is solus redimere possit. Quo casu, filio venditoris nihilominus hoc jus cedi posse ex Cagnolo refert Alex. Trentacinq. *lib. 3. tit. de emption. resolut. 10. num. 6.* Sed contra hanc opinio-

opinionem non improbabiler disputat Zoanettus d. tract. num. 16 & seqq.

31. Cedi quoque nequit jus petendæ bonorum possessionis l. 1. §. *acquirere* D. de bonor. poss. Ex eo enim, quod dicitur bonorum possessionem non transmitti ad heredem, rectè inferitur, eam nec cedi, cum quicquid non est transmissibile ad heredes, illud nec sit celsibile, l. si ex pluribus, & ibi Dd. D. de administ. tut. Sed non ex diverso, quicquid est transmissibile ad heredes, continuè sit celsibile. Negativè enim concepta hæc regula semper vera est, at affirmativè sæpè fallit. ut notant Andr. Tirac. d. §. 16 gl. 1. num. 44. 45. & Ioh. Corrasius lib. 3. Miscell. cap. 2. num. 8.

32. Similiter servitus prædialis jam constituta & acquisita sine prædio non potest cedi. Est enim qualitas prædio inhærens, l. quid ergo §. 6. D. de verb. signif. quæ à prædio separari & extra illud consistere nequit. Secus est in promissa servitute, actio enim personalis ex promissione competens ad servitutem constituendam cedi potest habenti fundum vel habere speranti, l. ult. C. de hered. & act. vendit.

33. Dominus quoque jus prælationis, quod habet in re censuali vel emphyteuticaria, ut eam, cum venditur, sibi retinere possit pro eodem pretio, quo emenda alii offertur, alteri non potest cedere, cum sit personale & affixum ossibus ipsius domini, atque ita semper se iudicatum vidisse ait Guido Papæ decis. 411. & ibi in addit. Stephanus Ranchinus.

34. Denique cedi nequeunt jura merè personalia, ut ususfructus, habitatio l. si ususfructus §. 6. D. de jure dot. l. si

habitat 10. *D. de usu & habit.* Ius, inquam, ipsum ususfructus cedi & in extraneum transferri nequit, cohæret enim personæ fructuarii, *l. 3. §. fin. D. Quib. mod. ususfr. amitt.* at facultas retinendæ rei & commoditas percipiendorum fructuum, quamdiu usufructuarius usumfructum obtinebit, ab eo, vendi ac transferri potest, *d. l. si ususfructus. 66.* Et ita intelligendi sunt textus, qui innuunt usumfructum extraneo cedi vel vendi posse, *l. arbitris 12. §. usufructus 2. l. cui usufructus 67. l. non utiliter 38. D. de usufruct. §. 1. Inst. de usu & habit.* quibus motus Scipio Gentilis in *tract. de bonis maternis cap. 14.* novè tradit, etiam ipsum usumfructum in extraneum transferri posse, sed talem, qualis est apud usufructuarium, ut ab ipsius vita dependeat, non autem ex persona ejus, in quem alienatus est: quàm recte, alii judicent.

35. Longè sane aliter Doctores sentiunt, qui usumfructum per cessionem extraneo factum planè extingui & ad proprietatem reverti existimant, quod & probari video ex recentioribus Hugoni Donello *lib. 11. comment. cap. 19.* & Iacobo Cujacio ad *§. finitur Inst. de usufruct. & ad fragmenta Vlpiani tit. 19.* qui illa Iustiniani Verba, in *d. §. finitur. cedendo extraneo nihil agitur*: Ita interpretantur, quasi nihil agatur in persona extranei, aliquid tamen agatur quoad hoc, ut ususfructus cessus ad proprietatem recurrat. Cui sententiæ iniquissimæ subscribere minime possum. Nusquam enim legimus talem poenam huic cessioni esse impositam. Grave verò esset tam acerbè puniri levem aliquem & inanem cessionis conatum, qui effectu caruit. Dico itaque cum Iustiniano, *nihil agi, h. e.* cessionem esse inutilem & ipso jure nullam.

iam: quo sensu Græcus Institutionum paraphrastes ista verba accipit: vel ideo nihil agi dicitur, quia, ut interpretatur Scipio Gentilis, ex illa cessione vel alienatione non alteratur neque immutatur ususfructus, qui est in usufructuario, nec novus constituitur in persona ejus, cui ceditur, sed est idem, qui est in alienante. Huc facit, quod cum Iulius Paulus *lib. 3. recept. sent. sit. de legat.* quinque enumerasset modos amittendi ususfructus nempe capitis deminutionem, rei mutationem, non usum, in jure cessionem & dominii comparisonem: In jure cessionem tum demum usumfructum amitti docet, quando proprietario in jure ususfructus ceditur, satis innuens cessione extraneo factâ usumfructum non amitti, sed nihil agi. Denique ab omnibus hoc pro constante regula receptum est, jus celsum si in cessionarium non transferatur apud cedentem remanere *l. nec utilem 20. D. Ex quib. caus. major. l. si quis 17. §. 1. D. de acquir. poss. l. cum quis 38. §. 1. D. de solut. nisi celsio contra legis prohibitionem malitiosè fuerit facta vide supra cap. 4. num. 26.* Ad legem verò si ususfructus 66. *D. de jure dot.* quâ moventur Doctores, facilis est responsio: in ea videlicet non dici, propter cessionem extraneo factam usumfructum statim extinguï, sed reversurum esse ad dominum proprietatis, scilicet suo tempore, & ubi fuerit finitus morte fructuarii, vel alio modo legitimo, quo ususfructus finiri solet, atque ita etiam sentiunt Fr. Hotomannus & Fr. Baldvinus ad h. finitur 3. l. de usufructu, ut & Carolus Molinæus in novo & analytico intellectu d. l. si ususfructus 66. & d. h. finitur. Sunt & alia nonnulla, quæ cedi nequeunt enumerata ab Andr. Tiraquello d. h. 26. gl. 1.

CAPUT VI.

*Recensentur & explicantur complures Species;
in quibus cedendarum actionum necessi-
tas alicui incumbit.*

SUMMARIUM.

*Regulariter nemo cogi debet actionibus suis alteri cedere 1. Huius
tamen regula plures reperiuntur exceptiones. Cogitur enim
cedere,*

- I. Heres Trebellianicus actiones occasione hereditatis acquisitas 2.*
- II. Ut & is, qui pro herede, vel pro possessore possidet, vero heredi 3.*
- III. Creditor pignore evicto post venditionem, pignoratitiam em-
ptori 4.*
- IV. Vel ipsi debitori, soluto pignore, actiones sibi ex pignore acqui-
sitae 5.*
- V. Coheredes sibi invicem 6.*
- VI. Quilibet venditor emptori actiones ante rem traditam acqui-
sitae 7. Hoc tamen casu Cujacius putat, venditorem non tenere
cedere actiones pensionum nomine, qua sententia rejicitur 8.*
- VII. Procurator quoque, ad actiones domino cedendas jure adstringi-
tur 9. Quia absque cessione domino non acquiruntur 10. Ob-
jicitur l. 68. D. de procurat. 11. Refertur communis Dialecti-
cum solutio 12. Quae rejicitur 13. Et lex cum Cujacio ex
Basilicis restituitur 14. Acquiruntur tamen quandoque
actiones domino ex contractu procuratoris absque ulla cessione,
ut l. Certi conditio ex mutuo 15. I. l. Actio hypotheca-
ria ei accedens 16. III. Ex praeiorum stipulationibus utiles
actiones domino conceduntur 17. IV. Item quandoque
aliter res domino facta esse videtur 18. V. Denique, si domino
praesente procurator sit stipulatus 19. VI. De cessione actionum*

VIII. Minor

- VIII. Minor si pecuniam mutuo acceptam alii crediderit, teneatur cedere actiones suo creditori 20.
- IX. Si quis & ei, cuius negotia sponte sua gessit 21.
- X. Heres cum servum ante aditam hereditatem vulneratus est, legatario actionem legis Aquiliae 22.
- XI. Dominus furtivi sive sarcinatori pretium ob amissas vestes solventi vindicationem furtivam 23.
- XII. Dominus b. f. possessori rei vindicatione convento & affirmationem rei, culpam, non fraude amisse solventi, vindicationem 24.
- XIII. Idem est etsi dolo desit possidere, si commodati vel depositi actione reus conveniatur 25.
- XIV. Tum exemplum sumitur ex l. 29. §. hoc idem D. Mandati 26.
- XV. Tum ex l. 95. §. si mandatu. D. de solut. l. 20. §. 1. D. de tut. & rat. distr. l. si minoris 27. De administ. tut. 27. 28. Quam l. si minoris, perperam à Doctores explicari 29. Nec filicium ab Ant. Fabro emendari ostenditur 30. 31.
- XVI. Fideiussori solvere parato cedende sunt actiones in reliquos fideiussores 32. Idque non in solidum, sed pro rata 33. Item in reum principalem 34. Casus, quibus beneficium petenda cessionis fideiussori denegatur, enumerantur 35. 36. 37. 38. 39. 40. 41. 42. Proponitur elegans quaestio, an creditor, qui factis & culpam suam actiones adversus reliquos fideiussores amisit, alium fideiussorem conveniens, repelli possit hoc beneficio cedendarum actionum; affirmativa adversus Iacob. Cujacium & Ant. Fabrum defenditur 43. 44. 45. 46. 47. 48. 49. 50. 51.
- XVII. Correo debendi convento adversus correum actio cedenda 52. Quamvis ei actione non cessâ succurratur actione utili 53. 54. Cedenda autem est ei actio pro rata, non in solidum 55.
- XVIII. Tutor in solidum conventus actiones sibi in contutores cadere recte postulat. 56. Licet & hic etiam, absque cessione utilem habeat, actionem ex constitutione D. Pij 57. Dummodo non conveniatur ob proprium vel communem dolum 58.

XIX Prior creditor tenetur creditori posteriori, vel alii cuius possessori debuium offerenti actiones suas cedere 59. 60. Sed an, injusto quoque possessori similiter praestanda sint, actiones inter DD. controversatur 61. Negantium sententia verior habetur 62. Rursus alii in solidum possessori actiones mandandae esse 63. Alii, & rectius, pro parte tantum virili contentum 64. Ex praedictis generale axioma colligitur, explicatur & limitatur 65, 66, 67, 68, 69.

I.

Sicut nemo invitus res suas ne quidem iusto pretio vendere tenetur; *l. id quod nostrum 12. D. de regul. jur. l. 9. D. Rer. amot. l. nec quasi 70. D. de rei vindicat.* Ita quoque ad actiones, quæ bonis adnumerantur, cedendas cogi nemo debet *l. bonorum 49. D. de verb. signif.* At hujus regulæ multæ sunt exceptiones: plurimi enim casus necessariæ & coacta cessionis passim in jure nostro occurrunt, quorum præcipuos quosdam hoc capite enumerabimus.

2. I. Heres Trebellianicus actionibus, sibi ex facto suo hereditatis occasione quæsitis, fideicommissario cedere cogitur *l. heres. 73. D. Ad SC. Trebell.* de qua specie infra pluribus agemus.

3. II. Similiter qui alienam hereditatem pro herede, vel pro possessore possidet, actiones quoque hereditatis occasione acquisitas in heredem transferre, hereditatis petitione compellitur *l. quod si in diem 16. §. ult. l. item veniunt 20. §. ait Senatus 17. l. illud 40. §. actiones 2. D. de petit. hered.*

4. III. Creditor, qui jure pignoris rem pignoratam vendidit, quamvis de evictione non teneatur, emptori tamen

tamen, re evictâ, ad hoc obstringitur, ut ei cedat contrariâ pignoratitiâ actione, quam adversus debitorem habet, *C. in creditore 38. D. de evict.* Cui enim non æquum videbitur, vel hoc consequi saltem emptorem, quod sine dispendio creditoris futurum est? *d. l. 38.* Et creditor, qui suum jam consecutus est, non idèò intelligitur habere hanc actionem, ut eâ ipse agat, sed ut eam postulanti emptori præstet *argumento l. cum is 36. D. de fidejuss. & l. heredem 14. D. Mandati.* quæ leges, si inter se conferantur, facile apparebit, temerè Iurisconsulti verba in *d. l. cum is*, ab Antonio Fabro *lib. 11. conject. cap. 9. in fine.* inventi.

5. I V. Creditor soluto pignore, cogitur debitori præstare actiones, quas ex pignore acquisivit *l. cum venderet. 13. D. de pignorat. act.*

6. V. Coheredes divisione inter ipsos factâ, sibi invicem actiones mandare coguntur *l. 1. §. final. D. Famil. ercisc.*

7 VI. Quilibet venditor emptori præstare debet actiones post venditionem, re nondum traditâ acquisitas; Exempli gratiâ, si res vendita absque culpa venditoris subrepta sit. Vendicationem & condictionem rei emptori exhibere debet, *§. cum autem. Inst. de empt. & vendit. l. quod sæpè 35. §. si res vendita 4. D. de contr. empt.* Has enim actiones emptor ipse ante traditionem non habet, *l. cum qui 14. in pr. l. si vendidero 80. in pr. D. de furt.* Sed & si quid præterea rei venditæ nocitum est, actio emptori præstanda est, damni fortè infecti, vel aquæ pluvix arcednæ, vel Aquiliæ, vel Interdicti, Quod vi aut clam, *l. Iulianus 13. §. sed et si 12. D. de act. empt.* Vel vi bonorum

raptorum *l. si eaves* 31. *D. eod.* Atque hanc cessionem necessariam voco, quia licet ab initio liberum sit domino rem suam vendere *l. invitum* 11. *l. dudum* 12. *C. de contrah. empt.* cā tamen venditā, necessitate adstringitur cedendarum quoque actionum ejus rei nomine competentium, & sic quæ ab initio nudæ erant voluntatis, in necessitatem & actiones civiles commutantur *l. sicut C. de obi. & act. lin. commodato* 17. §. 3. *D. commod.*

8. Existimat tamen Cujacius *lib. 25. obs. cap. 31.* venditorem non tenci cedere actione ex locato pensionum nomine, quæ post venditionem ante traditionem deberi cœperunt. Sed frequentius obtinuit, cum pensiones fructuum vice fungantur, ut in iis dividendis eadem in-
eatur ratio, quæ in fructibus distribuendis servatur, ita, ut fructuum ante venditionem à colono perceptorum pensio licet post venditionem demum deberi cæpta cedat venditori, fructuum verò tempore venditionis pendentium, vel postea natorum & à colono perceptorum pensio acquiratur quidem etiam venditori eidemq; locatori (huic enim ex locato competit actio) sed si eam nondum percepit, ad eam petendam tenetur emptori actionem præstare, exactam vero ipsi restituere & ita intelligendum Vlpiani responsum in *l. Iulianus* §. *Si in locatis* 11. *D. de act. empt. ubi Pet. Costalins. Joh. Robertsus lib. 2. animadvers. cap. 11. Hugo Donell. lib. 13. comment. cap. 4. Didacus Covarruvias lib. 1. Variar. resolut. tit. de emptione. resolut. 6. num. 5. Hart. Pistor. lib. 1. quæst. jur. quæst. 24. num. 4. 5. 6. Cal'das lib. 1. quæst. forens. quæst. 2. 3. & 13. num. 12. Ant. Faber lib. 1. conject. cap. 13.*

9. VII. Procurator quoque tenetur actione acqui-
sitā co-

suâ cedere domino, ex cuius mandato contraxit *l. 2. C. per quas person.* Sic, exempli causâ, si procuratori res mandato domini empta evincatur, actione mandati adstringitur ad cedendam domino actionem evictionis contra venditorem *l. possessio 49 §. fin. D. de acquir. poss. l. si procuratorem 8. §. ult. D. Mandati.* Quæ cessio omninò est necessaria, cum alioqui ex contractu procuratoris domino actio non detur, ne quidem utilis: licet aliter sentiat glossator in *d. §. final.*

10. Nam quamvis per procuratorem domino actio conservetur & retineatur, *l. per procuratorem 72. D. de procurat.* Auctior etiam, melior, pinguiorve reddatur *si quis 24. §. ult. D. de usuris.* non tamen acquiritur *d. l. per procuratorem 72. l. solummodo 11. §. per liberam. D. de pignorat. act. l. 1. C. 2. C. Per quas person.*

11. At negotium facessit Papiniani lex, in *l. quod procurator 69. D. de procurat.* quæ id, quod procurator ex re domini mandato non refragante stipulatur, invito procuratore dominum petere posse, docet. Si ex stipulatione procuratoris dominus eo invito agere potest, quid opus cessione procuratoris? cum hæc locutio, *invito procuratore*, idem valeat, quod *sine cessione procuratoris*, *l. possessio 49. §. ult. D. de acquir. poss.*

12. Vulgus interpretum, ut obicem hunc removeant, tradunt ideo ibi dari domino sine cessione ex contractu procuratoris actionem, quia procurator, stipulatus erat ex re domini.

13. Quæ solutio quamvis expressis Papiniani verbis in *d. l. quod procurator.* subnixa videatur, solida tamen non est; quicquid enim procurator agit ut procurator, id

omne confistit in re domini & nihil interest ex re dicatur, an in re, *l. liber homo. 19. D. de acquir. rer. dom.* atque ita per procuratorem semper domino actiones acquirere-
rentur, quod nec ratio juris, nec leges supra adductæ patiuntur. Deindè in alto Papiniani responso, *in d. l. possessio 49. §. ult. D. de acquir. poss.* procurator rem aliquam mandato domini emerat, neque tamen distinguitur, pecuniæ domini, ut plerumque fit, emerit, an suâ vel alienâ; sed actionem evictionis nomine non dari procuratore invito, ideoque cum per actionem mandati ad cessionem cogendum esse indistinctè traditur. Denique ut liber homo ex re mea mihi acquirat actionem, receptum tantum est in eo, qui mihi bonâ fide servit *l. iusto 44. in pr. D. de usucap.*

14. Missâ igitur hac solutione, respondeamus *in d. l. quod procurator*, insertâ negatione legendum esse, *petere non potest*, quam doctissimus Cujacius ex libris BaCARIÏ restituendam esse animadvertit *in comment. ad responsa Papiniani in explicat. d. l. quod procurator.* Cæterum hæc regula, quæ negat domino per procuratorem sine cessione acquiri actionem, dantur aliquot exceptiones.

15. Primò enim excipitur certi conditio ex mutuo, quæ nobis sine cessione acquiritur ex pecunia nostro nomine à procuratore mutuo data *l. 2. C. Per quas person. l. 3. C. de contrah. stipulat. l. certi. 9. §. si nummos 8. D. de reb. credit.* Idem obtinet in indebito quod mutuo comparatur; si quis enim meo nomine indebitum solvat, ego condicam, *l. si procurator 6. l. qui heredi 46. D. de condict. indeb. l. 6. C. eod.* quod ita receptum ob eicbrum mutux vel promutua pecuniæ usum *d. l. certi 9. §. si nummos. & l. si ita*

l. si ita stipulatus 126. §. Chrisogonus. D. de verb. obl.

16. Secundò extipitur actio hypothecaria, quâ ejus pignoris nomine, quod mutuo accessit, agitur, idque inducitur novâ Iustiniani Constitutione, in *l. 2. C. Per quas person. ubi vide Franciscum Ragnellum*, ex qua Tribunianum Vlpiani responso in *l. in solutum. 11. §. penult. D. de pignorat. act.* inferuisse eas particulas plerumque & non semper observavit Iacob. Cujacius in priorib. not. ad *Inst. tit. Per quas personas.*

17. Terriò in stipulationibus quoq; prætoriiis, causâ cognitâ domino utilis actio datur, licet procurator suo nomine stipulatus fuerit *l. in causâ 27. §. ult. & l. seq. D. de procurat. l. 4. D. de prætor. stip. l. damni infecti 18. §. ult. D. de damno infect.*

18. Quartò quandocunque etiam extrâ prætorias stipulationes res domino aliter salva esse non potest, (ut si procurator absit, vel non sit solvendo, neque ab ipso satis domino sit cautum) æquitas postulare videtur, ut utilis actio ex contractu procuratoris domino concedatur. Hoc ita primum receptum in actione infortioria, *l. 2. D. de infort. act. d. l. in omnibus 5. D. de stipulat. prætor.* deinde hujus exemplo translatum est ad contractum procuratoris, ut indicat Vlpianus, dum ex Papiniano ita scribit in *l. Iulianus 13. §. si procurator 25. D. de act. empt.* Si procurator vendiderit & emptori caverit, cum domino ex empto agi posse exemplo infortioria actionis: & per contrarium dicendum, esse utilem ex vendito (ita enim rectius legi, non ut vulgò EX EMPTO, post Accursium benè monuit Antonius Faber lib. 5. coniect. cap. 4. in fine.)

19. Ultimò, si domino præsentente procurator fuerit stipula-

stipulatus *l. si procuratori* 79. *D. de verb. obl.* Præsentia enim domini facit, ut videatur ipse dominus stipulatus per procuratorem tanquam ministrum & instrumentum, *l. falsus* 43. §. *si is qui* *D. de furt. l. 3. in fine; l. donationes* 31. §. 1. *D. de donat. l. ex mandato* 20. §. 1. *D. Mandati.*

20. VIII. Minor, qui pecuniam mutuam accepit, eandemque alii credidit, tenetur actionibus suis, quas habet, adversus eum, cui credidit, cedere creditori suo *l. patri.* 27. §. *si pecuniam* 1. *D. de minorib.*

21. IX. Si minor, quia sua sponte negotia majoris gessit, evitare velit actionem negotiorum gestorum, quam dominus potest gestionis nomine contra eum intentare, cogitur auxilium restitutionis in integrum, quod habet adversus eos, cum quibus contraxit, majori cedere *l. quod si minor* 23. *D. de minorib.* Sua sponte, dixi, quia cum minor mandato domini quid egit, & circumscriptus est, domino imputari debet, quod tali negotia sua commiserit *l. cum mandatum* 23. *D. de minorib.* *Iulius Paulus lib. 1. sentent. tit. 9. §. qui minori.* 2.

22. X. Si servus legatus vulneratus sit ante aditam hereditatem, actio legis Aquiliæ ab herede cedenda est legatario *l. huic scriptura* 15. *D. Ad. L. Aquil.* nam actio legis Aquilæ competit hero .i. domino, ut Ulpianus ait, *in litem Mela* 11. §. *legis autem* 6. *D. ad L. Aquil.* ante aditam verò hereditatem, servi legati dominium legatario non acquiritur. Quod si post aditam hereditatem servus legatus vulneratus sit, Vel occisus, competit legatario ipso jure actio sine cessione *l. liber homo* 13. §. *ult. cum l. seq. D. ad L. Aquil.* ex die enim aditæ hereditatis, servi dominus factus esse intelligitur.

23. XI. Ful-

23. XI. Fulloni & farcinatori, qui vestimenta amiserit & eò nomine domino satisfecit vel satisfacere paratus est, cedenda est vindicatio & condictio furtiva: *l. si merces 25. §. ult. D. Locati.* hæ enim actiones soli domino hoc est ei, qui aut Juregentium, aut Civili dominium acquisivit, competunt, *l. in rem actio 23. ff. de rei vindicat. l. 1. D. de condict. furt.* ideoque fulloni & farcinatori, qui nunquam rei amissæ domini fuerunt, absque cessione non possunt competere.

24. XII. Sic & in rei vindicatione bonæfidei possessor, cujus culpâ res, antequam usum eam ceperit, amissa est, quique eò nomine litis æstimationem solvere cogitur, à Judice audiri debet, si ab actore rei vindicationem sibi cedi desideret, *l. si à bonæfidei possessor. 21. vers. si verò, l. si culpa 63. D. de rei vindicat.* Quod verò Paulus ait, *in l. ejus rei 46. D. de rei vindicat.* solutâ estimatione ejus rei, quæ per in rem actionem petita est, dominium statim ad possessorem pertinere, hoc ita demum verum est, si res petita præsens sit apud reum, ut idem Ictus alio loco explicat *in l. hæc si res præsens 47. D. eod.* Quid si possessor dolo desit possidere? Hoc quoque nomine punitur, quod actor cavere ei non debet, actiones, quas ejus rei nomine habet, se ei præstaturum, ut idem Paulus ait *in l. is qui dolo 69. D. de rei vindicat.* Denique si neque culpâ, neque fraude, possessoris, res amissa sit, absolvitur quidem reus à litis æstimatione, sed si interim, hoc est, lite pendente, eam usuceperit, actionibus suis petitori cedere debet; quod si nondum usucepit, petitor ipse, qui nondum amisit dominium usucapione, suo Jure cominus, hoc est, rectâ viâ sine cessione

G

rem

rem persequi potest, *l. si à bonæ fidei 21. D. de rei vindic. & ibi Cujac. in comment. ad Pauli libros ad Edictum & lib. 11. obs. cap. 39. in fine.*

25. XIII. In depositi vel commodati iudicio, quam dolo adversarii res absit, condemnato succurri solet, ut ei actionibus suis dominus cedat ex Marcelli sententia *in l. depositi 12. D. de re judic.* Cui obloqui videtur Paulus *in d. l. is qui dolo 69. D. de rei vindic.* In hoc nodo dissolvendo variè à nostris laboratur, ut videre est apud Fr. Duarenum & Hugonem Donellum *in d. l. in depositi. Ioh. Robertum lib. 1. sent. cap. 19. Petrum Costallium ad l. is qui 69. Iulium Pacium cent. 3. quest. 49.* Distingueret solebam cum glossa *in d. l. si culpa 63. bonæ fidei iudicia à strictis*, ut in iudiciis bonæ fidei, quia latissimum ibi est iudicii officium, actiones reo, licet dolum admisisset, cedi debeant *d. l. in depositi 12. in iudiciis strictis non item*, ut nec in arbitrariis, qualis est actio in rem. Nam licet in arbitrariis etiam aliquid possit iudicii officium, tamen non est æquè latum, ac in bonæ fidei iudiciis, quæ solutio probatur Iacobo Cujacio *in comment. ad lib. 12. quest. Papiniani in explicatione d. l. 63. D. de rei vindic.* Sed cum in actione de servo corrupto (quæ sine dubio est stricti juris, argumento §. actionum 28. l. de actionib. & adversus eos solum datur, qui dolo malo servum deteriores fecerunt *l. 1. in pr. & §. 3. l. 3. D. de servo corrupto.*) videam dominum teneri cedere sollicitatori, qui æstimationem solvit, actionibus de dominio servi, *l. ut tantum 14. §. interdum. 9. in fin. D. de serv. corrupt.* eorum sententiam amplecti malo, qui Paulum *in d. l. is qui 69. ad jus strictum*, Marcellum.

lum in d.l. in depositi 12. ad æquitatem referunt, motus præcipuè succurrendi verbo, quo Mercellus utitur, & ita quoque Dn. Dionysius Gothofredus in notis ad d.l. 12. (*Aliam solutionem vide apud Antonium Fabrum in Rationalibus suis ad d.l. is qui dolo 69.*) rectè responderi posse arbitratur.

26. XIV. Si fidejussor, cum solvisset, reum principalem de solutione certiore non fecerit, atque ita evenerit ut idem debitum reus quoque solverit, mandati quidem actionem non habet adversus reum principalem, ut ab ipso indemnus servetur, sed hoc tamen consequetur, ut ipsi cedat reus conditione indebiti, ne creditor contra bonam fidem duplum consequatur. *l. si creditor 29. versic. hoc idem tractari D. Mandati. l. bona fides D. de Reg. Iur.*

27. XV. Si pupillus tutelæ judicio agat adversus tutorem negligentæ eum arguens, quod debitorem, qui desuit esse solvendo, non exegerit eo tempore, quo erat idoneus, (qua ex causâ tutorem teneri constat *l. 2. C. de arbit. tut.*) tutor non solum per exceptionem, antequam solvat, sed etiam postquam solvit, per contrariam tutelæ actionem consequetur, ut pupillus cedat actione suâ adversus debitorem *l. flicum 95. §. si mandatu. D. de solut.*

18. Similiter si minor contra Curatores suos hoc nomine egerit, quod ipsorum culpâ tutores minoris, quàm oportuerat, fuerint condemnati (quia fortè Curatores minus deduxerant in judicium tutelæ, quàm Adollescenti deberetur) hoc casu Curatores, antequam cogantur solvere, per exceptionem doli mali consequi

possunt, ut ipsis minor mandet actiones adversus tutores *l. alterius 20. §. 1. D. de tut. & rat. distr.* Et hoc voluit Ulpianus, cum ait in *l. si minoris 25. D. de administ. tut. posse provocantes per doli exceptionem consequi, ut eis mandentur actiones.*

29. Quæ verba ita Doctores vulgò accipiunt, quasi post sententiam cessio peti non possit sine appellatione. Non rectè: constat enim exceptionem peremptoriam, quæ non impugnât sententiam, in executione judicati opponi posse, *l. 1. §. non tantum 18. l. pupillus 21. ff. de tut. & rat. distrab. l. fidejussores 41. ff. de fidejuss. l. tamen 11. ff. ad Sc. Macedon. l. Nescennius 41. §. ult. ff. de re judic. l. 1. C. de jur. & fact. ignor.* Et Ulpianus ait in *l. 2. ff. de except. exceptionem excludere id, quod in condemnationem deductum est: quod nihil aliud est, quàm exceptionem post sententiam in actione vel executione judicati rectè opponi. Illud autem non nisi de exceptione peremptoria accipi debet, quæ non impugnât sententiam.*

30. Non felicius se expedit Ant. Faber *lib. 11. conject. cap. 10.* legens. *Posse provocantes aut per doli exceptionem, &c.* Quasi Jctus ponat in arbitrio Curatorum velintne provocare à sententia, an per exceptionem consequi ut mandentur sibi actiones.

31. Nobis religio est, nullâ præsertim necessitate cogente à recepta lectione recedere. *Provocandi* enim verbum, ut & *Agendi*, commune est actoris & rei. Provocat, quicumque agit: Agit non tantum actor, sed etiam reus, *l. 1. ff. de except. & uterque dum de jure suo experitur provocat & proclamat ad judicium; provo-
cat*

cat igitur reus dum exceptionem condemnationi obicere studet.

32. XVI. Unus ex pluribus fidejussoribus in solidum conventus non ante solvere tenetur, quàm creditor ipsi actione suâ adversus confidejussores cessabit, interim repellendus exceptione, *l. fidejussoribus 17. l. cum is 36. ff. de fidejuss. l. cum alter 11. C. eod. l. Papinianus 28. D. Mand. quæ cedendarum actionum à Doctõribus nominatur, sed Juris auctoribus dicitur exceptio doli: *l. rem hereditariam 65. ff. de eviccionib. l. si stipulatus 15. in fin. ff. de fidejuss.* Hæc enim semper tum datur, cum naturalis æquitas id postulat. *l. 2. §. & generaliter & l. 4. §. Labeo & passim. ff. de doli excep.* At æquissimum est, ut creditor fidejussori parato solvere actiones præstet, cum hoc sine ullo suo damno facere possit *l. in creditore 38. ff. de evicci. l. cum is 36. ff. de fidejuss.* Et hac cessione fidejussor omnino opus habet: Eâ enim non facta, fidejussori, qui solidum solvit, adversus confidejssores nulla competit actio.*

33. Cedenda autem est fidejussori actio contra confidejssores non in solidum, sed pro rata parte, ut id scilicet consequatur, quod amplius suâ parte solverit, etiamsi fidejssores beneficio divisionis renuntiaverint. Quæ tamen renuntiatio nonnullis haud inanis esse, sed hoc operari videtur, ut fidejussor unâ actione, quicquid amplius suâ parte solvit, ab uno confidejssorum, actione ei rursus in alios cessâ, consequatur. Latius hanc rem explicant & persequuntur Hartmannus Pistoris lib. 1. *quæst. jur. quæst. 48.* Daniel Mollerus lib. 3. *Semest. cap. 15.* *Matth. Colerus de process. execut. part. 2.*

cap. 2. num. 12. & seqq. Ant. Faber lib. 11. coniect. cap. 14. & Ioh. Parladorius lib. 2. rer. quotid. cap. fin. part. 4. §. 6. num. 1. 2. 3. ubi huius conclusionis subjiciuntur exceptiones. adde Matth. Berlichium conclus. pract. p. 2. concl. 22. num. 78. 79.

34. Præterea fidejussori parato solvere creditor etiam actionibus suis adversus reum principalem cedere l. 28. D. Mand. Novell. 4. cap. 1. in fin. argumento l. 38. ff. de evict. & pignora, si quæ habeat, transferre debet l. 2. C. de fidejussorib. Quamvis enim fidejussor, qui solvit, mandati quoque actionem habeat adversus reum principalem; expedit tamen ei plura habere remedia: & fieri potest, ut creditoris actio pinguior sit, quam actio mandati. Nam si debitor principalis creditori suo omnia bona obligaverit, non ideo fidejussori suo eadem bona obligasse credendus est: etiam si fidejussoria obligatio eodem instrumento contineatur, nisi hoc nominatim actum, vel indemnitas fidejussori promissa sit adjectâ clausulâ vulgari. *Sub iisdem obligationibus.*

35. Planè hoc beneficium cedendarum actionum interdum cessat. Primò, si cessio creditori esset nocitura: hoc enim beneficium introductum est ob æquitatem illam, quâ inhumanum videbatur, non cogi creditorem id saltem præstare, quod sine suo dispendio aut incommodo fieri posset, d. l. in creditore 38. d. l. rem hereditariam 65. ff. de evict. l. quasitum 30. §. si vero filius. ff. de peculio. l. 2. §. quanquam. ff. de aqua & aqua pluvi. arcend. quare non debet retorqueri in damnum creditoris. Atque hinc fit, quod Imperatores Severus & Antoninus rescripserint, in d. l. 2. C. de fidejuss. creditorem,

ditorem, qui pro eodem debito pignora & fidejussores accepit, teneri quidem in fidejussorem solventem pignora transferre; sed si eadem pignora, etiam in aliam summam, vel aliud, quam quod a fidejussore solvitur, debitum, sint obligata, non prius creditorem compellendum esse pignora transferre, quam fidejussor omne debitum & sic etiam id, pro quo non fidejussit, exsolvat.

36. Cui Imperatorum Constitutioni convenienter à Frisiorum Senatu nuper in hac specie memini iudicatum. Cum venditor pretii nomine, annuâ, bimâ trimâ die solvendi, sibi speciali hypotheca prospexisset, & insuper in binas istius pretii pensiones fidejussorem accepisset; fidejussor conventus opponebat exceptionem cedendæ actionis hypothecariæ; Creditor verò replicabat, se paratum cedere, dummodo non tantum duæ istæ pensiones, pro quibus se fidejussor obstrinxerat, sed integrum pretium solveretur, vel fidejussor permetteret creditorem sibi respectu tertie pensionis in hypotheca præferri. Senatus Creditoris petitionem censuit esse æquam & in d. l. 2. fundatam. Quin & chirographaria quoque debita solvere debet fidejussor, antequam pignora possit à Creditore consequi l. unic. C. etiam ob Chirograph. pecun. & ibi gl. Salicet & alij. Ant. Negusant. de pignorib. 4. Memb. 5. part. num. 32. & seqq.

37. Secundò certum est cessare hoc beneficium cedendæ actionis, si ei fuerit renunciatum argumento l. si quis in conscribendo C. de pact. vide Negusant. 3. Memb. 5. princip. num. 24.

38. At:

38. At valdè controvertitur; Requiriturne specialis & individua renunciatio, an verò sufficiat generalis, quæ contractibus plerumque ex usu solet inferri; videlicet, *Renuntiavit beneficio Epistola Hadriani, & omni legum favori & auxilio.* Et verius videtur nominatim huic beneficio renunciandum esse, idque quatuor rationibus confirmat Ludovicus Romanus *conf. 472, quas probat Hippol. de Marsil. in tract. de fidejuss. num. 29. & seqq. & alij quos citat & sequitur Matth. Colerus de process. execut. part. 1. cap. 10. num. 434. & seqq. adde Matth. Berlichium conclus. practicab. part. 2. concl. 22. num. 51. 52. 53. 54. 55.*

39. Hujus vero renuntiationis ea utilitas esse putatur, quod creditor gratificari amico possit alterum ex fidejussoribus conveniendo in solidum & omittendo amicum *Speculator. in tit. de renunt. §. 1. num. 21. Matth. de Afflict. decis. 132. num. 1. Parladorius d. §. 6. num. 6.*

40. Fidejussori tamen qui huic beneficio renunciavit adhuc superesse beneficium excussionis, & divisionis existimo: quia renuntiationes strictim sunt intelligendæ, neque ultra ea, de quibus actum est, temerè extendendæ.

41. Præterea existimant nonnulli, inde, quod fidejussor huic beneficio renunciaverit, proindeque hac exceptione solutionem declinare & effugere non possit, minimè sequi, eum ne quidem post solutionem posse cessionem actionum adversus debitorem vel confidejussores impetrare. Renuntiationem enim factam censent in hunc finem, ne hac exceptione executionem seu solutionem. remoretur, non verò ut
fide-

fidejussor omne jus suum remittat. Et æquius illis videtur fidejussorem solutione factâ cessionem obtinere; cum id sine dispendio Creditoris fieri possit *l. in creditore 38. ff. de evict.* quàm ut omnis pecuniæ à se solutæ jacturam subeat, cujus recuperandæ, si reus principalis non sit solvendo absque cessione contra confidejussores, nulla spes est, qua de re latius disserit Præceptor meus Petrus Heigius *part. 1. quest. 38. num. 38. & seqq.* post Jacobum Butrigarium *in tract. de benef. cedend. act. Vide & Ioh. Zangerum in tract. de except. part. 2. cap. 16. num. 43. & Matth. Berlichium conclus. practicab. part. 2. conclus. 22. 37. 58. 59. 60.* Hæc tamen sententia nunquam illis probabitur, qui post solutionem fidejussori ne à volente quidem creditore actiones cedi posse docent, nisi ante vel in ipsa solutione de iis cedendis actum sit: de qua quæstione infra dispiciemus.

42. Tertiò fidejussor se hoc beneficio indignum reddit, qui fidejussisse se dolo malo abnegat & inficiatur, *Hippolit. de Marsilijs in rubr. de fidejussoribus: num. 324.* Eodem casu beneficio excussionis, necnon divisionis fidejussorem privari Interpretes nostri tradunt, *Mynsing. cent. 2. observ. 15. vers. aut fidejussor. Gomesius lib. 2. resolut. cap. 13. num. 14. vers. septim. limita. Philip. Portius commun. opin. libr. 1. conclus. 41. limit. 18. Ferdinand. Vasquius illust. controv. cap. 33. num. 16. Anton. Gabriel. Romanus libr. 5. commun. conclus. tit. de acquir. poss. num. 13.* Ea enim plerumque mendacii pœna est, ut mendax beneficio sibi à lege indulto privetur, quemadmodum exemplis probatur à Cachierano, de-

cif. 29. Tessauro decif. 50. num. 3. & aliis. Postremo pater quoque, cujus jussu filiofamilias pecunia credita est, hac exceptione non juvabitur, Nicolaus Boerius decif. 221. num. 11.

43. Quærent hic Interpretes, an hac exceptione cedendarum actionum creditor à fidejussore repelli possit, si actiones adversus debitorem aut reliquos fidejussores facto suo amiserit, ut iis jam amplius cedere nequeat; puta si cum debitore pactum fecerit personale de non petendo, si quosdam ex fidejussoribus gratis, aut parte saltem debiti aliquâ acceptâ liberaverit, vel si convenierit debitorem, & vitio ipsius ac culpâ æcciderit, ut reus à Judice absolutus sit, atque ita culpâ suâ causam amiserit? *Bart. in l. si stipulatus 15. §. 1. ff. de fidejussor. His casibus creditorem hac exceptione à fidejussore repelli posse affirmant vulgò Doctores, Bart. in d. l. si stipulatus 15. §. 1. ff. de fidejuss. DD. in l. jubemus C. ad SC. Velleian. Joh. Petr. Ferrariensis in form. respons. libell. in actione hypothecaria in verb. cedente & transferente. Negat Ant. Faber lib. XI. conject. crp. 15. post Jacobum Cujacium, ad l. & hered. §. in his qui ff. de pact. & in comment. ad lib. 51. Digestorum Salvij Iuliani in explic. d. l. si stipulatus & in lib. 28. quest. Papiniani in explicat. l. Stichum 95. §. si mandatu cum §§. seqq. ff. de solutionib. ut mirer Virum in Cujacii scriptis verfatissimum dixisse, neminem ad hunc usque diem hoc disputandum probandumque proposuisse.*

44. A priori sententia propter communis opinionis præjudicium recedere periculosum est, eamque in judicando à Senatu Sabaudico probari testatur idem.

Faber,

Faber, in *Cod. Sabaud. lib. 8. tit. 27. definit.* 17. nec immerito. Potest enim ea & legibus & æquissimis rationibus communiri. Fidejussoribus enim leges succurrunt, ut stipulator ei, qui solidum solvere paratus est, cogatur vendere cæterorum nomina, *l. fidejussoribus* 17. ff. de fidejuss. *l. sicut eligendi* 21. C. eod. Quippè qui ideo actiones habere dicitur, quia tenetur ad ipsam ut præstet, *l. cum is* 26. ff. de fidejuss. Itaque sibi imputet, si culpa vel facto suo eas amiserit, cum scierit vel scire debuerit, fidejussorem quandoque conventum hanc exceptionem cedendarum actionum legibus approbatum sibi oppositurum. Et iniquum est, ut facto & culpa creditoris in damno plane morentur, qui fidem suam pro alio obstrictam bona fide liberare parati sunt, quique sine dubio nunquam se obligassent, nisi cogitassent, se. quodcumque ad solutionem urgerentur, actionem tam personalem in reum principalem, quam hypothecariam ei fortè coherentem, vel saltem à reliquis confidejussoribus, si principalis debitor non sit solvendo vel difficilioris conventionis, partem solutæ pecuniæ actionibus sibi à creditore cessis recuperaturos, *argum. l. 48. ff. de fidejuss.*

Notum quoque est, beneficia semel acquisita nobis invitis vel ignorantibus alieno facto adimi vel lædi non posse, *l. quod nostrum l. non debet ff. de Reg. iur. l. Granius §. penult. ff. de fidejussor. cum similib.* Atqui hoc beneficium petendæ actionum cessionis summam ob æquitatem fidejussoribus datum & indultum est; non potest igitur iis creditor fraude vel culpa sua æquissimam hanc exceptionem cedendarum actionum, quas

sine ullo suo dispendio præstare potuisset, *l. 38. ff. de evict.* eripere.

46. Præterea cum creditor paciscendo cum aliquo confidejssorum reliquis beneficium divisionis auferre nequeat, *argum. l. si pupillus 49. ff. de administ. int.* ut ipse Faber fatetur, quâ fronte ei, qui solidum paratus est solvere, modo actiones pro rata cedantur in alios, denegabit actionum cessionem? Nam, quod ait Faber, beneficium divisionis fidejssores habere suo Jure ex epistola Divi Hadriani, non ex ipsius creditoris persona, at competentem creditori actionem à nullo alio, quàm ab ipsa creditoris persona habere posse, verum quidem est, sed parum vel nihil ad rem facit. Nam non sequitur, si quid habeam ex alterius persona, illi licere hoc mihi invito & ignoranti auferre: habent fidejssores actiones quidem ipsas, quæ ceduntur, ex persona creditoris; sed Jus petendæ cessionis non à creditore, sed à legibus habent, quæ ei necessitatem cedendarum actionum imposuerunt, *d. l. 17. & 39. ff. de fidejuss.* neque aliter, quàm iis cessis fidejssorem ad solutionem urgeri voluerunt, *l. creditori 2. l. sicut eligendi 21. C. cod.* quod omnis, levissimum profectò, fidejssori autem utilissimum, creditor legibus & æquitate repugnantibus, non debet recusare, & Viros bonos, qui de crediti securitate plenissimè ei caverunt sub spe cedendarum actionum, contra bonam fidem decipere.

47. Denique ab hac sententia satis apertè stat *Paulinus* dum docet, *in d. l. Stichum 95. §. si creditor pen. ff. de solut. creditorem, qui culpa sua causa cecidit ad-*

dit adversus debitorem, atque ita actionibus cedere non potest, nihil à mandatore consequi posse. Quid enim vetat, quominus id, quod in mandatoribus definitissimè est definitum, in fidejussoribus quoque obtinere debeat, inter quos tanta est affinitas, ut Julianus in *l. si hereditatem* 32. ff. *Mandati*. scripserit, *Quicumque contractus tales sunt, ut eorum nomine fidejussor obligari posset, & mandati obligationem consistere, neq. enim multum referre, præsens quis interrogatus fidejubeat, an absens mandet.* Unde fit, ut qui fidejubero promissit, satisfecisse censeatur promissis, si pecuniam credi, vel aliud quid dari fierive mandaverit, *l. ult. §. ult. ff. Mandati.* & propter summam hanc affinitatem tit. tam Digest. quàm Cod. & Novell. quartè, de fidejussoribus & mandatoribus simul sit conceptus. Non debet itaque facile diversum Jus in utroque absque expressa legitima definitione vel manifestissima ratione admitti.

48. Ratio, cur creditor, qui actione adversus debitorem culpa sua cecidit, nihil à mandatore consequi debeat, à Papiniano adfertur talis, *quia visio suo acciderit, ne mandatori possit actionibus cedere:* quæ cum perindè locum habet in fidejussore atque in mandatore, cur ubi eadem est ratio, diversum Jus excogitabimus? aut cur non potius innocenti fidejussori, qui fidem suam pro alio obstrinxit, quàm creditori, qui proprio facto & culpà damnum sentit, patrociniabimur. Qui has rationes rectè consideraverit, omnes objectiones à Cujacio & Fabro adversus æquissimam & verissimam hanc sententiam adductas facile removebit, ideoque his refellendis non diu immorabimur.

H 3)

sed

sed paucis tantum eas perstringemus.

49. Prima est, quod in toto Jure nullus locus sit, qui probet ejusmodi exceptionem fidejussoribus accommodandam. Huic suprà plenè satisfactum arbitramur, hoc saltem addemus, non posse nos admittere differentię rationem, quam Cujacius & Faber inter fidejussorem & mandatorem statuunt, hanc videlicet, quod mandatori, qui solvit, nulla in reum principalem competat actio, fidejussori verò mandati vel negotiorum gestorum detur. Cur non enim mandatori, si mandando utiliter debitoris negotium gessit, non æquè negot. gest. actio accommodabitur, atque datur fidejussori si pro absente fidejusserit, *l. ex mandato 20. §. fin. ff. Mand.* Altera objectio est, quod pactum de non petendo factum cum uno ex fidejussoribus non possit prodesse alteri, *l. fidejussoris 23. ff. de pact.* At hic prodesset, si ideo, quod actionem adversus fidejussorem, quem pacto liberavit, cedere nequeat, ipse repelleretur. Cui respondemus, prodesse quidem non debere fidejussori, pactum confidejussoris; sed nec nocere debere; hic verò noceret, si beneficium cessionis actionum, quod leges ei tribuunt, adimeret.

50. Ultimo objicitur responsum Juliani, in *l. si stipulatus 15. §. ult. ff. de fidejuss.* qui docet creditorem, qui in viginti duos acceperat fidejussores, si ab uno quinque acceperit ea lege, ne ab eo quid amplius peteret, tum ab altero petat reliqua quindecim, nullā exceptione posse submoveri. Hinc concludit Faber, ergo neque exceptione cedendarum actionum submovebitur. Cur non addit, neque exceptione divi-

fionis?

sionis? Nam verborum generalitas, si ei mordicus insistendum est, æquè hanc ac illam exceptionem complectitur. Hanc difficultatem ut declinet Faber, persuadere nobis conatur, Julianum, qui Hadriani temporibus floruit, ita scripsisse ante dictatam ab Hadriano epistolam illam, quæ fidejussoribus beneficium divisionis dedit: Quod frivolum aut planè divinatorium est. Ne ergo admittamus Julianum, Virum (ut eum meritò Faber appellat) omnium prudentum consultissimum Principique familiarissimum contra Jus apertissimum & æquissimum respondisse, Papiniano contraxisse aut Principis sui rescripta ignorasse, satius erit ita verba *nullà exceptione* non ita effusè, sed cum temperamento aliquo accipere, ne isti verborum generalitati utraque ista exceptio includatur.

51. Sanè mulieribus, quæ hypothecæ quoad quædam bona mariti renuntiarunt, indistinctè, hoc est, five agunt adversus tertios possessores, five contra fidejussores vel correos obligatos non nocere hanc exceptionem cedendarum actionum, quas sua renuntiatione amiserunt docet Socinus, *ad l. jubemus C. ad SC. Vellei. & sequitur Negusant. d. part. 5. princip. membr. 3. n. 31. & seqq.* Nam alioqui dispositionem d. l. jubemus frustratoriam & ludibrio positam esse ajunt. Hæc tamen ita demum obtinere putaverim, si dolus malus mulietis absit, *DD. ad d. l. jubemus. Alexand. Trentacinq. lib. 3. tit. de Jure dotium: resolut. 5. num. 14.*

52. XVII. Correorum aliquis si in solidum conveniatur, opposita exceptione doli impetrabit, ut ipsi creditor

creditor præstet actiones, quas adversus reliquos correos habet.

53. Huic tamen etiam cessione non facta, utili subsidiaria actione vel imploratione officii Judicis subveniri Imperatores rescribunt in l. 2. C. de duobus reis; his verbis, *Et ideò si probaveris te conventum in solidum exsolvisse, Reſſor Provincia juvare te adverſus eum, cum quo communiter mutuam pecuniam accepisti, non cunctabitur.*

54. Quem integrum versiculum Ant. Faber, Vir exquisitæ multiplicisq; doctrinæ, sed in correctionibus impenſo audacior, cum aliter non posset effugere Tribuniano vel ſciolo potius interpreti adſcribit, lib. 12. conject. cap. 17. Fabrum ſequitur Hub. Giphanius in comment. ſuis ad d. l. 2. Neque enim rationes pati exiſtimant, ut correo in correum ulla, quæcunq; demum fit, actio detur. Doctores vulgò diſtinguunt, ſintne correi ex cauſſa neceſſaria, an verò ex cauſſa voluntaria & liberalitatis. Molinæus aliiq; viri doctiſſimi reſcriptum Imperatorum abſque ulla diſtinctione accipiendum docent, quam ſententiam, ut æquiores, amplectitur Senarus Pedemontanus teſte Teſſauro, decif. 191. qui admodum miratur unde contrariæ opinionis patroni hauſerint tam iniquam & Chriſtiano nomine minimè dignam opinationem. Plura de hoc articulo qui ſcire volet, conſulat Ant. Gomeſium lib. 2. Variar. reſolut. cap. 12. num. 3. Petr. Heigium part. 1. queſt. 37. num. 1. & ſeqq. Alexand. Trentacinq. lib. 3. reſolut. tit. de ſolut. reſolut. 34. num. 34. & ſeqq.

55. Cæterum creditor correo, qui ſolidum ſolvit;
non.

non in solidum, sed pro parte tantum virili, actionem contra correum præstabit: Et hac quoque exceptione merito repelletur, si suo facto vel culpâ actionem amiserit, ut eam præstare nequeat, ut in fidejussore dictum est.

56. XVIII. Unus ex pluribus tutoribus in solidum conventus (ut conveniri potest, *l. 1. C. de transact. l. tres tutores 55. in pr. D. de administ. tut. l. 1. §. nunc tractemus. D. de tut. & rat. distr.*) hoc quoque beneficium cedendarum actionum habet, *d. l. 1. §. etsi forte D. de tut. & rat. distr. l. 2. C. de divid. tut.*

57. Imo & absque cessione tutori, qui solidum solvit, ex constitutione Divi Pii utilis actio contra tutorem competit, *d. l. 1. §. sed etsi 13. D. d. tit. utilis videlicet actio tutelæ, non negotiorum gestorum, ut rectè post Azonem docuit Carolus Molynæus, & ex Antonini relictio in l. 2. C. de contr. tut. act. apparet.*

58. Planè si ex suo vel communi dolo conventus solverit tutor, non sunt ipsi mandandæ actiones, quia proprii delicti poenam subiit, quæ res indignum eum fecit, ne à cæteris consequatur licet doli participibus. Nec enim ulla societas maleficiorum, vel communicatio justa damni ex maleficio est, Ulpiano auctore, *d. l. 1. §. planè 14. D. de tut. & rat. distr.*

59. XIX. Jus nominis & hypothecæ secundis creditoribus hypothecariis & aliis rerum obligatarum, possessoribus debitum solventibus cedendum est à primo creditore, qui hypothecariâ actione res obligatus persequitur. Finge, exempli causâ, pro eodem annuo redditu duos fundos esse obligatos, qui singuli à

duobus diversis possideantur. Hic si creditor reddituarius contra alterutrum possessorem in solidum egerit, (ut agere in solidum potest, cum ei uterque fundus in solidum sit obligatus, proindeque electio ei competat, quem fundum hypothecariā avocare velit, *Didac. Co-varr. libr. 3. variar. resolut. cap. 7. num. 7. Guido Papæ decis. 432. num. 3. Fr. Milanensis lib. 2. decis. Sicilia decis. 13. num. 30. & seqq. Ioh. Parladorius d. cap. fin. part. 4. §. 1. num. 19. 20.*) cogitur, l. mulier 19. D. *Qui pot. in pignor. l. cum possessor. 5. D. de censib. l. in fraudem 45. §. qui pro alio 9. D. de iure fisc. Ant. Negusant. in tract. de pignor. in tertio membro quinta princip.* Jure suo cedere possessori convento, ni exceptione cedendarum actionum velit repelli.

60. Quin si plures fundi pro annuo reditu sint hypothecati & aliquis possessorum, qui fundum sine onere emerat, ut variis litium molestiis liberetur, oblato pretio reditum spontè velit redimere, tenebitur redituarius creditor illi adversus reliquos possessores, vel etiam adversus reum principalem actiones suas mandare, *Carolus Molinæ in tract. de usuris quasi. 46. num. 333. & seqq. Fr. Vivius lib. 3. decis. 475.*

61. Utrum, verò creditor quibusvis possessoribus debitum offerentibus, an verò justis tantum actione, sua cedere compellatur, non æquè expeditum est? Quidam enim hoc beneficium cedendarum actionum etiam injustis possessoribus tribuunt, ut gl. & Bart. in d. l. mulier. 19. D. *Qui pot. in pignor. Negusant. de pignorib. 3. Membr. 5. princip. num. 26. & 27. & alij, quos*

quos citat & sequitur Trentacinq. libr. 3. resolut. tit. de solut. resolut. 30. num. 12.

62. Alii (Paulus de Castro in l. si res obligata D. de legat. 1. Cynus & Bald. in d. l. mulier. Jacob. Cujac. lib. 11. observ. cap. 35.) verò justis tantum possessoribus concedunt, quorum sententiæ subscribo motus præcipue responso Scævola, in d. l. mulier. 19. dum ait, *Quaro, an si ei justus possessor offerat, compellendus sit, Jus nominis cedere.* Nam si creditor cuivis possessori etiam injusto debitum offerenti Jus suum cedere cogeretur, debuisset J Ctus Scævola quæstionem formare generaliter in possessore; quod quia non facit, sed quærit tantum de justo possessore, non obscure indicat, se non dubitasse, quin injusto possessori hoc beneficium cedendarum actionum possit denegari. Nec in contrarium facit, quod Paulus respondit, in l. Paulus 12. §. 1. D. Quib. mod. pign. vel hypoth. eos, qui pignoris Jure rem persequuntur, à vindicatione rei removeri solere, si qualiscunque possessor offerre vellet. Verum enim est, qualicunque pignoris possessore h. e. sive justo, sive injusto offerente debitum, creditorem à vindicatione pignoris abstinere debere; quia hic non quæritur de Jure possessionis, id est, non quæritur, quo Jure quis possideat rem pignori nexam, sed de Jure petitoris, hoc est, de Jure hypothecæ, quod sanè nullum est, soluto vel oblato vel obignato omni debito, d. l. Paulus §. 1. l. si fundus 16. §. in vindicatione 3. ibi, aut pecuniam solvat. D. de pignor. At de cessione Paulus ne verbo quidem ullo meminit, itaq; id ex Scævola responso, quod soli justo possessori jus petendæ cessionis largiri videt, supple-

dum. *d. l. mulier.* 19. Quam enim fronte cessionis beneficium, quod juris est, implorare audeat, qui contra Jus possidet? ut rectè inquit Ant. Faber, *lib. 8. Cod. Sabaud. tit. 11. definit. 3. argumento l. auxilium* 37. *in fin. D. de minorib. & l. si plures* 38. *in fin. D. de administ. tut.*

63. Præterea illud quoque inter Doctores controversitur, an possessor, qui integrum debitum solvit & cessionem obtinuit, celsâ actione contra cæteros possesores in solidum, an verò pro parte tantum virili deducta rata prædii à se possessi experiat? Antonius Negusantius *d. loco n.* 29. 30. & 31. eumq; secutus Ant. Faber *lib. 8. Cod. Sabaud. tit. 23. definit. 14.* existimant possessorem in solidum agere posse, neque ipsi in solidum agenti obstare exceptionem cedendarum actionum pro rata sui prædii, quia ipsius prædium post obtentam cessionem à nexu pignoris fuerat liberatum, cum res propria nemini posset esse obligata, *l. neque D. de Reg. Jur. l. pen. §. Latinus Largius D. de except. rei judic.* ideoque quantum attinet ad portionem sui prædii, actione cedere non posse, quam non habet, extincto nempè per dominii acquisitionem pignore.

Econtra possessorem, qui integrum solvit, cessa actione tantum consequi id, quod amplius portione sui prædii solvit, non obscurè innuere videtur Papinianus *in l. cum possessor & D. de censib.* dum docet, cum unus ex possessoribus prædiorum conventus fisco integrâ tributa solvit, quæ universa prædia æquè debebant, huic fiscum cedere & præstare teneri actiones adversus cæteros possessores, ut omnes pro modo prædiorum, quæ possident, pecuniam tributi conferant.

Ex istis

Ex istis verbis, *Pro modo prædiorum* rectè colligit glossa, possessorem, qui integra tributa solvit, cessa actione contra cæteros, non in solidum, sed deductâ ratâ suâ prædii agere debere, quia non intelligitur ex cessione acquisivisse actionem in solidum, sed deductâ ratâ suâ prædii: *Ita quoque sentiunt Antonius Capycius decis. 51. num. 8. Franciscus Milanensis lib. 2. decis. Sicil. decis. 13. num. 44. & seqq. Ioh. Parladorius lib. 2. rer. quotid. cap. fin. part. 4. §. 1. num. 21.*

65. Ex prædictis illud generale axioma infero, Quoties is, qui solvit, vel ipse debet, vel in re, qua de agitur, Jus aliquod habet, rectè petitur ad cedendum ei Jus suum compellitur, ut in fidejussoribus, correis, tutoribus, hypothecariis creditoribus & justis rerum possessoribus hæcenus vidimus.

66. At si quis alius, qui nulla ratione creditori obligatus est, nec quicquam Juris habet in re, qua de agitur, solvat, vel pro debitore solutionem offerat, ei creditor invitus actionibus cedere non est urgendus.

67. Quamvis enim quivis extraneus solvere pro debitore, & cum etiam ab invito creditore, ipso Jure liberare possit *l. solvendo 39. D. de negot. gest.* creditorem tamen ad cessionem Jurium compellere nequit: *l. nulla 5. C. de solut.* sed sufficit cum paratum esse obligationis instrumentum debitori reposcenti aliive ab eo mandatum habenti restituere, *Vide Carolum Molinaum in tract. de usuris num. 332.*

68. Quare nec creditor chirographarius offerendo pecuniam debitam creditori hypothecario, cessionem actionum & Jurium petere poterit: nisi fortè creditor

chirographarius possessionem rei primo creditori hypothecatae iuste nactus esset, tum enim perinde ac quilibet extraneus possessor conventus offerre posset & cessionem petere, juxta d. l. Paulus §. 1. ff. Quib. mod. Negusant. d. num. 6. Molin. d. tract. num. 338.

69. Creditori tamen chirographario, qui aliter creditum suum servare non potest, debitum offerentia creditorem hypothecarium, modo absque ejus dispendio fieri possit, cogi Jure suo cedere Molynæus d. tract. num. 40. æquum judicat, licet lex scripta deficiat.

CAPVT VII.

Quo tempore actiones sunt cedende?

SUMMARIA.

Quotiescunque solutionem præcessit pactum de cedendis actionibus, vel tacite hoc actum intelligitur, ut creditor accepta pecunia præstaret actiones, tum sine dubio etiam post solutionem cedi possunt. Extra hos casus distinguendum est, fueritne actio per solutionem sublata, an verò adhuc post solutionem remanserit. 1. Itaque quando plures æque principaliter eadem obligatione & actione tenentur, ut correi, post solutionem cedi actio nequit 2. 3. Secus quando plures dispari obligationis genere vel non principaliter obligati sunt. 4. 1. Exemplum sumitur ex l. Papinianum 28. D. Mand. 5. II. Ex l. Stichum aut Pamphilum 95. §. si mandata 10. D. de solut. 6. III. Ex l. alterius 20. §. 1. D. de tut. & ration. distr. & l. si minoris 25. D. de administ. tut. num. 7. 8. 9. IV. Ex l. si res obligata 57. D. de legat. 1. num. 10. V. Ex l. sicut 8. §. ult. D. Quib. mod. pignus vel hypoth. solv. num. 11. VI. Fidejussor quoque post solutionem,

tionem, actionum cessionem in rem & reliquos fidejussores petere potest num. 12. respondetur contrariis argumentis n. 13. *¶* II. Exemplum adducitur ex l. si merces 25. §. ult. D. Locat. num. 14. Et tandem generalis quedam collectio subicitur num. 15.

Hic generalis & verissima regula tenenda est, actiones eo tempore cedendas esse, quo adhuc competunt: sublata enim & extincta per rerum naturam cedi nequeunt, l. *Modestinus* 76. ff. de solut. l. 1. C. de contr. judic. tut. cum non entis, ut ajunt, nullæ sint qualitates. Hinc quando in disquisitionem vocatur, an actionum cessio non tantum ante solutionem, vel ipso solutionis tempore, sed & post solutionem ex intervallo rectè fiat? Ex superiore regula & verissima Juris ratione respondendum est: Quotiescunque solutionem pactum expressum de cedendis actionibus præcessit, vel hoc tacitè actum est, ut creditor accepta pecunia præstaret actiones, tum sine ullo dubio etiam post solutionem rectè eas cedi posse: post acceptam enim pecuniam adhuc suæ creditori salvæ manserunt actiones, & pretium magis mandandarum actionum solutum, quàm actio, quæ fuit, perempta videtur, d. l. *Modestinus* 76. D. de solut. Posset quidem dici eas jam nullas esse, cum creditor jam suum perceperit, & perceptione omnes liberati sint. Sed non ita est, inquit *Paulus* in l. cum is qui 36. D. de fidejuss. non enim in solutum accepit, sed quodammodo nomen debitoris vendidit. Idem confirmat *Papinianus*, in l. cum possessor. §. D. de censib. dum ita ait, *nominum venditorum pretium acceptum videtur*. Quando autem nullum pactum præcessit de actionibus cedendis; rursus ex eadem re-

dem regula, omiſſis anxiis & magna ex parte ineptis aliorum diſtinctionibus, ita ſimpliciter ſtatuendum eſt; ſi per ſolutionem actio ſublata eſt, eam cedi non poſſe; *d. l. Modestiſſimus*, ſecus ſi adhuc poſt ſolutionem actio ſuperſit, ut in ſequentibus luce meridiana clarius patebit.

2. Ex hoc certo, ſtabili & inconcuſſo fundamento ſequentia deduco: Quando plures æquè principaliter eadem obligatione & actione tenentur, veluti correi, *l. 1. & 2. D. de duobus reis*, non poteſt uni adverſus alium poſt ſolutionem ex intervallo actio cedi (niſi pactum cedendarum actionum intervenerit ab initio) qui enim hoc caſu integrum debitum ſolvit, is profeſſo omnem obligationem in ſolidum ipſo Jure ſic tollit & extinguit, ut nulla amplius ſuperſit actio, quæ cedi poſſit, *d. l. 2. & tot. tit. D. de duobus reis*. Hinc Modestiſſimus reſpondit in *d. l. Modestiſſimus*. *Si poſt ſolutum ſine ullo pacto omne, quod ex cauſſa tutela debetur, actiones poſt aliquod intervallum ceſſa ſint, nihil eâ ceſſione actum, cum nulla actio ſuperfuerit.* Nam in tutoribus etſi plures debitores ſunt, una tamen obligatio eſt omnium, debent enim idem & ex eadem cauſſa, id eſt, ex adminiſtratione. Itaque unus ſolidum ſolvendo, cæteros liberat, & iis liberatis, fruſtra ſibi actionem cedi poſtulat à pupillo, qui jam nullas amplius habet, *d. l. Modestiſſimus l. 1. C. de contr. jud. tut.* Hæc ſolidis & firmis legum fundamentis ſubnixæ Carolus Molynæus in lectione Dolana ad *d. l. Modestiſſimus*, magno legum & rationum cumulo labefactare conatus eſt, quæ omnia cum Ant. Faber *lib. 11. conjeſt. cap. 10. & 11.* ſatis felicitè

citer refutaris, nos ne actum agamus, silentio præteribimus.

3. Quin & si unus ex correis in solidum conventus non opposita exceptione. cedendarum actionum solverit, omissam hanc exceptionem locum facere conditioni indebiti vulgò putant, *Bart. & Dd. ad l. cum is ff. de fidejuss. Molina in lectione Dolana ad d. l. Modestinus num. 18.* perindè ac si id, quod solutum est fuisset indebitum. Quam sententiam quoque non injuria damnat Ant. Faber, *d. lib. 11. cap. 20.* cum dici non possit omissam exceptionem facere ut indebitum sit, quod revera fuit debitum, quando exceptio talis est, quæ Jus personæ tantum respiciat, non etiam Jus ipsum, debiti, *argumento l. quod nomine 8. ff. de condict. indeb.*

4. Quando plures dispari obligationis genere obstricti sunt, ex intervallo post unius solutionem actio adversus reliquos cedi potest, suo enim nomine & ex sua obligatione solvit, ideoque hac solutione obligatio & actio, quæ reliqui tenentur, non fuit extincta, *l. si quid possessor 31. ff. de petit. hered.*

5. Exempli gratiâ, si mandatu meo Titio pecuniam credidisses, ego & Titius tibi obligati sumus, sed dispari obligationis genere, ego ex mandato, Titius ex mutuo; ideoque si solvam, non tam Titii debitoris quàm meo nomine & propter meum mandatum solvisse intelligor, *l. Papinianus 28. ff. Mandati*, quo fit, ut tibi post solutionem à me factam adversus Titium adhuc actio supersit, *d. l. si quid possessor 31.* quam ut mihi præstes, contraria mandati actione desiderare possum, *d. l. Papinianus & l. Stichum 95. §. si mandatu 19. ff. solut.*

quæ certè cedi non posset, si debitor esset ipso Jure liberatus, *d. l. Modestinus*. Liberatus quidem censetur debitor per exceptionem doli, si ipse creditor agat, neque enim *his* idem contra bonam fidem consequi debet, *l. bona fides 57. D. de Reg. Jur.* sed si ego agam ex cessione, quæ ab eo in rem meam mihi est facta, non in rem creditoris, eadem exceptione subinvereri non possum.

6. Sic quoque tutor, qui non convenit debitorem pupilli eo tempore, quo erat idoneus, negligentix nomine tenetur pupillo, *l. 2. C. arbit. tut.* & ipse quoque debitor eidem pupillo est obligatus; sed diversa planè obligatione & actione: ille quidem judicio tutelæ, hic verò ex mandato, empto, conducto vel ex alio contractu cum pupillo autoritate tutoris, vel cum ejus patre adhuc vivo, inito. Quid si igitur tutor hujus culpæ nomine condemnatus solvat pupillo id, quod ille debuit, quem non in Jus vocavit in tempore? Non liberabitur debitor; quia tutor non debitoris, sed suo nomine, propriæque culpæ causa solvit; ideoque integra in debitorem pupillo est actio, quâ ex intervallo post solutionem tutori non solum cedere potest; sed etiam ut cedat, contrario tutelæ judicio adstringitur, *d. l. Stichum 95. §. si mandatu.*

7. Similiter si curatorum culpâ tutores minoris, quam oportuerat, sint condemnati (quia fortè minus, quam pupillo debebatur, in. Judicium deduxerant) hoc nomine Curatores adolescenti tenentur in id, quod ejus interest, tutores minore pecunia condemnatos esse, habet præterea adolescens adversus ipsos
tutores

tutores minoris condemnatos beneficium restitutionis in integrum; itaque per doli exceptionem Curatores consequi poterunt, eam actionem præstari sibi, si nondum judicatum fecerint, ut docet Papinianus *in l. alterius 20. §. 1. D. de tut. & rat. distrah.* Quid igitur si Curatores judicatum fecerunt, hoc est, persolverunt id, quod est in condemnatione, an adhuc saluum erit beneficium restitutionis adversus tutores? Quod non videtur, quoniam, ut inquit Ulpianus, *in l. si minoris 25. D. de administ. tut.* nihil minori abest, qui de præda magis, quàm de damno sollicitus est. Præda est, idem bis exigere; restitutio autem non prædæ captandæ, sed damni præstandi & sarcienti nomine comparata est. Sed hac ratione nequicquam obstante Ulpianus concludit, *in d. l. 25.* saluum adhuc esse adolescenti auxilium restitutionis in integrum adversus tutores; quia Curatores non pro tutoribus solverunt, sed pro semet ipsis ex causâ curæ non benè gestæ condemnatis; ideoque adolescentem hoc restitutionis beneficium Curatoribus suis præstare posse, si velit, non quidem ut ejus commodum ad se redeat, cui nihil abest, sed ut eo Jure & auxilio cesso Curatores à tutoribus adolescentis consequantur id, quod minori ex sententia persolverunt.

8. Sed quæritur, an minor ad cessionem cogi possit? Sunt qui existimant post solutionem factam ex judicato, minorem cogi amplius non posse *arg. d. l. 25. in pr. ibi, nisi fortè mandare actiones paratus sit*; & imputandum esse Curatoribus ajunt, quod suo tempore, hoc est, antequam judicatum facerent, actiones sibi cedi

non petierint, opposita doli exceptione. Sed æquitas est, etiamsi ante solutionem actiones sibi exhiberi non petierint, tamen per Jurisdictionem Præsidis Provincia, id eis præstari, *argumento l. si res obligata 37. ff. de legat. 1.* Cui enim non æquum videbitur, vel hoc saltem consequi eos, quod sine dispendio adolescentis futurum est, *l. 38. in fin. ff. de evict?* Quin & contrariâ actione negotiorum gestorum Curatores id à minore consequi posse putat Cujacius, *argumento l. 95. §. si mandatu. ff. de solut. l. 14. ff. Mandati.* Neque valere debet argumentum à contrario sensu ex d. l. 25. ductum contra manifestissimam æquitatem & receptas Juris rationes.

9. Superioribus non abfimilis est fideicommissarius, cui res obligata à defuncto sic relicta est, ut heres eam luat; ipse enim fideicommissarius si solverit creditori hypothecario pecuniam, petet etiam ex intervallo sibi præstari actionem; quia solvit non tam ut heredem liberaret, quam ut rem sibi relictam firmo & stabili Jure retineret *d. l. si res obligata 37. ff. de legat. 1.* Et quamvis post factam solutionem, fideicommissarius actione nulla creditorem compellere possit ad actionem cedendam, æquitati tamen consentaneum est, ei Magistratus Jurisdictione subveniri, *d. l. si res obligata 37. in fine*, arque ita officio Judicis consequetur, quod ipsi ordinaria actione denegatur.

10. Pari ratione possessor pignoris conventus hypothecaria ab antiquiore creditore, si pignoris luendi gratia ei solverit, cessionem à creditore etiam ex intervallo accipere potest, quoniam per solutionem, quæ
non

non tam pro debitore liberando, quàm pro hypotheca tollenda facta est, non contigit liberatio debitori ipso Jure, sed tantum per doli exceptionem, si fortè creditor, qui litis æstimationem à possessore consecutus est, iterum velit idem debitum exigere à debitore, *l. 2. & l. sicut 8. §. ult. ff. Quib. mod. pignus vel hypoth. solv. l. emptor 61. ff. de rei vindic. l. si creditor 28. ff. de pignor. act.* Ideoque post solutionem adhuc contra debitorem superest actio, quæ licet ipsi creditori, qui jam suum consecutus est, inutilis sit, utiliter tamen possessori cedi & ab eo exerceri potest.

II. Fidejussor quoque si solverit tibi, quod Titio credidisti, isthac solutione nec Titium nec reliquos fidejussores liberavit ipso Jure; nam sicut Mandator propter suum mandatum, *l. Papinianus 28. D. Mand.* ita hic ob suam fidejussionem solvit, & sunt distinctæ obligationes, una debitoris, quæ principalis est, altera fidejussorum, quæ est accessoria. Licet autem sublata principali, intereat quoque accessoria: *l. cum quis 38. §. de peculio 2. D. de solut.* non tamen vice versa, extincta accessoria, simul tollitur principalis, *l. heres 21. §. quod si stipulator 3. D. de fidejuss. l. in omnibus 43. D. de solut.* Dubitare itaque nemo debet, quin fidejussori adversus reum principalem aut confidejussores à creditore actio etiam post solutionem mandari possit, & quod in *d. l. Papinianus 25. D. Mandati*, de mandatore dicitur, etiam de fidejussore intelligi debeat; cum eadem utriusque causa sit, ut ad eam legem notant Petrus Costalius & Jacobus Cujacius, in *comment. ad quaestiones Papiniani*. Mandator ideo dicitur reum prin-

capalem non liberaſſe, ideoque adhuc poſt ſolutionem, actionum ceſſionem petere poſſe, quia ſuo nomine intelligitur ſolviſſe & propter mandatum ſuum: idem in fidejuſſore verum eſt. Nam, ut rectè Cujacius definit, *in parat. C. de fidejuſſ.* Fidejuſſor eſt, non qui nomine debitoris, l. 97. §. poſſum *D. de Verb. Oblig.* ſed qui pro debitore ſuo nomine ſtipulanti promittit. Unuſquiſq; autem ita ſolvere intelligitur, prout contractum eſt, l. prout 80. *D. de ſolut.* poteſt quidem fidejuſſor, ſi velit alieno nomine ſolvere, l. indebitum 47. *D. de condiſt. indeb.* Sed in dubio quilibet ſuo nomine, hoc eſt, ut ſeipſum obligationi eximat, ſolvere præſumitur; qui autem ſuo nomine ſolvit, nunquam liberat debitorem, l. ſi poſſeſſor. *D. de condiſt. indeb.* Eandem quoque ſententiam nonnulli confirmant Pauli reſponſo *in l. cum is qui 36. D. de fidejuſſ.* ſed ibi pactum præceſſiſſe arbitror de actionibus poſt ſolutionem cedendis, de qua ſpecie egi ſupra num. 1. Hanc ſententiam multi ex veteribus & recentioribus magiſtris amplectuntur, ut Bartol. & Caſtrenſ. ad d. l. cum is qui 36. Vincentius de Franchis deciſ. 55. num. 1. part. 1. Matth. Colerus de proceſſ. executivis part. 1. cap. 10. num. 417. & ſeqq. Carolus Molinæ in lectione Dolana ad d. l. Modestiſſimus. Petrus Heigius part. 1. quaſt. 38. num. 10. & ſeqq. Gerard. Maynard. lib. 2. deciſ. Tholoſ. 49. Hugo Donell. ad l. cum aliter 11. *C. de fidejuſſ.* Ioh. Zangerus de except. part. 2. cap. 16. num. 31. & ſeqq. part. 3. cap. 1. num. 66.

12. Contra etiam non pauci poſt ſolutionem fidejuſſori actiones mandari poſſe negant, ut Ioh. à Graſſis in tract. de ceſſ. act. §. 6. num. 5. Iacobus de Arena cod. tract.

tract. rubr. 6. num. 70. & alij, quos citat & sequitur Iacobus Menoch. lib. 3. præsumpt. 143. num. 8. 9. quibus novissimè aditipulantur Ant. Faber lib. XI. conject. cap. 9. Ioh. Goddaus in tract. de stipulatione cap. 9. num. 120. & seqq. Hubertus Giphanius ad l. cum alter 11. C. de fidejuss. & Matth. Berlichius conclus. practica. part. 2. conclus. 22. num. 65. & aliquot seqq. Moventur imprimis eo, quod Imperator docet in §. 1. Inst. Quib. mod. toll. obl. fidejussore solvente, non ipsum solum, sed etiam reum liberari, & quod Ulpianus ait in l. & per jussurandum 13. §. si fidejussori. ff. de fidejuss. si fidejussori accepto-latum sit, reum quoque liberari. Sed expedita adhuc solutio est, nempe solutione & acceptilatione fidejussoris & reum & fidejussorem liberari, sed diversimodè: fidejussor enim ipso Jure, reus per exceptionem liberatur, d. l. Papinianus. Neque hoc novum est ut liberari dicatur, qui per exceptionem liberatus est, non ipso Jure, ut patet ex l. qui res 98. §. mihi Roma 6. l. qui hominem 34. §. si stipulatus 2. l. si quis servo 18. l. cum quis 38. ff. de solut. & ibi Cujacius tract. 7. ad Africanum. Rursum nihil obstant, l. ut fidejussor 39. ff. de fidejuss. & l. cum alter 11. C. eod. non enim apertè negant actionem ex intervallo post solutionem fidejussori præstari posse; sed tantum docent, fidejussori, qui solvit, in fidejussorem non competere actionem, nisi ei à creditore cessa sit, nec disquiritur, an etiam post solutionem actio cedi possit. Eorum certè acumen vix satis percipere, nullo autem modo probare possum, qui post solutionem à fidejussore cessionem actionum peti non posse arbitrantur hac ratione, quod omnis

jam

jam obligatio sit sublata, nullaque amplius actio super-
sit: creditorem tamen sponte eam cedere, si velit, posse.
Quomodo id, quod nullum est, quod non amplius
extat in rerum natura, à creditore quamvis volente,
cedi poterit? *d. l. Modestinus ff. de solut?*

13. Fullo etiam aut sarcinator, si eo nomine, quod
vestimenta furto perdiderit, actione locati conventus
eorum æstimationem domino persolverit, furem non
liberavit; ex suo enim contractu & ob suam negligen-
tiam, non animo Juris liberandi solvisse intelligitur:
perpetuum autem est, quoties suo nomine quis solvit,
reliquos aliundè obligatos non liberari, *l. si quid pos-
sessor 31. ff. de petit. hered. l. 19. §. 1. ff. de condict. indeb.*
Itaque adhuc postquam satisfecerit, necessitas domino
incumbet cedendi vindicationem & conductionem, *l. si
merces 25. §. si fullo. ult. ff. Locati.* Similia exempla plu-
rima adduci possunt.

14. Ex quibus hanc generalem infero conclusio-
nem; Quamdiu solvens vel obligationem suam tollere,
vel res suas liberare potest, non præsumi eum alterius
liberandi causa solvisse; quia in dubio, quis suo potius,
quam alieno nomine solvere intelligitur. At si quis
solvat pro eo, pro quo nec ipse, nec res ipsius obligata
sunt; alia non potest capi conjectura, quam veri debi-
toris obligationem eum dissolvere voluisse. Idem ob-
tinet, si cum eo, pro quo solvit, æquè principaliter sit
obligatus: ideoque simul atque solvit, cedi sibi actio-
nem curet, ne id postea frustra desideret, vel saltem
antequam solvat, de cedenda actione paciscatur.

CAPUT VIII.

Qualis actio ex cessione in cessionarium transferatur?

SUMMARIA.

*Quid sint actiones directæ ? 1. Quid utiles ? 2. Differreant olim agendi modo 3. Sed hæc differentia hodiè sublata est 4. Directæ & utiles actiones interdum ejusdem sunt potestatis, interdum hæc illis præferuntur 5. Ostenditur nihil corrigendum esse in l. 27. §. fin. D. de procurator. contra Anton. Fabrum 6. Cum citra mandatum fit cessio, sola utilis actio transit 7. Idè ex omni causa, quâ Iure civili res transferri solent, contra Doctores 8. Responditur ad duplicem objectionem 9. 10. 11. Disputant anxie Doctores, sitne utilis hæc actio **DATIVA** an verò **NATIVA** 12. Quæ distinctio licet inepta esse videatur 13. Eâ tamen receptâ, ostenditur utilem hanc actionem & dativam & nativam diverso respectu dici posse 14. Transferitur non tantum utilis actio in personam, sed & in rem 15. Quæ etiam adversus dominum ipsum, qui cessit, intentari potest 16. Formula agendi in utili actione in rem 17. Utilis actio propria est cessionarij, eamq; suo nomine debet intendere 18. Ex mandato præter utilem transit exercitium directæ actionis 19. Potest cessionarius seu mandatarius in rem suam pro libitu alterutra, hoc est, directâ vel utili actione agere 20. Licet vulgus Interpretum & Anton. Faber aliter statuant 21. Quorum sententia refutatur. 22. 23. Et objectionibus respondetur 24. Sapè magis expedit utili, quàm directâ actione experiri 25. 26. 27. 28. 29. 30. Principali actione cessa, transeunt & accessoria 31. Solvuntur dubia, quæ videntur ob stare 32. Non transit accessoria post factam cessionem etc.*

quisita. 33. *Ac praevea distinguendum est, utrum transferatur principalis actio ex praecedente conventionis, an verò à lege.* 34. *Constitutur l. 73. in pr. D. ad SC. Trebell. cum l. 22. D. de const. pecun. & l. 23. in prin. D. fidejuss.* 35. *Actio Prætoria alia est decretalis, alia edictalis.* 36. *Rejicitur cunctatio Anton. Fabr. in d. l. 22. D. de const. pecun.* 37. *Et ejusdem in l. 73. D. ad SC. Trebell.* 38.

VIdimus hætenus quibus & à quibus, quæ actiones possint, vel debeant, quo tempore cedi. Reliquum est, ut ad cessionis effectus deveniamus, ubi primò discutiendum occurrit, Quænam actio ex cessione transferatur? Ex cessione quandoque sola utilis, quandoque cum utili etiam exercitium directæ actionis competit.

1. Id ut melius intelligatur, paucis attingenda est differentia directarum & utilium actionum. Directæ actiones (quæ etiam vulgares, ordinariæ & legitimæ actiones appellantur *l. si usufructus 22. §. ult. D. de aqua pluvi. arcend. l. 1. §. pen. & ult. D. de superficieb. l. cum quidam filium 46. in fin. D. de hered. Inst. l. si servus navem 42. D. de furt. l. cum res 5. C. Si alien. res pign. Vide Fr. Poletum lib. 3. Fori Romani cap. 2.*) sunt, quæ ex ipsius legis verbis & mente, seu quæ directo, aperto & constituto Jure competunt: utiles verò, quæ deficientibus legis verbis ac mente, ad exemplum, similitudinemque directarum utilitatis causâ comparatæ sunt.

2. Quando enim stricto Jure directæ actio deficit, tunc utilis vel ex Edicto Prætoris, vel Prudentum interpretatione, vel Imperatorum rescriptis, utilitate suadente conceditur.

3. Hæ

3. Hæ actiones quantum ad modum agendi & ritum judiciorum attinet, olim quidem differebant, quia solemnes formulæ & ritus servabantur in actione directa; non item in utili.

4. Sed hodiè differentia hæc penè sublata est, cum omnia judicia possint esse extraordinaria, hoc est, omnis actio possit moveri extra ordinem, sublati veterum formulis *l. 1. C. de form. & impet. subl.*

5. Quod verò ad vires utriusque actionis, etsi in multis ejusdem sint potestatis; interdum tamen directæ utili, ut rei vindicatio publicianæ, *l. pen. & ult. D. de publ. in rem act.* e contra utilis præfertur directæ ut in *l. procuratore 55. l. in causâ 27. §. fin. D. de procurat.* Cujus §. verba finalia, *directâ penitus tollenda* à Tribuniano contra Juris rationem adjecta, ideoque penitus tollenda esse existimat Ant. Faber *lib. 12. conject. cap. 4.*

6. Quod non est necessè meo Judicio: referri enim possunt ad ea, quæ proximè præcedunt, ut sensus sit, dandam quidem domino utilem actionem ex stipulatione Prætoris procuratoris, sed directam ei penitus denegandam: hæc enim, cum ossibus contrahentium adhæreat, dominus agere non potest, nisi à procuratore ipsi sit cessâ.

7. His ita prælibatis sciendum est, solam utilem actionem transferri, cum citra mandatum, aliâ nudâ voluntate, ex justa & idonea causâ sit cessio, ut si quis actionem vendiderit, *l. postquam. 7. cum l. seq. C. de hered. & act. vend.* si legaverit, *l. ex legato 18. C. de legat.* donaverit, *l. illam 33. C. de donat.* si in dotem, *l. 2. C. de obl. & act. in solutum, l. 1. & 2. C. de obl. & act. vel pi-*

gnori, *l. cum convenit 20. D. de pign. d. l. 7. C. de hered. vel act. vend. dederit.*

8. Extrâ has species Doctores utilem sine mandato ex præcedenti contractu transferri negant. Quod non proboi sed generaliter statuo, ex omni causa, ex qua Jure Civili res transferri solent, quamvis actionem alicui competentem ad alium hætenus sine mandato transire possit, ut utili actione experiatur, si creditor hoc animo sit, ut ex ea causa actio ad eum transferatur. Quod verò utilis actio ex cessione facta sine mandato transfertur, primò introductum fuit in emptione Imp. Pii constitutione, *l. si cum emptore 16. ff. de pactis* quam deindè alii Imperatores & Jurisconsulti ad similes casus extenderunt, *d. l. postquam 7. cum alijs similibus C. de hered. vel act. vendit.* propter commodiorem commerciorum usum. Nam actione vendita, in dotem vel solum datâ vel donatâ, omnia hæc negotia sæpè essent inutilia & commercia impedirentur, si in eum, cui prædictis modis actio est cessa, nihil ante transiret, quàm actiones mandatæ essent. Et sanè cum hoc Imp. Pii rescriptum etiam ad legata & donationes sit extensum, quis dubitare potest, quin in contractibus reciprocis & onerosis, cum de actionum translatione contrahentes conveniunt, illæ utiliter, actionibus necdum specialiter mandatis, in cessionarium transeant.

9. Cum his non pugnat quod Paulus ait *in l. 3. ff. Pro socio*, contracta omnium bonorum societate, nomina in suo statu manere, ideoque invicem præstandas esse actiones. Nam hoc non simpliciter dicitur, sed

sed *κατά τινι*: comparantur enim ibi nomina, *ut apparet ex l. 1. 2. 3. ff. Pro socio*, cum reliquis rebus in societate omnium bonorum comprehensis, quarum dominium directum socio communicatur; quia tacite traditio Juris fictione intelligitur intervenisse: secus est in nominibus, quæ semper in suo statu manent, nec à domino separari possunt, non magis quam anima à corpore, ut Glossator ait, *in l. si quis ergo. ff. de peculio*. ossibusque adeò inhererent, ut nunquam, nisi solutione vera vel ficta separentur. Quòd ergò à Paulo nomina in statu suo manere dicuntur, id de directis actionibus est intelligendum. Utiles enim, quæ nunquam ante contractam societatem extiterunt, in statu suo manere dici non possunt. Et sanè cum & donatione & legato, ut jam ante diximus, utilis actio, nullo licet mandato intercedente, indulgeatur; iniquissimum esset, quando de bonis omnibus, in quibus & nomina comprehenduntur, communicandis socii conveniunt, ne utiles quidem actiones alteri sociorum absque expresso mandato competere.

10. Eodem modo ad alium ejusdem Pauli locum, *in l. si Stichus 53. ff. de peculio*. responderi potest. *Si Stichus*, inquit Iustus, *peculium, cum manumitteretur ademptum non est, videtur concessum, debitores autem conveniri nisi mandatis sibi actionibus non potest*. Id enim de directis, non de utilibus, quas donatarius etiam absque mandato, suo nomine movere potest, accipi debet.

11. Vel rectius & probabilius dicemus, ut actio utilis accommodaretur non perinde receptum fuisse in donatione ac in aliis negotiis. Sed hodiè ex constitu-

tionem Justiniani in *l. illam subtilem* 33. *C. de donat.* amputandam esse subtilem illam observationem & æquè ac in emptione nominis, donatario utilem quoque actionem indulgeri. Denique ex eo, quod olim aliud in donatione, quàm in emptione obtinuisse Justinianus refert, satis apparet, in reliquis negotiis ac contractibus idem, quod in emptione à D. Pio constitutum erat, observatum fuisse.

12. Disputant præterea Doctores anxie admodum & obscure, de utili hac actione, sitne nativa an dativa? Nativam appellant, quæ ex contractu, aliâve idonea causa nascitur: Dativam verò, quæ cum nasci non possit, deficiente scilicet illa causa, à Prætorè aut legis autoritate datur, *Udalricus Zasius lib. 2. singul. respons. cap. 5. Hyeronimus Torniiellus in tractat. de utili & directa actione.*

13. Quam actionum divisionem planè ridiculam & ab Interpretibus nostris, nullo Juris fundamento excogitatam moderni asseverant: Causam verò erroris sumptam esse ex verbis illis, *actionem dabo, vel, non dabo*, quibus Prætor in Edictis publicè in albo propositis olim utebatur: Cæterum in Jure nostro promiscuè dicta actionem dari & nasci, & Prætores sæpè dicere, Judicium vel actionem dabo, ubi Jure Civili actio prodita est, vel ex Jure gentium obligatio descendit, ut in *l. 1. D. Commod. l. 1. D. Depos. l. 1. ff. de serv. corrupt. l. 1. ff. de vi & vi armat.* Prætores enim se actionem daturum dicere, non quod eam de novo introducat, sed quod formulam ejus præscribat & agendi potestatem faciat.

14. Sed

14. Sed retentâ, dicis gratiâ, Doctorum distinctione inter actiones nativas & dativas (ur hæc sint, quæ non habent præcedentem materiam sufficientem, hoc est, contractum, ex quo oriantur, illæ contra, quas negotium aliquod, undè oriantur, præcedit) hoc modo respondendum arbitror, actionem hanc utilem nativam esse respectu cedentis, qui vendidit, in solum dedit, legavit &c. quia hîc negotium præcedit, undè nascitur; at respectu debitoris, contra quem ceditur, dativam esse, quia nullum cum eo negotium aut contractus cessionario intercessit, cum etiam adversus ignorantem & invitum actio cedatur, *l. 1. C. de novat.*

15. Porro non tantum utilis actio in personam, sed & utilis in rem ex cessione transfertur, cum videlicet realis actio vendita, donata, vel alio modo cessâ est. Videtur olim dubitatum fuisse, an in cessionibus actionum, actio in rem differret ab actione in personam. Ratio dubitandi hæc fuit, quod nuda cessione vel venditione non transferatur dominium, quo nititur actio in rem, sed traditione: Obligatio autem, ex qua oritur actio in personam, non habet opus traditione. Sed hanc dubitationem Justinianus sustulit in *l. ult. C. de hered. & act. vendit.* & utramque actionem, si vendita fuerit, in emptorem transire, ipsique utilem inde actionem dari definivit. Utraque enim actionis species Jus est, & proinde cedi potest. Nec obstat quod dicitur, actionem in rem soli domino competere. Hoc enim de directâ actione accipiendum est, non de utili; quo verbo maximè significatur, cessionarium dominum non esse, quia utilis ea dicitur, quæ datur cessantibus
verbis

verbis legis, §. ult. *Instit. de lege Aquilia.*

16. Forma agendi in hac utili actione reali hæc erit, ut cessionarius dicat, fundum, puta Sempronianum ad Titium Jure domini pertinere, sibi verò à Titio Jus omne cessum fuisse, ex eaque causa petere se, pronuntiare fundum ad se pertinere, ac possessorem condemnari ad ejus restitutionem, *ut scribunt Bart. in l. si ager 50. & in l. si culpa 63. ff. de rei vindic. Bald. in l. ult. C. de hered. vel act. vendit. & in l. 1. C. de obl. & act.*

17. Quærent hic Doctores, an utilis hæc actio in rem à cessionario contra ipsum dominum, qui cessit, intentari possit? Et posse magis placet *argumento l. si culpa 63. De Rei vindicat.* ubi reo rei-vindicatione convento, si is rei petitor, cujus possessionem culpâ suâ amisit, æstimationem auctori solverit, auctor cedere cogitur actione sua, id est, rei vindicatione, vel eo non cedente, Prætor eidem reo dat utilem rei vindicationem h. e. publicianam: qua utili actione etiam adversus dominum, si is ejus rei, cujus æstimationem accepit, possessionem postea sit nactus, adjuvari debet, quod pluribus persequitur & declarat Alexander Trentacinquius *lib. 2. resolut. tit. de actionib. resolut. 6.*

18. Denique utilis hæc actio, quæ ex cessione transfertur, sit propria accipientis, dicitur enim cessionarius eam habere suo nomine *d. l. ult. C. de hered. vel action. vend. l. ult. C. Si fise. vel privat.* Undè cessionarius eam proprio nomine in Judicio proponere & in libello sibi concludere debet.

19. Quando cessioni mandatum accedit, præter actionem utilem etiam exercitium directæ actionis in cessionarium

narium transit. Dico exercitium transire; quoniam ipsa directa actio manet cedentis propria, nec Juris ratio patitur, ut ea recta via in alium transferatur, & ejus propria efficiatur; Sive in rem sit, ea enim soli domino competit, sive in personam, cujus ea natura est, ut intra viscera ejus, cui debetur, hæreat *l. ita tamen 27. §. qui ex Trebelliani. l. cum hereditas 49. l. si heres 70. D. Ad SC. Trebell.* Adde, quod actio personalis nascitur ex contractu vel delicto, quæ facti & personalia sunt: Itaque is tantum actionem personalem habet, qui verè contraxit, vel cui nocitum est; quam si transferat in alium, is certè, quia non contraxit, vel quia ei nocitum non est, non potest directò eam suo nomine exercere. Cessionarius igitur ut Procurator in rem suam instituit & exercet directam actionem ex persona & mandato cedentis, *l. ult. C. si fisc. vel privat. l. qui stipendia 9. C. de procurat.* Proindè in hac directa actione, niti, agere, concludere, formare libellum ex persona cedentis oportet, ut rectè monet Baldus in *l. Vir uxori D. de donat. inter Vir. & uxor.*

20. Illud verò imprimis observandum est, mandatis actionibus, directas æquè ac utiles procuratorem in rem suam seu cessionarium exercere posse; Ut has quidem suo nomine moveat, illis autem utatur ex persona cedentis.

21. Quæ quamvis ita sint, vulgus tamen Interpretum contra statuit, nunquam eodem tempore concurrere in persona mandatarii directam & utilem actionem; sed directa actione utpotè digniore & principaliori tolli utilem tanquam minorem, *argumento l. si reus*

M

13. *D. de duob. reis, & l. si duo. 93. D. de solut. directamque actionem, quamdiu exerceri potest, solam competere mandatario: ubi autem competere desierit, tunc demum mandatario utilem in subsidium dari, argumento l. 1. C. de obligat. & act. ubi Doctores, Iacobus de Arena in tract. de act. cess. num. 66. Ioh. de Grassis eod. tract. §. 5. num. 3. & alij, quibus novissimè ad stipulatur Ant. Faber lib. 12. conject. cap. 2. & 6.*

22. Sed horum sententia apertè refellitur Ulpiani responso, in *l. procuratore in rem suam 55. D. de procurat.* ubi dicitur, procuratorem in rem suam datum, suo nomine utiles actiones habere, quem dubium non est habere etiam actionem directam nomine mandantis.

23. Et magis ad subvertendam, quam confirmandam Doctorum opinionem facit Imperatoris Gordiani rescriptum, in *d. l. 1. C. de oblig. & act.* in quo extincta actione directa morte mandantis, dicitur utilis actio competere, si creditor sine herede decesserit. Hæc enim verba non ita accipienda sunt, ac si utilis actio nunc primum competat in subsidium, ut loquuntur Doctores. Nam ut Azo olim rectè docuit, fuit in d. rescripto contractus emptionis, ut patet ex verbis: *datâ certa pecunia quantitate*: at cum nomen emitur, certi Juris est, statim ex ipso contractu utilem emptori actionem ex rescripto Divi Pii competere, *l. si cum emptore 16. D. de pact.* Mortuo igitur Creditore, qui actiones mandavit, absque herede, directa quidem perit: sed utilis, quæ ante ex ipso contractu orta erat, remanet. Glossator, quem sequuntur Interpretes, fingit hic contractum fuisse innominatum, & pecuniam fuisse

fuisse quidem datam sed in sacculo signatam, tanquam speciem, & præterea speciem legis in fidejussore ponit. Nugæ. Sed de hujus legis explicatione fufius infra cap. ult. agemus.

24. Nihil autem cum præfente quæstione commune habent textus in *l. si reus 13. D. de duobus reis*, *l. si duo 93. D. de solut. l. si debitori 50. D. de fidejuss.* (de quarum legum intellectu vide Jacob. Cujac. lib. 15. obs. c. 11. Ant. Fabrum lib. 1. conject. cap. 5. & lib. 8. cap. 4. Hartman. Pistor. lib. 3. quæst. Jur. quæst. 11. Elbert. Leonip. lib. 1. Emendas. cap. 3.) quibus Antonius Faber potissimum nititur. Nam illi tantum probant per principalem tanquam majorem & pleniorē tolli fidejussoriam: at inde minimè sequitur, etiam per directam tolli utilem, ut nec illud, utramque simul & eodem tempore in eandem personam concurrere non posse. Non enim directa actio plenior est utili, sed exactionis effectu considerato utraque ejusdem potestatis est, *l. actio 47. ff. de negot. gest.*

25. Imò sæpè magis expedit utili, quàm directa actione experiri. Nam agens directa tenetur defendere cedentem in causa reconventionis, *l. si servum 33. §. final. ff. de procurat.* secus si agat utili, vide infra cap. 10.

26. Item directa actio, si cedens ante litem contestatam absque herede moriatur, extinguitur, remanente utili *l. 1. C. de obl. & act. vide infra cap. ult.*

27. Cessionarius quoque agens directa tenetur ante litem contestatam adversario edere copiam instrumenti cessionis, ut lis rectè ordinetur, & persona vo-

lensis exercere alienas actiones legitimetur, secus, si intentet utilem: Nam hoc casu instrumentum cessionis magis pertinet ad merita causæ, quàm ad litis ordinationem *ut volunt Boerius decis. 10. Tholosana decis. 295. & Guido Papa decis. 561.*

28. Præterea exceptio personalis, quæ obstat cedenti, etiam obstat cessionario agenti directæ, non obstat intentanti utilem, quia exceptio accommodanda est ad naturam actionis, cui opponitur, *vide infra cap. XIII.*

29. His amplius si alibi extet statutum, ut inter conjunctas personas causa compromittatur, conjunctus autem sua actione cedat extraneo; cessionario agenti directæ, rectè opponetur, causam debere compromitti, quia in directæ, cessionarius sustinet vicem cedentis; secus si agat utili, quia non est conjunctus. *Matth. de Afflictis decis. Neapolis. 74.*

30. Denique quoties cessionarius in Judicio concurrat cum cedente, propter utilem actionem, quam suo nomine intendit, præfertur habenti directam, *l. procuratore 55. D. de procurat. vide infra cap. XI. num. 4. & 5.* In dubio autem credendus est cessionarius egisse via sibi utiliore, *secundum Bald. in l. ait Prator §. si quis D. de fidejuss. & Boerium d. decis. 10. num. 3.*

31. Porro sciendum est, cessione nomine, non tantum principalem actionem in cessionarium transire; sed & accessoriam tanquam appendicem & sequelam, quæ est actio fidejussoria & hypothecaria seu persecutio pignorum, *argumento l. in solutum 6. cum l. seq. C. de oblig. & act. l. emptori 6. ff. de hered. action. Negusant. 3. Memb.*

Membr. 1. princip. num. 23. Boer. decis. 335

32. Quod tamen dubitationem ex eo habere videtur, quod quamvis quis nomen vendiderit, nihilominus actionem hypothecariam seu pignoris persecutionem præstare teneatur, *d. l. emptori*. At supervacuum foret hoc, si ex simplici nominis venditione vel in solum datione hypothecaria transferretur; Frustrà quoque Imperatores *in d. l. si in solum*, post in solum dationem adjecissent hæc verba, *ac te in rem tuam procuratorem fecit*. Quæ dubitatio ita diluenda est, ut, quod Paulus jubet, *in d. l. si in solum*, præstari persecutionem pignoris, hoc ad exercitium directæ actionis referatur. Similiter ista verba, *in d. l. si in solum*, *ac te in rem tuam procuratorem fecit*, non significant adeò necessariam esse cessionem & præstationem actionis hypothecariæ, ut emptor nominis, vel is cui nomen in solum datum est, experiri non possit utili actione, sed referuntur ad translationem exercitii directæ actionis hypothecariæ. Ex sola enim emptione vel in solum datione sine mandato, non directæ, sed utilis tam principalis, quam accessoria actio transfertur. Atque hoc ita se habere apertè declaratur ab iisdem Imperatoribus, *in l. si à creditore 7. C. de hered. & act. vendit.* dum nomine mihi vendito, pignoris persecutionem tribui debere rescribunt.

33. Prædicta procedunt in hypothecaria, quæ tempore cessionis cedenti competit, non etiam in ea, quæ post cessionem demum occasione principalis obligationis cedenti acquisita fuit; hæc enim non transit sine nova cessione, nisi aliud actum sit, ut *si in contractu*

M 3

apponatur, quod cedat omnes actiones, quas ejus rei nomine habet, vel habiturum se sperat, atque ita præter alios notant Nicolaus Boerius, *d. decis.* 335. & Alexander Trentacinius *lib. 2. Variar. resolut. tit. de actionib. resolut. 5. num. 10.* & Negufantius 3. *Memb. 5. princip. num. 23.*

34. Denique quod dicitur actione principali cessâ actionem quoque accessoriam tanquam sequelam & pedissequam transire, locum habet, si ex præcedente aliqua conventione transferatur actio principalis: eam enim conventionem ex verisimili mente contrahentium sic interpretamur, ut videatur actio principalis cessâ cum omni sua causâ & accessione. At quando lex transfert actionem principalem, non semper censetur translata accessoria; quia lex certis terminis plerumque concluditur, ultra quos nostrum non est eam extendere. Verbi gratia: ab herede in fideicommissarium non est lege inductum alias actiones transferri, quàm hereditarias, id est, quæ à defuncto initium sumentes in hereditate inventæ sunt: unde fieri potest, ut principalis actio sit hereditaria, hypothecaria vel fidejussoria non sit hereditaria, sed ab herede longo post intervallo acquisita, pignoribus vel fidejussoribus acceptis à debitoribus hereditariis. Illam igitur lex transferret, hanc transferre & cedere debet heres, *l. si heres pecuniam 73. in pr. D. Ad SC. Trebell.*

35. Cui obloqui videntur Paulus *in l. si post constitutam 22. D. de const. pecun.* & Africanus, *in l. si heres à debitore 21. in pr. D. de fidejuss.* tradentes, actione personali ad fideicommissarium translata, accessoriam quoque

quoque, licet non sit hereditaria, in eundem transire puta si debitor hereditarius constituerit se heredi soluturum aut ei fideiussorem dederit. Hic scrupulus ita submovendus. Actiones non hereditariæ, quæ hereditariis accedunt, transferuntur in fideicommissarium, non vi SCti Trebelliani, sed ex cessione, quoniam heres cogitur iis actionibus cedere, *d. l. heres pecuniam*, vel si cessio nulla facta, ex decreto Prætoris suppeditantur: Translata enim actione personali in fideicommissarium, hæ actiones in statu quidem suo manent apud heredem; sed sine re & utilitate, quoniam Prætor ei has actiones denegat, & ex bono & æquo eas decernit fideicommissario, *d. l. si post constitutam 22.*

36. Prætoriam actio alia est edictalis, alia decretalis: Edictalis, quæ competit ex edicto Prætoris, proindeque ex Jure scripto, & datur à Prætoris de plano, sine causæ cognitione. Decretalis autem non datur ulla parte Juris scripti, sed à Prætoris vivo, ex æquo & bono cum causæ cognitione decernitur in extremum subsidium deficiente etiam actione de dolo, *l. si finita 15. §. eleganter 28. D. de damno infecto. l. damno 18. §. ult. D. eod. l. si unius 17. §. ait Prætor 10. D. de injur. l. penult. ff. de acquir. hered. l. 3. §. ego 3. ff. de vulg. & pupill. subit.* Sic in proposito casu, nulla cessione facta, à Prætoris actio fideicommissario decernitur ex sententia Pauli in *d. l. si post 22.* dum ait, sed magis est, ut fideicommissario, vel ei, qui vicis, decernenda esset actio.

37. Quæ verba Ant. Faber lib. 15. conject. cap. 5. ad hanc decretalem actionem non advertens, more suo ac perperam Tribuniano nostro adscribit hac motus
ratione,

ratione, quod à Juris disciplina alienum sit, ut alia ex SCto Trebelliano transferatur actio, quam hereditaria. Illud mirum alicui videbitur, cur Africanus dixerit, *in d. l. heres à debitore 21.* restitutâ hereditate, actionem contra fidejussorem, quia hereditaria non est, in suo statu manere; cum tamen mox subjiciat, eam ad fideicommissarium transire. Sed hoc voluisse videtur istis verbis J Ctus, quod restitutâ hereditate, ac translata actione personali, actio fidejussoria in suo statu maneat, h. e. non intereat, vel extinguatur, sed ipso Jure apud heredem remaneat, à quo vel cedenda fideicommissario, vel absque cessione à Prætorè decernenda est, *ut docet Jacobus Cujacius tract. 7. ad Africanum in d. l. heres à debitore 21.*

38. Undè rursus apparet ab eodem Fabro *d. loco.* non rectè suspectam reddi Marcelli scripturam *in d. l. si heres 73. ff. ad SC. Trebell.* & integrum hunc versiculum [*Tamen habet adversus heredem actionem, ut ei cedat pro pignoris commodo actionem*] attribui imperitiæ Tribuniani, quasi Juris ratio non patiat, ut translata actione personali ex Trebelliano, actio hypothecaria, adhuc consistat in persona heredis, atque ita frustra de cedenda actione quærat, cum nulla heredi superfit. Sed hanc objectionem non obscurè removet Africanus *in d. l. heres à debitore*: nam & ibi obligatio fidejussoria videbatur corrumpi & extinguì restitutâ hereditate, quasi non posset in heredis persona consistere, in qua non consistit principalis, quæ erat in fideicommissarium translata. Sed respondet Africanus obligationem fidejussoriam in statu suo manere, hoc est,

non,

non corrumpi & extingui, remanere autem apud heredem, ut ab eo cedatur, vel à Prætorè decernatur fideicommissario. Quod Africanus hîc definit de obligatione fidejussoria, id ipsum trahi debet ad pignus & aliam quamcunque obligationem accessoriam. Cur autem translata ex SCto actione personali, adhuc apud heredem remaneat, subsistatque accessoria, hæc reddi ratio potest; quod ex SCto non ipsa principalis directâ transferatur, sed utilis tantum; directâ autem penes heredem remanet, sed sine re, §. *restituta cum §. seq. Inst. de fideicommiss. hered. l. 1. §. sublata, l. ita tamen 27. §. ex Trebelliano. l. heres institutus 70. D. Ad SC. Trebell.* Per hanc igitur directam actionem, quæ apud heredem residet, sustinetur actio accessoria, ut ea non extinguatur, sed ipso Jure adhuc in persona heredis consistat, à quo utiliter fideicommissario ceditur, *d. l. heres pecuniam.*

CAPVT IX.

Quenam actionum ex cessione transferarum sit vis & potestas?

SUMMARI A.

*Quicquid iuris habuit cedens transiit in cessionarium 1. Illud Int com-
fistit in coudeniendo ac liberando debitore 2. Itaq; debitor cession-
nario solvens vel cum eo paciscens liberatur etiam à cedente seu
priori creditore 3. Solvitur obiectis ex l. p. §. ult. D. de ex-
cept. rei judic. 4. Cessionarius cum debitore licet invito restit*

N

agit 5. Modò non sit rixosus & cavillationum architectus 6. In cessionarium etiam transit ius parata executionis cedenti competens &c. 7. Cum queritur, an privilegia cedentis cessionario competant, non rectè distinguunt Interpretes directane, an utilis actione agatur 8. Differentia enim querenda est in ipsis potius privilegijs, quorum alia sunt personalia, alia realia 9. Personalia non transcunt. Quare pupilli privilegium, quo ceteris creditoribus praeferitur, atque merè personale, cessionario denegatur 10. Et mulieris in dote privilegium 11. 12. Realia verò transcunt in cessionarium 13. Aliquando & merè personalia, cum nempe de sola mulieris utilitate agitur 14. Quo casu cautius tamen fecerit cessionarius, si directè actione tanquam procurator agat 15. Cessionarius regulariter suo periculo actiones exercet 16. Nam cedens non tenetur praestare locupletem esse debitorem 17. Imò ne debitorem quidem esse eum, contra quem creditur actio, si incertum nomen vendatur aut alià ratione cedatur 18. Remotis aliorum distinctionibus respondetur objectioni adducta ex l. 22. §. si mulier D. solut. matrim. 19. 20. Spectat tamen periculum nominis ad cedentem, si marito nomen in dotem sit datum 21. Quod declaratur & limitatur 22. 23. 24. Vel quando nomen per delegationem est cessum 25.

Proximo capite declaravimus, quales sint actiones, quæ ex cessione transferuntur: nunc accuratius dispiciamus, quæ harum actionum sit vis ac potestas, quidque Juris inde cessionarius consequatur.

1. Regulariter omnia Jura cedentis in eum, cui cessa est actio, translata intelliguntur. Is enim Juris interpretatione, repræsentat cedentem, seu primum creditorem, l. 2. C. de donat. & in libello merito se creditorem appellare potest juxta doctrinam Baldi ad l. 1. quast. ult. C. de obl. & act. facit l. ab Anastasio 23. in verb. alium creditorem. C. Mandat. Et ipse cedens censetur

setur extranei loco, *l. si cum emptore, in pr. D. de pact. l. 2. §. cum quis D. de hered. & act. vend.* ac in causam sic translata testimonium dicitur, ut omnes Doctores sentire testatur Oldendorpius in *Class. 3. act. 1.* Similiter is, contra quem actio ceditur, cessionarii debitor rectè vocatur, quia ab eo invito extorqueri pecunia potest, *l. 12. C. de donat. l. debitor 108. D. de verb. signif. l. postquam. C. de hered. & act. vend. l. emptori. D. eod.*

2. Jura Creditoris seu cedentis præcipuè consistunt in potestate quovis legitimo modo liberandi debitorem & in exactione debitæ quantitatis: Hæc igitur translata censeantur in cessionarium, & quicquid præterea in exigendo debito, exercendaque actione circa pignus aut personam debitoris cedenti ex conventionne, lege aut statuto permissum erat, ut notant Interpretes ad *l. si in solutum 6. C. de oblig. & act. Hugo Donell. lib. 15. comment. cap. 43. vers. harum actionum.* Quæ singula operæ pretium est, fusius hic explicare.

3. Imprimis cessionarium dicimus habere potestatem quovis modo liberandi debitoris. Nam qui cessionario solvit, eo loco habetur, ac si ipsi cedenti solvisset: cum nihil intersit, utrum creditori solvatur, an ejus voluntate alii, *l. solutum 49. ff. de solut.* Undè & hoc necessario sequitur, si cessionarius cum debitore, ejus liberandi causa pactus sit, & postea cedens seu verus creditor agat, cum à debitore exceptione doli posse repelli juxta disertum Ulpiani responsum in *l. si cum emptore 16. in pr. ff. de pact.* Si cum emptore hereditatis pactum sit factum, & venditor hereditatis perat, doli exceptio occurrat.

4. Cum quo non pugnat, quod Julianus docet *in l. si à te 9. §. ult. ff. de except. rei judic.* exceptionem rei judicatæ adversus emptorem rei alicujus hereditariæ obtentæ auctori, seu venditori non rectè opponi. Quandoquidem aliud est, si heres vendiderit hereditatem vel actionem hereditariam, aliud, si rem aliquam hereditariam. Hereditatis vel actionis venditor evictionis nomine non obligatur, *l. 2. l. 10. ff. de hered. & act. vend.* atque ideo cum nihil ejus amplius interlit, agens meritò exceptione doli repellitur. Venditori verò rei hereditariæ, cum de evictione teneatur, rei judicatæ exceptio, quæ emptori obstabat, nocere non debet.

5. Deindè cessionarius habet debitæ quantitatis actionem adversus debitorem invitum: Nulla enim actio nullumve judicium, nisi in invitum redditur, *l. inter 83. §. 1. ff. de verb. obl. d. l. debitor 108. ff. de V. S.* Et sanè cum cessio fieri possit invito & ignorante eo, adversus quem actio ceditur, consequens est, cessionarium adversus eundem invitum debitæ quantitatis actionem habere.

6. Quod si tamen dolose cessio sit facta, vel cessionarius sit rixosus & cavillationum architectus, quibusdam placet, adversarium seu debitorem recusare posse cum eo contendere, & postulare ut cedens per se vel per alium magis probum virum litem persequatur, *Bart. ad l. si actor 29. ff. de procurat. & Robertus Maranta in repetitione ejusdem legis num. 32. 76. 77.*

7. Dixi præterea cessionarium eodem prorsus Jure, quod cedentis fuit, in exercenda actione uti posse;

Si itaq;

Si itaque cedens habuerit paratæ executionis Jus ex precedente sententia, vel ex instrumento Guarentigato juxta formam statuti, ut ipsi liceat ex pacto, propria autoritate, debitoris bona occupare, vel ex lege, aut statuto debitorem sistere aut carceri mancipare, eodem quoque Jure utetur cessionarius, ut *unanimi consensu tradunt Rodericus Suarez ad l. post rem judicatam ff. de re judic. & Ioh. Parladorius lib. 2. rer. quotid. cap. final. part. 3. §. 4. num. 1. & 5. Daniel Mollerius lib. 2. Semest. cap. 20. Boer. decis. 10. Peckius de Jure sistendi cap. 3. num. 4. Ioh. Imbertus lib. 1. Inst. forens. cap. 4. Fr. Milanensis lib. 2. decis. Sicilia. decis. 1. num. 4. & seqq. Matth. Coler. de process. execut. part. 2. cap. 2. num. 31. & seqq. Matth. Berlichius part. 1. conclus. practicab. conclus. 35. num. 43. 44. 45. dummodo prius de cessione Judici fidem fecerit. Quod si non fecerit, non ab executione incipere potest, sed ordinario processu opus est: ut tradunt præfati authores dict. locis, quia in Judicio quantumcunque summario & executivo, requiritur plena legitimatio personæ, secundum Bart. & alios, in l. 2. C. de Edict. D. Hadriani toll. Fr. Vivium lib. 2. decis. 249. num. 3. 4. Executio tamen rectè facta videbitur, si ab ea inceperit cessionarius, non ut cessionarius, sed ut simplex procurator & mandatarius. Nam qui in rem suam procurator factus est, etiam agere potest tanquam simplex procurator & alieno nomine, si id sibi utilius & ad debiti solutionem extorquendam commodius existimet, Vide DD. ad l. qui stipendia p. C. de procurat. Anton. Fabrum lib. 4. Cod. Sabaud. tit. 7. definit. 1. & tit. 29. definit. 6. & 10. sicut superiore capite.*

pluribus probavimus.

8. Quæri præterea solet, an privilegia, quæ cedenti in exigendo, persequendoque debito competeant, ipsi quoque cessionario tribuenda sint? Sunt qui distinguant, utrum cessionarius intenet directam, an verò utilem actionem; Ut priore casu gaudeat privilegio cedentis (quia cum mandata actione experiatur ex persona cedentis, videtur omni Jure cedentis & consequenter etiam ejusdem privilegio frui debere.) posteriore verò casu privilegio cedentis non utatur, quia utilem actionem suo nomine movet, non ex persona cedentis: ita sentiunt Bald. in l. 1. col. 4. C. de privileg. dot. & in l. heredem C. de hered. vel act. vel Robert. Maranta in repetit. l. si actor. n. 26. ff. de procurat. Hugo Donell. ad l. 1. C. de obl. & act. & lib. 15. comment. cap. 43. Sed hos refellere videtur Papinianus in l. ex pluribus 42. ff. de administ. tut. cum enim tutori, cui à pupillo in rem suam mandatæ sunt actiones, in exercendis mandatis adeoque directis actionibus denegat privilegium pupillo concessum, consequens est, multo magis aliis cessionariis privilegia cedentium esse deneganda: tutoris enim persona aliis multo favorabilior esse debet, utpotè qui onus administrandæ tutelæ recusare nequeat.

9. Nulla ergo hac distinctione, aliter distinguendum arbitror, nempe utrum privilegia sint personalia, an realia. Personalia sunt, quæ personæ coherant, realia, quæ causæ, rei, seu negotio præstantur. Hæc cessa actione, cui coherant, in cessionarium transeunt, l. in omnibus 48. l. privilegia ff. de Reg. Jur. & hoc com-

munis

munne placitum esse testatur Emanuel Soarez in thesauro recept. sent. in lit. C. num. 48. illa non æquæ. Nam ubi personæ conditio locum facit beneficio, ibi deficiente persona, deficit quoque beneficium *d. l. in omnibus & d. l. privilegia*. Et hujus regulæ exemplum proponitur in dicto Papiniani responso, in *d. l. ex pluribus 42. ff. de administ. tut.* agitur enim ibi de privilegio exactionis pupillo in actione tutelæ Constitutionibus Principum concessio, quo pupillus præfertur cæteris creditoribus tutoris, ac interim, dum ei satisfiat ex bonis tutoris, cæterorum creditorum actiones differuntur, *l. ex facto 52. ff. de peculio l. dabimus 19. §. 1. ff. de reb. auct. judic. poss. l. ult. ff. de tut. & rat. distrahend.* Hoc privilegium personale est, quia persona pupilli meruit hunc præcipuum favorem, ut inquit Papinianus in *d. l. ex pluribus*. Si itaque pupillus alicui cesserit actione tutelæ, ac eum procuratorem in rem suam fecerit, non transit in eum hoc privilegium, quia nec heredi pupilli datur, *d. l. ex pluribus*, qui tamen est totius Juris successor & defuncti vicem sustinet; imò una quodammodo intelligitur persona cum defuncto, in *Novell. 48.* quare multo minus in successorem singularem & unius actionis transibit.

11. Sic quando mulier cedit actione de dote, cessionario non habet ea privilegia, quæ mulier habuisset, si ab ipsa hæc actio intentata fuisset, ut & observavit Joachimus Mynfingerus *cent. 3. obs. 3.*

12. Quod tamen secundum superiorem distinctionem accipiendum videtur, ut nempe personalia dotis privilegia non transcant ad cessionarium, quale est privile-

privilegium prælationis, *l. 1. C. de privileg. dot. l. assiduus. C. Qui pot. in pign.* quod non modo extraneis heredibus denegandum; sed ne liberis quidem mulieris tribuendum esse contra communem omnium ferè interpretum opinionem contendit Antonius Faber, *lib. 8. conject. cap. 13.* idque probat tum hac ratione, quod in omnibus causis, ubi personæ condicio locum facit beneficio, ibi deficiente persona, beneficium quoque deficiat, *d. l. in omnibus. D. de Reg. Jur.* tum auctoritate Justiniani in *§. fuerat. Inst. de actionib.* dum, *preferri,* inquit, *alijs creditoribus in hypothecis tunc censuimus, cum I P S A mulier de dote sua experiatur, cujus solius providentiâ hoc induximus,* quæ tamen verba, alii sic interpretantur, *cujus solius,* scilicet, *dotis,* ut ita donationem propter nuptias & bona paraphernalia excludant. Verum singula hæc aliàs fortassè prolixius examinabimus.

13. Realia autem dotis privilegia, quæ non tam mulieri, quàm actioni de dote tribuuntur (quale est privilegium tacitæ hypothecæ, quod ad quosvis transmittitur, *l. unic. §. 1. & §. maneat. C. de rei uxor. act.*) ad cessionarium transferuntur, ut scribunt Bald. & Salicet. ad *l. 1. C. de privileg. dot.* Bart. in *l. 1. ff. solut. matrim.*

14. Imò & privilegia merè personalia in cessionarium transire docent Interpretes, cum in cessione, sola utilitas solumque negotium cedentis mulieris vertitur. Quid enim si mulier secundo nupserit viro, & dotem, quam primo dederat, promiserit secundo; ac heredibus mariti eam restituere tergiverfantibus, Titius nomine mulieris secundo dotem solverit eo animo ut mulier sibi restituat & cedat Jura contra heredes
mariti

mariti primi, annon æquum est, ut omnia dotis privilegia, quamvis personalia, transeant in cessionarium? Quoniam totum hoc negotium non cessionario, sed mulieri gestum esse videtur, *consule de hac re Iacobum Menochium lib. 4. de præsumpt. 189. num. 133.*

15. Hoc tamen casu cessionarius rectius & cautius fecerit, si juxta ea, quæ supra notavimus, *num. 7. in fine*, tanquam simplex procurator & alieno nomine, directa actione experiatur. Nam, ut docet glossa *ad d. §. fuerat. Inst. de act.* procuratori mulieris datur hoc privilegium.

16. Porro ad exactionis à cessionario faciendæ naturam spectat, ut cessum nomen, sive cessas mandatasve actiones cessionarius suo periculo exigat & persequatur, *l. pupilli 96. §. soror. ff. de solut. l. quod si possessor. 17. in fin. ff. de petit. hered. & ita omne lucrum, & dispendium cum sequatur, l. si ea res 31. ff. de act. empt.*

17. Cedens enim locupletem esse debitorem non debet præstare: sed sufficit, si præstet debitorem *l. si nomen 4. ff. de hered. vel act. vend. l. si plus 74. in fin. ff. de evict. esse, & debitorem nullâ rûtum exceptione præemptoria & perpetua d. l. 4. & 5. ff. de hered. & act. vend. l. si mandatu 45. §. pen. ff. Mandati* (quia non videtur accepisse, qui per exceptionem à petitione removeretur *l. non videtur 13. ff. de Rog. Tur.* & is demum debitor intelligitur, à quo invito pecunia exigi potest, *l. 108. ff. de verb. signif.*) nisi, ut Paulus inquit, *in d. l. 2. ff. de hered. vel act. vendit.* in contrarium actum sit. Puta si vendidi tibi, si quid mihi deberetur à Titio, nec

amplius quicquam præstitum iri promissi, quoniam tunc incertum tantum nominis vendidisse intelligor, ac proinde non teneor, etiamsi nihil Titius mihi debuerit, *l. quod si 10. cum l. seq. ff. de hered. & act. vend.*

19. Prædictis objici solet Ulpiani responsum *in l. si cum dotem 22. §. si mulier. 2. ff. solut. matrim.* in quo ne vera quidem delegatio periculum actionis in accipientem transfert, multo igitur minus in cessionarium transibit periculum actionis cessæ. Accursius in dote speciale hoc putat: Non rectè, ut mox ostendam. Bartolus, quem reliqui Doctores sequuntur & ex neotericis Jacobus Cujacius *ad d. §. soror.* distinguit, fueritne tempore conventionis malum nomen, an verò postea debitor non solvendo esse ceperit, ut de priori casu *d. §. si mulier. 2.* de posteriori *d. §. soror* loquatur. Sed hujus distinctionis neque in *§. soror*, neque in aliis legibus ulla fit mentio, & repugnat ea directò Jurisconsultorum responsis, quæ docent cedentem non teneri præstare debitorem locupletem esse, vel aliquid exigi posse, *d. l. 74. ff. de evict. cum similib.*

20. Respondeo igitur apud Ulpianum *in d. §. si mulier.* periculum nominis ad mulierem non spectare propter dolum delegantis; dicitur enim decepta fuisse: at dolum quilibet cedens præstare debet, *d. l. 74. in fin.* Non igitur ibi quicquam speciale in dote. Neque distinguendum arbitror, sciens, an ignorans cessionem receperit. Imputet enim sibi cur nomen ut idoneum recipiendo approbaverit, *argumento l. 2. §. item queritur 11. ff. de separat. l. 3. ff. de fidejuss.* Leges enim in contrahentibus curiositatem quandoque desiderant.

21. Quan-

21. Quandoque tamen periculum nominis ad cedentem spectet. Nam si marito nomen in dotem datum sit, non ejus periculo nomen erit, sed mulieris, *l. Mavia 48. ff. solut. matrim. l. vir ab eo 49. ff. de jur. dot.* quoniam maritus, qui dotem simpliciter accipit, non censetur illud sequi, aut idoneum approbare, sed tale, quale est, ipsius mulieris periculo, in cujus etiam dominio dos remanet, licet sit in bonis mariti, *l. quamvis 75. ff. de iur. dot.*

22. Si tamen maritus dolo vel culpâ nomen in dotem datum exigere neglexerit, & postea debitor solvendo esse desierit, ipse de suo reddet pecuniam mulieri soluto matrimonio, *d. l. Mavia. & d. l. vir ab eo. Octavianus Cacheranus decis. 62. num. 12.*

23. Idem erit, si nomen per delegationem expromissionemve cessum acceperit, *l. promittendo 41. §. si à debitore. l. cum vir 53. ff. de iur. dot. Ant. Faber lib. 12. conject. cap. 8.* aut debitori etiam socero actionem remiserit, *l. penult. §. si vir ff. solut. matrim.* Verum non nocet marito, quod à socero dotem promissam exigere distulerit.

24. Quod secus in herede soceri obtinet, quem maritus, si extra periculum esse velit, maturè convenire tenetur, *l. ob res 20. §. ult. ff. de pact. dotal. Nicolaus Boerius decis. 329.*

25. Denique generale hoc est, quoties actio transfertur interveniente delegatione, periculum omnino ad accipientem spectat. Ipso enim Jure delegatio liberat, & solutionis vicem obtinet, *l. qui libertinus 37. §. sed si 4. ff. de oper. libert.* Itaque nihil cedenti vel de-

leganti nocet, quod solvendo non sit is, qui delegatus est. Bonum enim nomen creditor accepisse videtur, qui admittit, seu recipit debitorem delegatum, eoque contentus est, *l. inter 26. §. abesse 2. ff. Mand. l. 3. §. qui debitorem 18. ff. de fidejuss.* Nili debitor meus periculo suo debitorem suum mihi delegaverit, ut cum id quod tu mihi debebas, à debitore tuo stipulatus sum tuo periculo, *l. si mandatu. 45. §. pen. ff. Mandat.* nec enim propterea pecuniæ, quæ à delegato servari non potest, exactionem amittit. De hac re, quid alii sentiant, qui scire volet, consulat Cacheranum, *d. decis. 62.* Garfiam Mastrillum, *decis. 179. num. 15. 16. 17. 18. & Antonium Fabrum lib. 12. conject. cap. 7.*

CAPVT X.

An in causa reconventionis cedentem cessionarius defendere cogatur? Et vice versa conventionis compensationem nominis cessi opponere possit?

SUMMARIUM.

Cessionarius si utile officium experiatur, non cogitur dominum seu cedentem defendere 1. Cessio facta sit in fraudem debitoris 2. De rebus vero intentatur cedentis nomine reconveniri potest, si nulla necessitate cogente cessio facta sit 3. Senus si ex necessitate procurator in rem suam sit factus 4. Quando autem procurator ex necessitate constitutus intelligatur, exponitur num. 5. Objectiones ex l. si quis 34. D. de procurat. proponitur 6. Ad quam rem
fita

posita Dollorum solutione distinguendum utrum ex causa onerosa an lucrativa cessio facta sit num. 7. Et recepta lectione d. l. 35. contra Aut. Fabricum asserta 8. Ex Douelli & aliorum sententia rectius respondetur 9. Altera obiectio desinitur ex l. pater 70. D. de procurat. num. 10. Cujas solutio subicitur 11. Procurator in rem suam vice mutua conventus compensationem nominis sibi cessi obijcere potest 12. Sensus l. in rem 18. D. de compens. rejecta sententia Duarenii cum Cujacio commodius explicatur 13.

AD effectum cessionis plenius cognoscendum, illud quoque inquirendum nobis est, & paulo latius discutiendum,

1. An cessionarius cedentem in causa reconventionis defendere cogatur, si fortè debitor à cessionario conventus in eodem judicio vicissim aliquid, tanquam sibi à cedente debitum petere velit? Adhibenda hic est distinctio (cujus usus in hac materia frequens est, & cujus beneficio multa loca in speciem dissidentia conciliantur) inter utiles & directas actiones.

2. Quando cessionarius utilibus actionibus experitur, non agit ex persona domini ut procurator, sed propriis actionibus suo nomine ut legatarius, vel donatarius, vel emptor; ideoque non cogitur dominum defendere; nisi facta fuerit cessio in fraudem eorum, qui invicem agere vellent, l. si quis in rem. 34. ff. de procurat. hoc est, nisi in hunc finem quis cesserit actione, ne debitor, contra quem ceditur actio, mutuum petitionem haberet.

3. At quando cessionarius ut procurator in rem suam directas actiones exercet; alia rursus distinctio adhiberi debet; utrum nempe cessio ex causa neces-

saria, an verò nulla necessitate cogente facta sit. Hoc casu procurator in rem suam cogitur dominum defendere, *l. servum. 33. in fin. ff. de procurat.* Equum enim Prætori visum est, cum, qui alicujus nomine ut procurator experitur, ejusdem etiam defensionem suscipere, *d. l. 33. §. penult.* ac proinde imputare sibi debet, quod mandatis actionibus, alienoque nomine sit expertus, cum ex propria persona, proprioque nomine, si voluisset, agere potuisset.

4. Ei verò, qui ex necessitate procurator in rem suam est factus, non nocet, quod directa actione & alieno nomine experitur, neque tenetur dominum, si ex ejus persona reconveniat, defendere, *d. l. 33. in fin.* Novum enim non est, ut subveniatur hominibus in iis rebus, quas necesse habuerint facere, in quibus non subveniretur, si eas sponte nulla necessitate cogente suscepissent, *l. si fidejussor. 7. §. 1. l. de die 8. §. tutor. 4. ff. Qui satisf. cogant. l. cum reus 14. ff. de fidejuss. l. 3. ff. de separat. bonor.*

5. Ex necessitate autem procurator constituitur vel in Judicio vel extra Judicium. In Judicio, ut si cui alienę actiones à Judice in Judicio familiæ erciscundę adjudicatę fuerint, *l. 3. ff. Famil. ercisc.* Extra Judicium, cum quis necessitate rei familiaris cogente actiones sibi mandatas accipit, quibus scilicet non acceptis, futurum sit, ut aliquid de suo amittat, aut certè in periculum amittendę rei suę veniat. Cujus necessarię cessionis exempla complura supra cap. 6. commemoravimus.

6. Verùm huic distinctioni repugnare videtur Gajus,

ius, in l. si quis in rem. 34. ff. de procurat. dum docet, emptorem hereditatis, si in rem suam procuratorio nomine agat, non cogi venditorem invicem defendere; cum tamen ex eo loco non appareat, ex ulla necessitate emptori mandatas esse actiones.

7. Hunc scrupulum ut tollant Doctores, distinguunt inter causam lucrativam & onerosam, ac volunt procuratorem in rem suam ex causa lucrativa teneri dominum defendere, quod æquum sit, ut qui commodum sentit, sentiat & incommodum, l. secundum naturam. 20. D. de Reg. Jur. & qui beneficio est adfectus ab aliquo, eum quoque defendat: ideoque de procuratore in rem suam facto ex causa lucrativa accipiunt regulam propositam ab Ulpiano, in d. l. servum 33. in fin. Responsum verò Gaij in d. l. si quis 24. de procuratore facto ex causa onerosa. Celebrem hanc Doctorum distinctionem haud injuriâ improbat Ant. Faber lib. 12. conject. cap. 10. duabus inprimis rationibus motus: tum quia per hanc distinctionem nimium restringeretur regula generalis ab Ulpiano tradita, in d. l. servum 33. in fin. his verbis, Si quis in rem suam procurator interveniat, adhuc erit dicendum, debere eum defendere, quibus nulla sit causæ lucrativæ mentio: tum quia hæc exceptio regulæ subiecta, nisi fortè ex necessitate fuerit factus, non convenit procuratori ex causa lucrativa mandatam actionem habenti. Et hæc quidem rectè à Fabro dicuntur.

8. Illud verò malè, quod destitutus alia ratione sè ex hac difficultate expediendi, ad solitum correctionis asylum confugit & scripturam Gaij in d. l. si quis 34. vitiolans

vitiōsam arguens, pro *Procuratorio* reponit *proprio*, ut sit sensus, quod si procurator in rem suam non procuratoriō, sed proprio nomine utilibus actionibus agat, non cogi cum dominum defendere. Quæ quidem sententia per se vera est, ut jam antè ostendimus; sed cum omnes Codices habeant *Procuratorio* non *proprio*, & desperatis duntaxat locis extrema illa emendationum, quasi cauteriorum, remedia & quàm rarissimè fieri potest, adhibenda sint, religio mihi est à recepta lectione recedere; Eam verò sartam testam conservatam cum Donello & alijs intelligendam existimo de eo casu, quo ex necessitate rei familiaris mandatæ sunt actiones.

9. Cùm enim in proximè præcedente lege dictum fuisset, procuratorem in rem suam teneri defendere, *nisi ex necessitate factus sit*: hujus exceptionis exemplum statim in lege sequente subjicitur in emptore hereditatis, qui hereditarias actiones sibi mandatæ exercens non cogitur venditorem defendere. Et meritò hic emptor in eorum numero habetur, quibus ex necessitate mandantur actiones: quamvis enim hereditatem sua voluntate emerit, nulla necessitate rei familiaris cogente, cùm poterit sine detrimento rei suæ non emere; tamen postquam emit, transit res in necessitatem nominum exigendorum, quæ in hereditate reperiuntur, nisi velit eorum commodum & unâ cum hoc etiam pretium hereditatis maxima ex parte in actionibus fortè consistentis, sibi perire. Undè rectè dicitur, hereditatem sponte & voluntate emptam, actiones verò ex necessitate esse mandatæ. Sed hæc ita sibi

sibi placere, inquit Gajus, si bona fide & non in fraudem eorum, qui invicem agere vellent, inter emptorem & venditorem hereditatis, negotium gestum sit. Nam si eo fortè consilio hereditas vendita sit Titio fraudis conscio, ut debitores hereditarii, iidemque cedentis creditores utrinque eluderentur, id est, neque ab emptore conventi per mutuam petitionem aliquid exigere possent, eò quod emptor non cogatur dominum defendere, neque à venditore fortè absente vel non solvendo existente, quicquam consequi; hoc sanè casu ne alteri per alterum injuria inferatur, æquum est, ut emptor venditorem defendere & mutuas petitiones creditorum suscipere cogatur.

10. Præterea superiori nostræ distinctioni Scævola. in *l. pater 70. ff. de procurat.* obloqui videtur in tali ab ipso proposito specie; Pater Sempronium creditorem suum filio suo impuberi testamento tutorem dedit (Jure enim veteri creditor pupillo tutor dari poterat, *d. l. pater 70. l. cum in eo 44. D. de pact. l. creditorem 8. C. Qui dari tut. l. neque 7. C. de excus. tut.* secus Jure novo *Novell. 72.*) qui administratâ finitaque tutela è vita decessit, Marvio fratre suo herede scripto, qui & ipse postea defunctus est, & nomen pupilli, id est, creditum, quo pupillus ipsi obnoxius fuit jure hereditario, ab heredibus Titio per fideicommissum reliquit: cui fideicommissum ut heredes satisfacerent, mandarunt Titio actionem pecuniæ creditæ adversus pupillum tanquam heredem sui patris, ejusdemque debitoris hereditarii. Hic Titius factus est ex necessitate procurator in rem suam, quia propter vim fideicom-

missi cogebantur heredes ei actione cedere contra pupillum, & tamen si Titius heredum nomine experiri velit, non aliter mandata (sic enim legendum, non *Mandati*) actio ei datur, quàm si defensionem heredum, quos pupillus tutelæ judicio habebat obligatos, in se suscipiat.

11. Hæc objectio variis modis dilui potest. Nam primò, heredes non mandarunt Titio actionem ex necessitate rei familiaris; sed ex necessitate Juris extraordinarii, id est, ex causa fideicommissi. Quæ diversa necessitatis genera non sunt permiscenda. Deindè non tam spectanda est heredum, qui revera Titio cogebantur cedere, quàm defuncti persona, qui suâ sponte, liberè, ac nulla necessitate cogente per fideicommissum Titio nomen reliquit. Natura enim fideicommissi & legati hæc est, ut quamvis præstetur ab herede; tamen videatur potius dari à defuncto, quàm ab herede, quia defunctus est prima, præcipua & verissima causa legati & fideicommissi. Præterea Titius sui contemplatione dici non potest ex necessitate rei familiaris factus procurator in rem suam: Nomen enim seu actionem habet ex causa lucrativa, nempe fideicommissi, neque necesse ei fuit collatam in se liberalitatem agnoscere. Denique responsum Scævola speciali quoque hac ratione nititur, quod tam tutelæ, quam pecuniæ creditæ actio ex hereditate Sempronii descendat: reconventio autem sive mutua petitio ex eadem causa & origine facilius admittitur, *l. actione* 23. *D. Depositi. l. cum Papinianus* 14. *C. de sent. & interloc. omn. judic.*

12. Illud

12. Illud postremò notandum est, quod procurator in rem suam, qui vice mutua convenitur, opponere possit compensationem ejus debiti, quod in se per cessionem translatum est, *l. in rem. 18. D. de compensat.* Indè verò, quod Papinianus *in d. l. 18.* docet procuratorem in rem suam, si vice mutua conveniatur post litem contestatam compensatione uti posse, nonnulli à contrario sensu colligunt, eum ante litem contestatam non posse compensare, rationem differentię adferentes, quod post litem contestatam fiat dominus litis ac rei in litem deductę. Sed absona mihi semper visa est hæc opinio. Cum enim procurator in rem suam, utilem actionem suo nomine habeat, *l. 1. C. de oblig. & act. d. l. procuratorem. 55. D. de procurat.* quę ante litem contestatam revocari non potest, *l. quę omnia. 25. §. ult. D. de procurat.* & ante litem contestatam alium procuratorem ad agendum facere possit, æquè ac principalis creditor, Præterea actionem, si ante litem contestatam moriatur, ad heredem transmittat, *l. illam. 37. C. de donat.* Quid prohibet, quominus & possit compensare, quamvis lite necdum contestata?

13. Franciscus Duarenus existimat Papinianum idè dixisse, procuratorem in rem suam datum post litem contestatam compensatione uti posse; quod de hoc casu, quo lis erat contestata, fuisset consultus, ideoque ad speciem sibi propositam responsum accommodasse. Est enim hic locus desumptus ex libro tertio responsorum Papiniani. Sed mihi cum Jacobo Cujacio *lib. 24. obs. cap. 37.* Jureconsultus de casu magis dubio respondisse videtur. Dubitari enim poterat, an etiam

id, quod jam petitum est in Iudicio, post litem contestatam possit compensari, dimissa priore petitione: at videbatur super id, quod in Iudicium est deductum, pronunciandum esse, ideoque illud compensationem non admittere. Sed placuit etiam illud in compensationem deduci posse; quia iniquum est eum, qui diligentior est (qualis est, qui prior litem est contestatus) deterioris esse conditionis *l. in compensationem. §. D. de compensat.* Huc facit regula, litis contestatione non deteriore, sed plerumque meliorem fieri actoris conditionem *l. non solet. D. de Reg. Iur. l. 2. C. de annal. except. ubi, sed sit aliqua inter desides & vigilantes differentia.*

CAPVT. XI.

Explicantur Constitutiones Anastasii & Iustiniani in l. penult. & ult. C. Mandati, quibus exactio cesse mandat & actionis ad quantitatem pretij à cessionario soluti exigitur?

S U M M A R I A.

Ea, quæ cessionario opponi possunt, sive solummodo vel

<i> { à persona { ab ipsa actione non. { à tempore cessionis non. { à forma modo ac titulo cessionis, non. </i>	{	<i>Cedentis l.</i>
		<i>Cessionarij. 2.</i>
		<i>3.</i>
		<i>4.</i>

Qaa

Quæ omnia superioribus capitulis sunt explicata. Nunc summario proponuntur ea, quæ in sequentibus capitulis tractabuntur. 6. Explicatur 1. per diversas. C. Mandas. quæ emptio nemini inter limites pretij soluti & usurarum ejus restringitur 7. 8. Sed in pretio expensas quoque computandas monet Bartolus 9. Superflua verò petitis priora creditora non conceditur, sed totum id cedit lucro debitoris 10. Neque sufficit promississe pretium, nisi simul etiam solutum sit 11. Eiusq. quantitas extraneis testibus probetur 12. Vel habita sit fides de pretio 13. Si tamen pendente lite cessionarius solverit, præcedens judicium confirmatur 14. Verum si pretium solum à cessionario mox recipiatur, actionem parare putat Bartolus 15. Locum quoque habet Constitutio Anastasij in hereditate vendita ex quorundam sententia 16. Quæ displicet Baldo & Saliceto 17. Et à Bartolo distinctione conelicitur 18. Quatuor species prædictæ Constitutionis exceptæ enarrantur 19. 20. 21. 22. Idem in similibus, quod in expressis speciebus obtinere debet 23. Constitutioni quoque non est locus in actione per subastationem vendita 24. Neque in actionibus indubitatis 25. Imò ne tunc quidem locum habere videtur, quando cessio nominis absque pretij interdictu facta est 26. 27. Contraria tamen sententia verior est 28. Cessio ex mera liberalitate facta in totum valet 29. Anastasiane Constitutioni subvenit Iustiniane 30. Exceptiones à Iustiniane 31. 32.

HActenus de effectibus cessionis: Nunc instituti ordinis ratio postulat, ut ad ea, quæ cessæ, mandate actionis effectus aliquo modo impediunt, procedamus. Possunt & ex præcedentibus multa delumi ad cessas actiones ipso Jure evertendas, vel per exceptionem elidendas:

1. Nempe, vel à persona cedentium, ut si dicantur furiosi, surdi muti, pupilli, minores &c. de quibus supra cap. 3.

2. Vel à persona eorum, in quos actio translata est,

priori creditori concedant, ut videre est apud Antonium Gabrielium Romanum, *lib. 2. commun. opinion. tit. de action. conc. 5. num. 1.* verior tamen est doctrina Cyni, creditori istius superflui petitionem denegantis. Si enim emptori actionis id, quod solvit, venditori verò id quod superest, petere liceat, quodnam beneficium lex illa *per diversas* attulerit debitoribus? Cum tamen Anastasius illius conditor Debitoribus se prospicere dicat, & Justinianus illius Constitutionem tam humanitatis, quam benevolentiae plenam scribat *leg. seq.* Fateamur ergò necesse est, illud superfluum cedere lucro debitoris, ut Imperator Justinianus satis aperte declarat *in l. ult. C. Mand.* Cum enim ea Constitutio sit edita ad interpretationem legis Anastasiane meritò quod ibi definitum est, ad hujus quoque legis explicationem trahi debet. Atque hanc sententiam antiquiorum nonnulli probarunt, ut memorat Spectulator, *tit. de cession. action. §. 1.* quam & legum ipsarum rationi & rerum simul utilitati consonantem magis esse pro aris & focis se contendere inquit Joh. Parladorius *lib. 2. rerum quotid. cap. fin. part. 3. §. 4. num. 12.*

11. Illud notandum, quod Anastasius *in d. l. per diversas.* cessionem valere dicit, ad quantitatem non promissam, sed, solutarum pecuniarum: cui convenit, quod Justinianus ait *in d. l. ult. §. 1.* eum, cui actio cessa est, pecunia data, nihil amplius accipere, quam ipse vero contractu re ipsa persolvit.

12. Re ipsa ergò quantitatem, de qua convenit, solutam esse oportet, ut ad ejus limites valeat cessio: ac proinde cessionarius aliis testibus vel argumentis & conje-

conjecturis probare cogitur, quantum processa actione dederit, non sufficiente confessione cedentis, si is tanquam testis productus fateatur sibi persolutam esse pecuniam: ita enim fateri posset in fraudem hujus constitutionis, ita tradunt Doctores ad d. l. per diversas, ibidem Bart. num. 12. Rodericus Suarez allegat. 19. num. 2. Iohan. Parladorius d. §. 4. num. 13. & 14. & allegati ab Alexandro Trentacinq. lib. 2. variar. resolut. tit. de actionib. resolut. 2. num. 4. Quoties enim actus aliquis prohibitus aut suspectus est, five ratione personarum, five ex qualitate negotii, quod tractatur, confessio sola contrahentis non sufficit ad probationem, ne alioquin facile fraus fiat legi, quod ne fiat diligenter cavendum est, argumento l. qui testamentum. 27. D. de probat. Sanè si inter cedentem & eum, cui actio cessã est, sit controversia, sola cedentis confessio fidem faciet, ipsique nocebit, l. cum de indebito. 25. D. de probat. t. generaliter. 13. C. de non num. pecun. atque ita sæpius se cum aliis consuluisse ait Bartolus in d. l. per diversas. n. 12.

13. Sed quod dixi non valere cessionem, nisi probeatur vera pretii numeratio, locum non habet, si fidem de pretio habitam esse ex solenni obligationis instrumento, aliisque idoneis probationibus appareat; quia solent ista plerumque esse similia, solutum esse pretium, & fidem habitam de pretio, l. quod vendidi. 19. D. de contrah. empt. §. vendita. 41. Instit. de rer. divis. l. satisfactio. 52. D. de solut. Dd. ad d. l. per diversas. & l. seq. Jacob. Menoch. lib. 3. præsumpt. 129. num. 24.

14. Præterea si prius actum sit, & pendente jam illic solutum fuerit pretium, placet ex solutione quan-

Q

saria, an verò nulla necessitate cogente facta sit. Hoc casu procurator in rem suam cogitur dominum defendere, *l. servum. 33. in fin. ff. de procurat.* Equum enim Prætori visum est, eum, qui alicujus nomine ut procurator experitur, ejusdem etiam defensionem suscipere, *d. l. 33. §. penult.* ac proinde imputare sibi debet, quod mandatis actionibus, alienoque nomine sit expertus, cum ex propria persona, proprioque nomine, si voluisset, agere potuisset.

4. Ei verò, qui ex necessitate procurator in rem suam est factus, non nocet, quod directa actione & alieno nomine experitur, neque tenetur dominum, si ex ejus persona reconveniat, defendere, *d. l. 33. in fin.* Novum enim non est, ut subveniatur hominibus in iis rebus, quas necesse habuerint facere, in quibus non subveniretur, si eas sponte nulla necessitate cogente suscepissent, *l. si fidejussor. 7. §. 1. l. de die 8. §. tutor. 4. ff. Qui satisd. cogant. l. cum reus 14. ff. de fidejuss. l. 3. ff. de separat. bonor.*

5. Ex necessitate autem procurator constituitur vel in Judicio vel extra Judicium. In Judicio, ut si cui alienę actiones à Judice in Judicio familiæ erciscundę adjudicatę fuerint, *l. 3. ff. Famil. ercisc.* Extra Judicium, cum quis necessitate rei familiaris cogente actiones sibi mandatas accipit, quibus scilicet non acceptis, futurum sit, ut aliquid de suo amittat, aut certè in periculum amittendę rei suę veniat. Cujus necessarię cessionis exempla complura supra cap. 6. commemoravimus.

6. Verum huic distinctioni repugnare videtur Gajus,

jus, in l. si quis in rem. 34. ff. de procurat. dum docet, emptorem hereditatis, si in rem suam procuratorio nomine agat, non cogi venditorem invicem defendere; cum tamen ex eo loco non appareat, ex ulla necessitate emptori mandatas esse actiones.

7. Hunc scrupulum ut tollant Doctores, distinguunt inter causam lucrativam & onerosam, ac volunt procuratorem in rem suam ex causa lucrativa teneri dominum defendere, quod æquum sit, ut qui commodum sentit, sentiat & incommodum, *l. secundum naturam. 10. D. de Reg. Jur.* & qui beneficio est adfectus ab aliquo, eum quoque defendat: ideoque de procuratore in rem suam facto ex causa lucrativa accipiunt regulam propositam ab Ulpiano, *in d. l. servum 33. in fin.* Responsum verò Gaij *in d. l. si quis 24. de procuratore facto ex causa onerosa.* Celebrem hanc Doctorum distinctionem haud injuriâ improbat Ant. Faber *lib. 12. conject. cap. 10.* duabus inprimis rationibus motus: tum quia per hanc distinctionem nimium restringeretur regula generalis ab Ulpiano tradita, *in d. l. servum 33. in fin.* his verbis, *Si quis in rem suam procurator interveniat, adhuc erit dicendum, debere eum defendere,* quibus nulla sit causæ lucrativæ mentio: tum quia hæc exceptio regulæ subjecta, *nisi fortè ex necessitate fuerit factus,* non convenit procuratori ex causa lucrativa mandatam actionem habenti. Et hæc quidem rectè à Fabro dicuntur.

8. Illud verò malè, quod destitutus alia ratione se ex hac difficultate expediendi, ad solitum correctionis asylum confugit & scripturam Gaij *in d. l. si quis 34. vitiosam*

vitiosam arguens, pro *Procuratorio* reponit *proprio*, ut sit sensus, quod si procurator in rem suam non procuratoriò, sed proprio nomine utilibus actionibus agat, non cogi cum dominum defendere. Quæ quidem sententia per se vera est, ut jam antè ostendimus; sed cum omnes Codices habeant *Procuratorio* non *proprio*, & desperatis duntaxat locis extrema illa emendationum, quasi cauteriorum, remedia & quàm rarissimè fieri potest, adhibenda sint, religio mihi est à recepta lectione recedere; Eam verò fartam testam conservatam cum Donello & alijs intelligendam existimo de eo casu, quo ex necessitate rei familiaris mandatæ fung actiones.

9. Cùm enim in proximè præcedente lege dictum fuisset, procuratorem in rem suam teneri defendere, *nisi ex necessitate factus sit*: hujus exceptionis exemplum statim in lege sequente subjicitur in emptore hereditatis, qui hereditarias actiones sibi mandatas exercens non cogitur venditorem defendere. Et meritò hic emptor in eorum numero habetur, quibus ex necessitate mandantur actiones: quamvis enim hereditatem sua voluntate emerit, nulla necessitate rei familiaris cogente, cùm poterit sine detrimento rei suæ non emere; tamen postquam emit, transit res in necessitatem nominum exigendorum, quæ in hereditate reperiuntur, nisi velit eorum comòdum & unà cum hoc etiam pretium hereditatis maxima ex parte in actionibus fortè consistentis, sibi perire. Undè rectè dicitur, hereditatem sponte & voluntate emptam, actiones verò ex necessitate esse mandatas. Sed hæc ita sibi

sibi placere, inquit Gajus, si bona fide & non in fraudem eorum, qui invicem agere vellent, inter emptorem & venditorem hereditatis, negotium gestum sit. Nam si eo fortè consilio hereditas vendita sit Titio fraudis consilio, ut debitores hereditarii, iidemque cedentis creditores utrinque eluderentur, id est, neq; ab emptore conventi per mutuam petitionem aliquid exigere possent, eò quod emptor non cogatur dominum defendere, neque à venditore fortè absente vel non solvendo existente, quicquam consequi; hoc sanè casu ne alteri per alterum injuria inferatur, æquum est, ut emptor venditorem defendere & mutuas petitiones creditorum suscipere cogatur.

10. Præterea superiori nostræ distinctioni Scævola in l. pater 70. ff. de procurat. obloqui videtur in tali ab ipso proposito specie; Pater Sempronium creditorem suum filio suo impuberi testamento tutorem dedit (Jure enim veteri creditor pupillo tutor dari poterat, d. l. pater 70. l. cum in eo 44. D. de pact. l. creditorem 8. C. Qui dari tut. l. neque 7. C. de excus. tut. secus Jure novo Novell. 72.) qui administratâ finitâque tutela è vita decessit, Marvio fratre suo herede scripto, qui & ipse postea defunctus est, & nomen pupilli, id est, creditum, quo pupillus ipsi obnoxius fuit jure hereditario, ab heredibus Titio per fideicommissum reliquit; cui fideicommissio ut heredes satisfacerent, mandaverunt Titio actionem pecuniæ creditæ adversus pupillum tanquam heredem sui patris, ejusdemque debitoris hereditarii. Hic Titius factus est ex necessitate procurator in rem suam, quia propter vim fideicom-

missi cogebantur heredes ei actione cedere contra pupillum, & tamen si Titius heredum nomine experiri velit, non aliter mandata (sic enim legendum, non *Mandati*) actio ei datur, quàm si defensionem heredum, quos pupillus tutelæ iudicio habebat obligatos, in se sulcipiat.

II. Hæc objectio variis modis dilui potest. Nam primò, heredes non mandarunt Titio actionem ex necessitate rei familiaris; sed ex necessitate Juris extraordinarii, id est, ex causa fideicommissi. Quæ diversa necessitatis genera non sunt permiscenda. Deindè non tam spectanda est heredum, qui revera Titio cogebantur cedere, quàm defuncti persona, qui sua sponte, liberè, ac nulla necessitate cogente per fideicommissum Titio nomen reliquit. Natura enim fideicommissi & legati hæc est, ut quamvis præstetur ab herede; tamen videatur potius dari à defuncto, quàm ab herede, quia defunctus est prima, præcipua & verissima causa legati & fideicommissi. Præterea Titius sui contemplatione dici non potest ex necessitate rei familiaris factus procurator in rem suam: Nomen enim seu actionem habet ex causa lucrativa, nempe fideicommissi, neque necesse ei fuit collatam in se liberalitatem agnoscere. Denique responsum Scævola speciali quoque hac ratione nititur, quod tam tutelæ, quam pecuniæ creditæ actio ex hereditate Sempronii descendat: reconventio autem sive mutua petitio ex eadem causa & origine facilius admittitur, *l. actione*, 23. *D. Depositi. l. cum Papinianus* 14, *C. de sent. & inter. loc. omn. judic.*

12. Illud

12. Illud postremò notandum est, quod procurator in rem suam, qui vice mutua convenitur, opponere, possit compensationem ejus debiti, quod in se per cessionem translatum est, *l. in rem. 18. D. de compensat.* Indè verò, quod Papinianus *in d. l. 18.* docet procuratorem in rem suam, si vice mutua conveniatur post litem contestatam compensatione uti posse, nonnulli à contrario sensu colligunt, eum ante litem contestatam non posse compensare, rationem differentiae adferentes, quod post litem contestatam fiat dominus litis ac rei in litem deductæ. Sed absona mihi semper visa est hæc opinio. Cum enim procurator in rem suam, utilem actionem suo nomine habeat, *l. 1. C. de oblig. & act. d. l. procuratorem. 55. D. de procurat.* quæ ante litem contestatam revocari non potest, *l. qua omnia. 25. §. ult. D. de procurat.* & ante litem contestatam alium procuratorem ad agendum facere possit, æquè ac principalis creditor; Præterea actionem, si ante litem contestatam moriatur, ad heredem transmittat, *l. illam. 33. C. de donat.* Quid prohibet, quominus & possit compensare, quamvis lite necdum contestata?

13. Franciscus Duarenus existimat Papinianum idè dixisse, procuratorem in rem suam datum post litem contestatam compensatione uti posse; quod de hoc casu, quo lis erat contestata, fuisset consultus, ideoque ad speciem sibi propositam responsum accommodasse. Est enim hic locus desumptus ex libro tertio responsorum Papiniani. Sed mihi cum Jacobo Cujacio *lib. 24. obs. 37.* Jureconsultus de casu magis dubio respondisse videtur. Dubitari enim poterat, an etiam

id, quod jam petitum est in Iudicio, post litem contestatam possit compensari, dimissa priore petitione: ac videbatur super id, quod in Iudicium est deductum, pronunciandum esse, ideoque illud compensationem non admittere. Sed placuit etiam illud in compensationem deduci posse; quia iniquum est eum, qui diligentior est (qualis est, qui prior litem est contestatus) deterioris esse conditionis *l. in compensationem. §. D. de compensat.* Huc facit regula, litis contestatione non deteriore, sed plerumque meliorem fieri actoris conditionem *l. non solet. D. de Reg. Iur. l. 2. C. de annal. except. ibi, sed sit aliqua inter desides & vigilantes differentia.*

CAPVT. XI.

Explicantur Constitutiones Anastasii & Iustiniani in l. penult. & ult. C. Mandati, quibus exactio cesse mandat et actionis ad quantitatem pretij à cessionario soluti exigitur?

SUMMARI A.

Ea, quæ cessionario opponi possunt, sumuntur vel	{	à persona	{	Cedenti 1.
				Cessionario 2.
		ab ipsa actione non.	3.	
		à tempore cessionis non.	4.	
		à forma modo ac titulo cessionis, non.	5.	

Qaa

Quæ omnia superioribus capitulis sunt explicata. Nunc summario proponuntur ea, quæ in sequentibus capitulis tractabuntur. *6.* Explicatur 1. per diversas. *C. Mandat.* quod emptio nemini infra limites pretij solati & usurarum eius restringitur *7. 8.* Sed in pretio expensas quoque computandas monet Bartolus *9.* Superflui vero petitis priora creditorum non conceditur, sed totum id cedit lucro debitoris *10.* Neque sufficit promississe pretium, nisi simul etiam solutum sit *11.* Eiusque quantitas extraneis testibus probetur *12.* Vel habita sit fides de pretio *13.* Si tamen pendente lite cessionario solverit, præcedens iudicium confirmatur *14.* Verum si pretium solutum à cessionario mox recipiatur, actionem perire putat Bartolus *15.* Locum quoque habet Constitutio Anastasii in hereditate vendita ex quorundam sententia *16.* Quæ displicet Baldo & Saliceto *17.* Et à Bartolo distinctior conceditur *18.* Quatuor species prædictæ Constitutionis exceptæ quarantur *19. 20. 21. 22.* Idem in similibus, quod in expressis speciebus obtinere debet *23.* Constitutioni quoque non, est locus in actione per subhastationem vendita *24.* Neque in actionibus indubitatis *25.* Imò ne tunc quidem locum habere videtur, quando cessio iuvinis absque pretij interdictu facta est *26. 27.* Contraria tamen sententia verior est *28.* Cessio ex mera liberalitate facta in totum valet *29.* Anastasiane Constitutioni subiacent Iustinianeæ *30.* Exceptiones à Iustinianeæ *31. 32.*

HActenus de effectibus cessionis; Nunc instituti ordinis ratio postulat, ut ad ea, quæ cessæ, mandare actionis effectus aliquo modo impediunt, procedamus. Possunt & ex præcedentibus multa desumi ad cessas actiones ipso Jure evertendas, vel per exceptionem elidendas:

1. Nempe, vel à persona cedentium, ut si dicantur furiosi, surdi, muti, pupilli, minores &c. de quibus supra cap. 3.
2. Vel à persona eorum, in quos actio translata est,

ut si dicatur cessa potentioribus, sub pactione quotæ litis; Tutori vel Curatori in pupillum minoremve; A non privilegiato in privilegiatum, de quibus supra cap. 4.

3. Vel ab ipsa actione cessa, ut si sit actio popularis, criminalis, injuriarum, litigiosa, de quibus supra cap. 5.

4. Vel à tempore cessionis, ut si dicatur actio cessa eo tempore, quo cedenti nulla amplius supererat sublata jam ante per solutionem &c. vide supra cap. 7.

5. Vel à forma & modo cessionis, quod scilicet cessio non ex justa causa sit facta, vel quod ea causa, ex qua actio cessa perhibetur, non sit vera, sed ficta & simulata, vel quod in cessione non sit adhibita sollemnitas à lege vel statuto requisita supra cap. 2. Sed de his jam ante suis locis satis superque actum fuit.

6. Reliquum est, ut in sequentibus has quatuor quaestiones totidem capitibus examinemus. Primò quibus casibus locum habeat Constitutio Anastasiana *in l. per diversas. penult. C. Mandati.* quæ ultra soluti pretii quantitatem quicquam à cessionario exigere prohibet? Deinde, an & quando cedens cessionarium in exercenda actione cessa impedire possit? Tertiò, an exceptiones, quæ obstant cedenti, etiam cessionario rectè obijciantur? Quartò, an actio ex cessione translata tam cedentis, quam cessionarii morte finiat? Quibus singulis ordine pertractatis, summam operi manum imponemus.

7. Quod attinet ad quaestionem primò propositam. Certum est cessionarium olim potuisse in solidum cessum nomen, quantocunque pretio emisset, exigere.

Verum

Verum cum cessionibus non tantum ad vexandos litigios reos creditores abuterentur; sed ipsi quoque creditores propositâ. litium incertitudine, perplexitate, adversarii potentiâ, aliisque difficultatibus perculsi ac de eventu solliciti, ad qualemcunque actionis venditionem exiguo pretio perducerentur ab iis, qui alienis bonis fortunisque inhiantes hujusmodi cessiones amiciebant; quos Juris Auctores ob id redemptores causarum seu litium, vitiligitatores, interceptores, ac quadruplatores indigetare & tanquam inciviles ac malorum artium artifices meritò inceslere solent, *vide Alexandrum ab Alexandro lib. 4. Genial. dierum. cap. 15.* Idcirco Imperator Anastasius ut hujusmodi hominum malitiis obviam irer ac spem lucri iniquissimis hominibus præcideret, Constitutione sua in *l. per diversas. 22. C. Mandati.* venditionem actionis ita coarctavit, ut hædiè in emptorem non amplioris summx exactio transferatur, quàm efficit soluti pretii quantitas & usurarum ejus.

8. Exempli gratiâ, si quis pretio centum florenorum comparaverit nomen centum & viginti florenorum, non nisi centum cessa actione exigit, & præter illos centum recipiet ejusdem quantitatis usuras.

9. Hoc tamen rectè Bartolus post Accursium *ad d. l. per diversas. num. 6. & 7.* observandum monet, in pretio non tantum computari debere usuras, sed etiam expensas, & laborem, qui in exactione ejus rei necessario fieri debet.

10. Quamvis autem vulgò Doctores petitionem ejus, quod plus est in debito, quam in pretio dato
priori

priori creditori concedant, ut videre est apud Antonium Gabriellum Romanum, *lib. 2. commun. opinion. tit. de action. conc. 5. num. 1.* verior tamen est doctrina Cyni, creditori istius superflui petitionem denegantis. Si enim emptori actionis id, quod solvit, venditori verò id quod superest, petere liceat, quodnam beneficium lex illa *per diversas* attulerit debitoribus? Cum tamen Anastasius illius conditor Debitoribus se prospicere dicat, & Justinianus illius Constitutionem tam humanitatis, quam benevolentix plenam scribat *leg. seq.* Fateamur ergò necessè est, illud superfluum cedere lucro debitoris, ut Imperator Justinianus satis aperte declarat *in l. ult. C. Mand.* Cum enim ea Constitutio sit edita ad interpretationem legis Anastasiane meritò quod ibi definitum est, ad hujus quoque legis explicationem trahi debet. Atque hanc sententiam antiquiorum nonnulli probarunt, ut memorat Spectulátor, *tit. de cession. action. §. 1.* quam & legum ipsarum rationi & rerum simul utilitati consonantem magis esse pro aris & focis se contendere inquit Joh. Parladorius *lib. 2. rerum quotid. cap. fin. part. 3. §. 4. num. 12.*

11. Illud notandum, quod Anastasius *in d. l. per diversas.* cessionem valere dicit, ad quantitatem non promissarum, sed, solutarum pecuniarum: cui convenit, quod Justinianus ait *in d. l. ult. §. 1.* eum, cui actio cessa est, pecunia data, nihil amplius accipere, quam ipse vero contractu re ipsa persolvit.

12. Re ipsa ergò quantitatem, de qua convenit, solutam esse oportet, ut ad ejus limites valeat cessio: ac proinde cessionarius aliis testibus vel argumentis & conje-

conjecturis probare cogitur, quantum pro cessa actione dederit, non sufficiente confessione cedentis, si is tanquam testis productus fateatur sibi per solutam esse pecuniam sita enim fateri posset in fraudem hujus constitutionis, ita tradunt Doctores ad d. l. per diversas, ibidem Bart. num. 12. Rodericus Suarez allegat. 19. num. 2. Iohan. Parladorus d. §. 4. num. 13. & 14. & allegati ab Alexandro Trentacinq. lib. 2. variar. resolut. tit. de actionib. resolut. 2. num. 4. Quoties enim actus aliquis prohibitus aut suspectus est, siue ratione personarum, siue ex qualitate negotii, quod tractatur, confessio sola contrahentis non sufficit ad probationem, ne alioquin facile fraus fiat legi, quod ne fiat diligenter cavendum est, argumento l. qui testamentum. 27. D. de probat. Sanè si inter cedentem & eum, cui actio cessa est, sit controversia, sola cedentis confessio fidem faciet, ipsique nocebit, l. cum de indebito. 25. D. de probat. §. generaliter. 13. C. de non num. pecun. atque ita sæpius se cum aliis consuluisse ait Bartolus in d. l. per diversas. n. 12.

13. Sed quod dixi non valere cessionem, nisi probeatur vera pretii numeratio, locum non habet, si fidem de pretio habitam esse ex solenni obligationis instrumento, aliisque idoneis probationibus appareat; quia solent ista plerumque esse similia, solutum esse pretium, & fidem habitam de pretio, l. quod vendidi. 19. D. de contrah. empt. §. vendita. 41. Instit. de rer. divis. l. satisfactio. 52. D. de solut. Dd. ad d. l. per diversas. & l. seq. Jacob. Menoch. lib. 3. præsumpt. 129. num. 24.

14. Præterea si prius actum sit, & pendente jam lite solutum fuerit pretium, placet ex solutione quan-

Q

ciendos, quantumcunque etiam pretium datum pro hereditate possit videri iustum. Sanè si certo constaret hereditatem esse opulentam minimeq; suspectam, focus dicendum putat Alexander Trentacinq. *d. resolut. 2. de actionib. num. 16.*

18. Bartolus hac distinctione titulum *de hered. & act. vend.* Cum Anastasiana Constitutione conciliandum & difficultatem omnem tollendam putat, ut si is, qui hereditatem vendidit, non possideat, locum habeat dicta Constitutio; est enim venditor Juris & actionis contra alium, & emptor litium alienarum redemptor videri potest. Sin autem possideat, valeat quoque cessio nominum, si quæ fortè sint in hereditate: non enim potest videri redemptor litium, cum non principaliter nomen vel actionem contra alium, sed principaliter ipsam hereditatem emerit, de qua nulla est controversia: Quia ille, qui vendidit heres est & possidet, undè in consequentiam nomina venire possunt, ut infra num. 31. videbimus. Hæc Bartoli opinio æqua sanè & à Juris ratione non aliena videtur.

19. Porro Anastasii Constitutione quatuor species nominatim excipiuntur, quibus facta cessio in totum valet. Prima est, cum coheredes in familia etciscunda sibi invicem cedunt actiones. Hæc enim cessio favore divisionis & ut à communione, discordiarum matre, facilius discedatur, in solidum sustinetur. Pari ratione, inter socios & eos, qui confines agros, aut quamcunque rem communem habent, cessio actionum in solidum admittenda videtur, licet id Anastasianâ Constitutione non sit comprehensum, ut post Bartolum tradit

Q 2

rios seu fideicommissarios, quibus debita vel actiones seu res alix simul relictæ sunt. Ut si defunctus nomen centum aureorum tribus legaverit, & duo portiones suas in tertium transtulerint, valebit in totum hæc cessio, etiamsi tertio illi, exiguo fortè pretio nomen fuerit venditum. Fit enim hæc cessio quodammodo ex necessitate rei familiaris, ne singuli particulatim portiones suas persequi cogantur, quod sæpè non minima habet incommoda, l. planè. 3. D. Famil. ereisc. l. cum hi. 8. §. in causa. l. 9. ff. de transact. l. potest. 27. ff. de legat. 1.

23. Et hæc quatuor species nominatim ab Anastasio excipiuntur. Idem statuendum esse in aliis omnibus non exceptis, sed tamen similibus. i. etiam necessariam cessionis causam habentibus rectè colligunt Doctores ex illis verbis, cum lex ait. *Nulla enim tali ratione intercedente, redemptor magis existit, qui alienas, pecunijs præstitis, subjicit actiones.* Undè sequitur, non esse redemptorem, si aliqua species intervenerit, quæ sit talis, h. e. similis. Idem ex finalibus ejusdem legis verbis satis colligi potest, ibi: *ut cessiones tam pro exceptis & specialiter nominatis, quàm alijs causis factæ, sine ulla diminutione obtineant.* Ideoque Bartolus, rejecta opinione glossæ, ait, Imperatorem se non restrinxisse, ad illos casus, sed rationem illorum casuum, ut ubicunq; apparet, quod cessionarius non sit redemptor litium, ex causa, ex qua fit cessio, tunc cessio valeat, perinde atque in casibus exceptis in not. ad hanc l. num. 8. Sunt autem similes casus, quandocunque fit cessio ex causa necessaria, ut si creditor fidejussori minimum solventi

est, ut lis nulla, nisi per meam calumniam, cuius habenda ratio non est, moveri possit. Et ita jam olim satis luculenter Fulgosius tradidit, ejus sententiam sequitur & probat Ant. Faber, *lib. 12. conject. cap. 12.* licet in eo erret, quod nullum esse putet ex Interpretibus, qui hoc ante ipsum docuerit. Quin & à Senatu Parisiensis (ut refert Georgius Lovet *au Recueil d'aucuns notables arrests donnees en la cour de Parlement de Paris in lit. C. num. 13. & ibi in notis Julianus Brodeau.*) sæpius judicatum est, Constitutionem Anastasianam latam esse contra eos solos, qui præ avaritia, vel alios vexandi libidine, vili redimunt actiones litigiosas vel dubias, non contra eos, quibus ceduntur actiones liquidæ & indubitatæ.

26. Postremò quæri solet, an Constitutioni Anastasianæ locus sit, quando cessio nominis sive actionis absque interventu ullius pecuniæ celebratur, ut, si pro cessione actionis non pecunia, sed alia res data sit, atq; ita non venditio, sed permutatio sit, vel aliud genus contractus vel commercii. Nonnulli in hac specie prædictæ Constitutioni locum faciant, & quod de venditione hic dicitur, exempli causâ fieri existimant; idque ad omnes contractus, quibus res alienatur pertinere: venditionis enim verbum omnem alienationem complectitur *l. Statuliberi à ceteris. §. Labeo. ff. de Statulib.* Fulgosius dubitans hanc quæstionem in medio relinquit. Mihi placuit aliquando in proposita specie Anastasianæ Constitutioni locum non esse. Videbam Jus novum in ea introductum esse, abrogato hac in parte Jure veteri, quo nominis etiam ambigui & cong

gratiâ solvas? Mentem potius Imperatoris spectare nos decet, quâ ejusmodi vitiligatoribus & litium interceptoribus resistere voluit, quâ callidis cavillationibus & captionibus verborum mentem circumvenire, *l. contra legem. 29. & l. seq. D. de legib.* Denique si Imperator in sola emptione actionum Constitutionem suam locum habere voluisset, quid opus fuisset, quatuor prædictas species excipere, quarum quædam nihil habent cum emptione commune? At exceptiones debent esse de regula, ut vulgò loquuntur.

29. Quæ hætenus diximus ita obtinent accepto pro cessione pretio, aut alia re pretii loco. Si verò gratis & ex mera liberalitate fiat cessio, valet in totum *d. l. per diversas. ibi, sin autem per donationem.* Hæc enim liberalitas non est coercenda. Quod tamen ita procedit, si non fuerit imaginaria donatio, nec per simulationem tacitè lis redimatur.

30. Præterea si quis partem actionis emat, partem, quasi donatam accipiat, videtur improbæ redemptioni & partitioni color quæsitus, ideoque etiam hoc casu cessio non valet ultra modum pecuniæ numeratæ secundum Justiniani Constitutionem *in l. ult. C. Mand.* quæ lata est in subsidium Constitutionis Anastasianæ, cum ea per fraudulentas machinationes eluderetur & astutè laceraretur. Nam cum in illa permissa esset donatio, fraus legi facta est ab iis, qui circa lites morantur & omnes fraudes noverunt, ita ut partem quidem debiti venditionis titulo transferrent, reliquam autem partem per coloratam cederent venditionem, atque hac arte Anastasii Constitutionem elusoriam redderent.

R

rent.

rent. Eam ob causam Justinianus Anastasiani Constitutioni subveniens sancivit *in d. l. ult.* ut quamvis per suppositam personam alterius partis donatio facta sit, nihil tamen amplius exigere liceat, quam quod verò contractu persolutum est; ac omne, quod superfluum est & per figuratam donationem translatum, inutile esse jubet ex utraque parte; & neque ei, qui cessit actiones, neque ei, qui eas suscipere curavit, aliquid luctri vel fieri vel remanere, vel aliquam contra debitorem vel res ad eum pertinentes alterutri esse actionem ultra solutam quantitatem, sed omne reliquum cedere in rem & commodum debitoris.

31. Ab hac Justinianea Constitutione. Interpretes hunc casum excipiunt, quando cessio venit in consequentiam rei venditæ, ut si fundus vendatur & in consequentiam cedantur actiones & Jura. Nam quamvis in instrumento venditionis inserantur hæc verba, *Et si plus est, dono &c* Nihilominus valere venditionem & consequenter cessionem arbitrantur Bart. & Bald. *in d. l. per diversas. Alexander Trentacing. resolut. 2. num. 22.*

32. Idem statuunt si justa sit causa donandi, puta si actio partim venditione pretioque accepto, partim donationis titulo ob benemerita cessionarii transferantur. Quo tamen casu ad excludendam omnem simulationis præsumptionem requirunt, ut non tantum benemerita nominatim exprimantur, sed etiam probentur, nisi fortè sint notoria, ut tradunt Doctores, quos refert & sequitur Alexander Trentaquinus, *d. resolut. 2. num. 23. & seqq.* qui & alias enumerat

merae exceptiones, quas hic recensere supervacuum putavi.

CAPUT XII.

An & quando cedens cessionarium in exercenda actione cessa impedire possit?

SUMMARIA.

In hac quaestione valde hallucinantur Interpretes, & imprimis Ant. Fab.

1. Vera sententia hac est, Re adhuc integra cedentem nisi posse actione cessa, 2. Sed quod exegerit, cessionario tenetur restituere
3. Quod si uterque concurrat in Iudicio, cessionarius cedenti erit preferendus, contra Accurs. 4. Idque generale esse volunt Doctores, quoties is, qui utili actione agit, causam habet eo, cui competit directio 5. Quin etiam si cedens prior in iudicio vicerit, et tamen cessionarium in executione concurrentem preferri debere nonnulli contendunt 6. Quando cessio facta est ob causam, et non impleta cedens recte agit, licet res non videatur esse integra
7. Discutitur Quaestio, Si duobus idem nomen diversis temporibus sit cessum, uter alteri sit preferendus 8. Quando actio desinat esse integra definitur in l. 3. C. de Novat. 9. Nempe, Primò, liti contestatione facta 10. Secundò, si cessionarius partem debiti acceperit 11. Quo casu ut reliquam quidem debiti partem cedens recte petet, contra Ant. Fabrum 12. Tertio, denuntiatione, cui causa quidem est inferenda contra Speculatorem 13. Sed prohibitio non est necessaria, contra eundem & Ant. Fabrum 14. Si actio sit cessa adversus duos debitores in solidum obligatos, utriusq; cessio est denuntianda 15. Celebris controversia, An sufficiat quilibet debitoris scientia absque denuntiatione, ut res desinat esse integra 16. Affirmantium opinio recipitur 17.

Sequitur ut inquiramus, an cedens ipse post actionis aut nominis cessionem factam, adversus debitorem nihilominus eui directarum actionum agere, & cessionarii actionem aliquo modo impedire possit?

1. Qua in questione, mira sibi somnia fingunt Interpretes nostri, dum censent, si cessio facta sit in commodum cessionarii, nullam ultra agendi facultatem cedenti competere; sin autem respiciat utilitatem cedentis, adhuc rectè eum experiri, nisi intervenerit unum ex tribus ab Imperatore Gordiano requisitis. *in l. 3. C. de novat. Octav. Cacheranus decis. 62. num. 1. & seqq. Ant. Tessaury. decis. 201. Alexander Trentacinq. lib. 3. tit. de solut. resolut. 14. num. 1. vers. tertia conclusio.*

Quibus nihil ineptius & à jure alienius dici potest. Antonius Faber *lib. 12. conject. cap. 62. 3. & 6.* dum aliis distinctionibus, multo absurdioribus, rem expedire conatur, ita se involvit, ut vix sciam, an quisquam longius à veritatis scopo aberrarit.

2. Magis igitur est, ut missis hujusmodi commentis, dicamus, dominum, id est, eum qui alteri cessit, sive mandavit actionem suam, posse nihilominus eandem actionem movere, pecuniamque petere & recipere à debitore, cumque eo pacisci & transigere, modo res sit integra, *l. 3. C. Mandat. d. l. 3. C. de novat.* Ratio est, quia cessione non amittitur actio directa, quæ primi creditoris ossibus, ut loquuntur Doctores, adeò inhaeret, ut ab eo separari non magis possit, quam anima à corpore; utilis quidem ex cessione acquiritur cessionario, sed directam non nisi ex persona cedentis exercere potest, apud quem intelligitur remansisse.

3. Quod!

3. Quod si tamen cedens directâ quid exegerit actione, vel cum debitore transegerit, eo nomine cessionario actionem adversus cedentem dari asscrit Accursius in *l. ult. D. de transact. argum. l. 2. §. non tantum* 4. §. *sed etsi s. vers. fecisse. D. de hered. vend. l. venditor. 28. §. 1. D. eod. l. 14. D. de furt.*

4. Quid igitur si cum vetere creditore concurrat cessionarius, ac velit se potius admitti ad agendum, in hoc concursu uter alteri præferendus? Solvit hanc quæstionem Ulpianus in *l. procuratore. 55. D. de procurat. Procuratore*, inquiens, *in rem suam dato, præferendum non esse dominum procuratoris in litem movendam vel pecuniam suscipiendam, qui enim suo nomine utiles actiones habent, ritè eas intendunt.* Accursius in *notatis ad l. 55.* id ita demum verum esse autumat, si litem contestatus sit procurator, vel partem debiti acceperit, vel denunciaverit debitori, ne solveret domino, aliàs dominum esse præferendum per *l. 3. C. de novat.* Non rectè, meo iudicio. Quid enim? annon is, qui actione sibi cessa debitorem convenit, & contra eum iudicio experitur, satis denunciassè videtur, ne cedenti debitum solvatur? Qui se contendit in actione debiti esse præferendum, de ejusne animo quis dubitare potest, velitne sibi potius an cedenti solutum? Præterea fatentur omnes, post denunciationem à cessionario factam, debitorem non rectè cedenti solvere; atqui cum cessionarius de eo in iudicio contendit, quod præferri debeat domino sive cedenti, denuntiatio jam antea facta est debitori per citationem, quæ, ut tradunt Doctores, continere debet nomina iudicis, actō-

ris, rei, causam, locum Judicii & terminum comprehendendi idoneum. Et infra probabimus non requiri necessarium denuntiationem, sed solam actionis cessæ notitiam sufficere. Confirmat denique sententiam nostram elegans Pauli responsum in *l. convenerit. 18. D. de pignor. act. Si convenerit*, inquit, *ut nomen debitoris mei tibi pignoris sit, ita tuendam esse à Pratore conventionem, ut & te in exigenda pecunia, & debitorem adversus me tueatur.* Si debitor exceptionem habet adversus primum creditorem sive cedentem, nullam verò legitimam causam, ob quam cessionario solutionem denegare possit, satis liquet hunc illi præferendum esse. Sic apud Ulpianum in *l. si procurator. 28. D. de procurat.* procurator, qui directâ actione judicati vel ex stipulatu, domino invito vult experiri, repellitur exceptione, *si non in rem suam datus sit.* Unde sequitur argumento à contrario sensu sumpto, nulla exceptione cessionarium, qui procurator est in rem suam removeri posse, licet cedente invito, & se præferri desiderante agat.

5. Quin & generaliter Interpretes nostri docent, quotiescunque habens actionem utilem habet causam ab eo, cui competit actio directâ, tunc habentem utilem esse præferendum habenti directam *l. 1. §. qui superficiem. D. de superfic. l. 1. D. Si ager vectigal. pet. l. que omnia. 25. §. planè. D. de procurat. Bart. in l. 4. num. ult. C. Quares pignor.* Unde Cynus ad *d. l. 3. C. de novat. num. 4.* quicquid dicant Glossæ, cessionarium esse præferendum ait, addita hac ratione, quod non possit venire contra factum proprium.

6. Idque

6. Idque adeò verum est, ut quamvis vetus creditor, qui directas actiones habet, iudicio egerit & obtinuerit, cessionarium tamen ei præferri debere, si in executione concurrat, tradiderint Doctores *ad l. 3. C. de novat. Octavianus Cacheranus decif. 62. num. 16. vers. secundo pro hac opinione. Alexand. Trentacinq. lib. 3. tit. de solut. resolut. 29. num. 3.* Et sanè quid proderit cedenti, cum illud jam exactum cessionario reddere cogatur, ut supra dictum, atque ita pluribus sumptibus & litibus oneretur.

7. Quod si cessio facta sit ob causam, quam cessionarius non adimpleverit, hoc casu cedens non solum rebus integris, sed etiamsi aliquod trium requisitorum in *d. l. 3. C. de novat.* intercesserit, in nomine cessio exigendo præfertur, quod ut observatu dignum notat Joachim. Mysingerus *cent. 3. obs. 69.*

8. Subnectenda superiori adfinis quaestio, si duobus eadem actio diversis temporibus cessa sit (ut cedi posse ostendit Cacheranus *decif. 63.*) uter alteri in ea actione sit præferendus? Dispiciendum arbitror, utrum utraque cessio facta sit re integra, h. e. antequam interveniret unum ex tribus à Gordiano propositis in *d. l. 3. C. de novat.* & tunc cessionarii præoccupantis conditionem meliorem esse existimo. Nam re integra, cum actio directa, eademque efficax apud cedentem remanserit, nihil prohibet, quominus ejus exercitium rursus alteri mandare possit. Hoc verò casu potior erit, qui vel prior debitori denunciavit, vel cum eo litteram contestatus est, vel partem debiti accepit. Nec refert, quod in priorem cessionarium actio utilis transfata sit;

lata sit; ea enim inefficax est, antequam unum ex istis tribus, quæ à Gordiano recensentur *in d. l. 3. C. de novat.* intercesserit. Sin re non integra (hoc est, postquam cessionarius unum ex istis tribus *in d. l. 3.* comprehensis adimpleverit) secunda cessio sit facta, priorem cessionarium præferendum existimo. Est enim hæc secunda cessio inutilis & nullius momenti, ideo, quod eo tempore sit facta, quo cedens ipse actionem, cessionario invito, movere non potuit, *d. l. 3.* nemo autem plus Juris in alterum transferre potest, quam ipse habet, *l. nemo. 55. D. de Reg. Jur.* Atque ita mihi hæc quaestio dissolvenda videtur, de qua quid alii sentiant, qui scire desiderat, consulat Gerardum Maynard. *lib. 2. decis. Tholos. 62.* & Alexandrum Trentacini- quium *d. resolut. 15.*

9. Porro dixi cedentem re integra debitorem convenire atque ita exactione sua futuram cessionarii actionem impedire posse: quando igitur res integra esse desiit, omne Jus exactionis cedenti abreptum & in cessionarium intelligitur esse translatum. At quando desinit res esse integra? Definitur hoc perspicue à Gordiano, *in d. l. 3. C. de novat.* nempe si cessionarius vel cum debitore litem contestatus sit, vel partem debiti ab eo acceperit, vel ei actionem sibi cessam esse denuntiaverit. Quæ singula separatim & exactius explicanda sunt.

10. Nemini dubium est, rem integram esse desinere ac cedentis actionem impediri, si cessionarius cum debitore, cujus nomen cessum est, litem sit contestatus. Litis enim contestatio pro delegatione habetur, *l. de legari.*

legari. 11. D. de novat. Ac iudicium accipiendo, seu litem contestando contrahitur, *l. 3. §. idem scribit. 11. D. de peculio.*

11. Idem est dicendum, si cessionarius partem debiti exegerit; debitor enim partem solvens hoc ipso cessionarium creditorem suum satis agnoscit, & cum consensum cessioni præbeat, non tam nomen cessionis, quam ipse debitor quodammodo delegatus videtur.

12. Cæterum Ant. Faber *d. lib. 12. cap. 6.* hæc Imperatoris verba *in d. l. 3. Vel aliquid ex debito accipiat*, ita interpretatur, ac si pro ea quidem parte actio cedenti denegetur, reliquum verò debitum nihilominus exigere possit: quæ explicatio verbis & menti Imperatoris planè repugnat. Imperator statuit, si is, cui mandata est actio, partem debiti acceperit, non licere mandatori petere *quantitatem debitam*, sed adjungit Faber, scilicet *integram*. Non rectè. Nam si verè & propriè loqui volumus, hæc verba, *debitam quantitatem*, non de parte soluta; sed de reliqua quantitate, quæ necdum soluta est, intelligi debent: id enim, quod solutum est, non amplius dici potest deberi, *in pr. Inst. Quib. mod. toll. oblig.* Nihilque refert solutumne sit ipsi creditori, an alii ejus voluntate, ut hic cessionario *l. vero 12. D. de solut.* Præterea fieri nequit, quin debitor, qui partem debiti cessionario solvit, ab eodem de facta cessione sit certioratus, qua sola certioratione actionem cedentis impediri jam videbimus.

13. Sed in denuntiatione major oritur difficultas. Primum enim quaeritur hic à Doctoribus, an si cessionarius debitori solummodo nuncia veritè, nec creditori

solvat, neque causam inseruerit, id sufficiat ad impedendam debitoris solutionem? Speculator *in tit. de procurat. §. fin. vers. sed nunquid sufficit*, sufficere existimat, nisi is, cui nunciatum est, causam inferi petierit; Verum reprehenditur à Bartolo, *in l. 1. num. 20. D. de nov. oper. nunc.* quia Imperator Alexander *in l. nomen. 4. C. Qua res pignor.* requirit, ut debitor de obligatione sive cessione certior fiat, iquare non sufficere solam nunciationem ait Bartolus, sed debere cessionarium ei ostendere instrumentum cessionis & copiam dare: *d. l. nomen. 4. l. si quis insinatus. 12. D. depositi. Clement. de Elect. cap. causam.* quia in quacunque certificatione, vel citatoria intimatione ostendenda sunt instrumenta, vel illorum copia, ut latè tradit idem Bartolus *in l. non solum. §. morti. D. de novi oper. nunt. & alii citati ab Alexandro Trentacinq. lib. 3. tit. de solut. resolut. 29. num. 4. ubi hoc commune placitum esse testatur.*

14. Sufficit autem, debitorem cessionis certiore, factum esse, nec insuper necessariò requiritur, inhibitionem debitori fieri, ne creditori priori solvat, quamvis secus senserit Speculator, *in d. tit. de procurat.* eo nomine rectè notatus à Guilielmo Onclaco, *lib. 2. Academicarum questionum. quest. 20. num. 2.* Antiquum Speculatoris, aliorumque Interpretum errorem nuper tueri conatus est Antonius Faber, *lib. 12. conject. cap. 3. in fine & cap. 6.* nihil interim proferens, undè prohibitionis necessitas probari posset. Nam quod ad *l. 3. C. de novat.* attinet, verba non ad cessionarium, sed ad cedentem referuntur.

15. Quod si fortè duo sint debitores in solidum obligati,

ligati, quorum nomen cessum sit, cessionarius utrique cessionem denuntiare debet, alioqui, si uni tantum fuerit denuntiatum, alteri adhuc erit liberum cedenti solvere, ut in specie satis perplexa respondit Ludovicus Charondas *lib. 4. respons. 66.*

16. Sed an sufficiat ad impediendam debitoris solutionem, si quocunque modo absque cessionarii denuntiatione debitor cognoverit nomen suum cessum, mandatumve alteri fuisse, celebris est controversia, in qua mirificè variant Interpretes, & multum se dubitasse & mullitasse scribit Castrensis, adeò ut in tanto opinionum Euripo non sit in quo tutò anchora figi possit. Accursius nunc ait, *ad l. ult. D. de transact.* nunc negat, *ad d. l. nomen. 4. C. Quæ res pign.* Albericus *ad d. l. 3. C. de novat.* ait se autoritate glossæ utroque casu in iudicio obtinuisse. Varius quoque est Hugo Donellus, alibi enim *ad d. l. 3. & lib. 15. comment. cap. 43. vers. sed horum utrumque*, aientium propugnat sententiam, & rursus alibi *ad d. l. nomen. 4.* in negantium partes inclinat. Contrariis quoque præjudiciis hæc quæstio in summis tribunalibus definita fuit. Negativam enim sententiam in iudicando amplexus est Senatus Neapolitanus, *ut refert Matth. de Afflictis, decis. 335.* Affirmativam verò secutus est Senatus Pedemontanus *teste Cacherano decis. 45.* cui adstipulatur, And. Fachinus, *lib. 3. controuv. cap. 94.* Vulgo Doctores distinguunt; utrum cessio facta sit commodo periculoque cedentis, an verò commodo periculoque cessionarii, ut hoc casu quævis scientia sufficiat, illo non æquè, *Vide Alexandrum Trentacinq. d. tit. de solut. 16.*

solut. 14. num. 3. 4. & d. resolut. 29. num. 2. Quam distinctionem Baldus ad l. 1. C. de obl. & act. ut imperfectam & manicam reprehendit, quia sæpe utriusque gratia cessio fit, ut si convenerit, ut quod exigit creditor meus à meo debitore, sibi in solutum imputer, *l. si convenerit. 13. D. de pignor. act.* aut in dotem habeat, *l. pater filia. 44. §. qua debitorem. D. de jur. dot.* Certè cessio actionum, de qua nos agimus, semper fit in rem & utilitatem cessionarii, ut nempe quod exegerit, sibi retineat, periculumque regulariter ad cessionarium spectat, ut supra est probatum. Et quod cedens ea cessione liberatur, si fortè nomen in solutum dederit, hoc non impedit, quominus nomen illud rectè dicatur cessum fuisse in rem, h. e. in utilitatem & commodum cessionarii. Quid ergo in hoc opinionum conflictu statuendum?

17. Affirmantium sententiæ favere videtur Papi-
nianus, in l. ult. D. de transact. cui vendita hereditate,
& mandatis emptori actionibus hereditariis, placet de-
bitorem, qui cum debitore pactus est vel transegit, ita
demum adversus emptorem, cui mandata erant actio-
nes, tutum esse, si ignoraverit venditam fuisse heredi-
tatem, mandatasque actiones. Unde à contrario
sensu colligitur, debitori non prodesse creditoris pa-
ctum ad inhibendas actiones cessas, si is non ignora-
verit mandatam aut cessam fuisse actionem, & conse-
quenter si debitor absque denuntiatione ipsius cession-
is, aliunde resciverit cessionem, solam hanc scientiam
efficere, ut res integra esse desinat. Huc facit, quod
certiorari non debuit, qui non ignoravit l. 1. in fin. D.
de act.

de act. empt. cap. cum qui certus de Reg. iur. in d. Præterea cum post cessionem debitori ei, cui actio cessa est, teneri cæperit utilibus actionibus, facto suo absque ulla legitima causa his actionibus liberari non potest, *l. si servum. §. nunc videamus. D. de verb. obl.* Nulla autem justa causa esse videtur, quæ debitorem excuset atque defendat, si sciens in alium actiones esse translatas, seque exceptione doli & tutione Prætoris *l. si conveneris. 18. D. de pignor. & act.* veterem debitorem se cum experientem posse repellere, nihilominus illi potius solvat, quam cessionario, cui solvendo pleno Jure liberatus fuisset. Atque hanc sententiam propugnat post alios Bartolus *in d. l. 4. C. Quæ res pign. dari.* Nec in contrarium urget, quod Imperator Gordianus *in d. l. 3.* præcisè videatur requirere denuntiationem, & Imperator Alexander *in d. l. nomen. 4.* videtur velle, ut debitor à cessionario cessionis sit certior factus. Nam ista denuntiatio ac certioratio hæc fini requiritur, ut debitor sciat cessionem esse factam *l. ult. D. de transact.* Sufficit ergo eum quovis modo certiores fieri, etiam sine opera cessionarii, qui alioqui ignorantem certiorare deberet *Bart. ad d. l. 1. §. fin. D. de act. empt.*

§ 3 CAPUT

CAPUT XIII.

*An exceptiones, quæ obstant cedenti
etiam obstant cessionario?*

SUMMARIA.

*Exceptiones alie in rem sunt, alie in personam 1. Ille obstat ceden-
tenti & cessionario 2. Ut exceptio patti, iuramentandi, rei iudic-
atae 3. Simulationis 4. Compensationis 5. Exceptiones verò
personales, quæ cedenti obstant, cessionario utilem actionem intenti
tanti non nocent 6. 7. Vel etiam agenti actione directa, si
cessio facta sit ex causa onerosa 8. Secus si ex lucrativa &
non necessaria 9. Nisi forte exceptio merè personalis sit 10.
Si cessionis & exactionis commodum redibit ad cedentem, indistinctè
per exceptionem, quæ obstat cedenti, removeri cessionarium putant
Interpretes 11. Quid differat cessio nominis à delegatione debi-
toris in hac questione 12.*

1. **E**Xceptiones alie in rem sunt, alie in personam.
Exceptiones in rem sunt, quæ rei, quæ de agitur
coherent, & concernunt radicem obligationis. In
personam, quæ coherent personæ, vel personæ quali-
tatem concernunt potius, quàm radicem obligationis,
l. exceptiones. 7. D. de except.

2. Exceptiones in rem & activæ & passivæ (ut lo-
quuntur) in successores transeunt, ac proinde quæ-
cunque exceptiones in rem obstant cedenti, eadem
& cessionario sive utili sive directâ actione agenti re-
ctè obijciuntur, neque interest ex causa lucrativa, an
verò onerosa cessio facta proponatur. Tales sunt ex-
ceptiones

ceptiones pacti, jurisiurandi, rei judicatae, quod metus causa *l. in hoc iudicium. 14. §. ult. D. Pro socio. l. si superatus. 3. §. per injuriam. D. de pignorib. l. except. 20. D. de except. rei judic. l. 4. §. de auctoris. 27. & §. pen. D. de except. doli.*

3. Exceptio quoque simulationis perinde cessionario obstat ac cedenti, quia simulationis vitium reale est & adeo afficit rem ipsam & contractum, ut pro infecto & nullo habeatur, *l. si ex pretio. 6. C. Si cert. petat. l. num. ea. 21. C. de transact. l. 1. ubi notatur. C. Plus valet quod agitur &c. l. imaginaria. 16. ff. de Reg. Jur. cum similib. quippe cui desit voluntas contrahentium, ex qua contractus altimandi sunt, l. semper. 34 ff. de Reg. Jur. l. in omnibus. 55. ff. de obl. & act.*

4. Similiter compensationis exceptio, quae obijci poterat cedenti, etiam cessionario obstabit; quia & ipsa in rem est, ac fidejussori datur ex persona debitoris *l. 4. & 5. ff. de compens. quae non daretur, si personae non rei cohaereret l. 7. ff. de except.*

5. Deinde cum haec exceptio, quando opposita est, actionem ab eo tempore, quo debitum fuit, ipso Jure minuisse censeatur, *l. si constat. 4. C. de compens. solutionisque vicem obtineat, d. l. si constat &c. l. seq. l. invicem. 12. C. de compens. l. si ambo. 10. ff. eod.* non potest creditor alteri cedere actione, nisi ita adfecta, ut per compensationem ipso quoque Jure perimatur, si debitor compensatione uti voluerit, quia non potuit plus Juris in aliam transferre, quam ipse habuit *l. nemo plus. 34. ff. de R. I.* Et hoc quoque modo occurritur fraudi eorum, qui cum naturaliter teneantur iis, quos habent civiliter

civiliter obligatos, actione alteri cedunt; ne ipsi agentes pati cogantur compensationem naturalis debiti. Hæc ita frequentiore Doctorum calculo recepta, & judicata sunt, ut referunt Guido Papa decis. 567. Matth. de Afflictis decis. 163. num. 5. Ant. Tessaurs decis. 221, Pet. Costalius ad l. 4. ff. de compens. Alexand. Trentacinq. lib. 3. variar. resolut. tit. de compensat. resolut. 1. num. 6. Lud. Charondas. lib. 4. resp. 22. eandemque sententiam contra Martinum & Castrensem propugnavit Anton. Faber lib. 12. conject. cap. 9.

6. Quid si actio à Titio cessa sit Sempronio, qui rursus eandem transfulerit in Gajum, an debitor rectè compensabit, non tantum quod sibi à Titio primo cedente, sed & à Sempronio secundo cedente debetur? Quod adfirmandum videtur; quia quantum ad utilem actionem attinet, Gajus in Jus Sempronii successit, ideoque eodem Jure uti & easdem exceptiones, quæ Sempronio objici poterant, pati cogitur d. l. quod ipse. 143. l. qui in Jus. 177. ff. de R. I. Et ita à Senatu nostro judicatum memini.

7. Ad exceptiones in personam quod attinet, distinguui oportet, directilne & mandatis actionibus ex persona cedentis, an vero utilibus nomine proprio cessionarius experiatur. Priori casu exceptio in personam, quæ cedenti obstat, etiam cessionario objici potest. Nam qui ex alterius persona agit, easdem pati debet exceptiones; sicut & qui ex alterius persona excipit, easdem patitur replicationes ut docet Baldus & alij in l. qui stipendia. C. de procurat.

8. Posteriori casu cessionatio nequaquam nocet exceptio

exceptio personalis, quâ cedens removeri poterat, si cessio facta sit ex causa onerosa, ut si cui vendita sit actio, *l. dolum. 3. C. de pericul. & commod. rei vend. l. 4. §. si cum legitima. ff. de doli except.* idem in eo, qui permutaverit vel in solutum acceperit & in similibus, qui vicem emptorum obtinent. Hic dolus cedentis non obest cessionario, *d. l. 4. §. auctoris. 31. ff. de doli except.* Utique si ipse dolo non careat, patietur de dolo suo exceptionem *d. l. 4. §. 31. vers. utique. l. si quis in rem. 34. ff. de procurat.*

9. Quod si cessionarius actionem consecutus sit ex causa lucrativa, ut si ipsi actio legata sit, vel donata, nocet ei exceptio ex persona auctoris sui, nempe testatoris vel donatoris *l. 6. ff. de except. d. l. 4. §. si quis. 29. & §. auctoris. 31. ff. de except. dol. Vide Iohannem Zangerum in tract. de except. part. 3. cap. 13. num. 73. & seqq.*

10. Existimant tamen nonnulli Doctores exceptionem merè personalem, hoc est, quæ tantum personam cedentis, nullo autem modo actionem ipsam respiciat, non nocere cessionario quamvis lucrativam causam habenti, uti Bartolus tradit in *d. l. 4. §. si cum legitima.* de exceptione banni vel excommunicationis; ea enim non respicit actionem, sed aliud quid extrinsecum & merè personale *Ioh. de Grassis in tract. de cess. action. §. 2. num. 10. Pet. Costalius ad l. si mandavero. 21. ff. Mandat.*

11. Postremò Antonius Faber *d. cap. 9.* unum esse casum ait, quò exceptio, quæ obstat erat cedenti, omnino & indistinctè obstat etiam cessionario quamvis utilem suo nomine actionem exercenti, cum nimi-

rùm cessionis & exactionis totum commodum reversum est ad cedentem juxta Castrensem *in l. qui stipendia. 9. C. de procurat.* & Bartolum *in l. facta §. si heres scriptus. ff. ad SC. Trebell.* Verùm hæc ad nostri tractatus institutum nihil pertinent: nos enim, ut supra cap. 1. monuimus, non de eo agimus, qui redditurus sit cedenti, quodcunque exegerit; sed qui in rem suam procurator est factus, qui omne commodum ipse percipiet sibi que retinebit.

12. Ex prædictis liquet, actionis cessionem hac in parte multum differre à delegatione debitoris. Nam, ut diximus, exceptio objecta ex persona cedentis, quandoque cessionario nocet, quandoque non nocet. Exceptio autem ex persona delegantis regulariter non obest ei, cui delegatio facta est. Idque Paulus *in l. si quis delegaverit. 12. ff. de nov. & deleg.* docet verum esse indistinctè, siue sciens debitor meus se exceptione tutum esse à me delegatus fuerit creditori meo, quia donasse & remisisse exceptionem videtur; siue ignorans, quia creditor meus suum persequitur, suumque recepissee videtur per delegationem & suum negotium bonâ fide gessisse. Nam (ut eleganter idem Paulus *in l. doli exceptio. 19. §. fin. ff. de novat. & delegat.* inquit) non facile scire petitor, hoc est, secundus creditor, cui delegatio facta est, potest, quid inter eum, qui delegatus est, & debitorem suum, qui delegavit, actum est, aut, etiamsi sciat, dissimulare debet, ne curiosus ac ~~periculosus~~ videatur.

CAPUT

CAPVT XIV.

Vtrum actio ex cessione translata morte cedentis vel cessionarij tollatur.

SUMMARI A.

Utilis actio nec cedentis, nec cessionarij morte finitur 1. Directa actio perdurat, si mandans relicto herede decesserit 2. In quo differt cessio actionis à simplici mandato 3. Si cedens ante litem contestatam absque herede decesserit, directa actio extinguitur 4. Sedans si post litem à cessionario contestatam mortuus sit 5. Cujacius contra Antonium Fabrum defensio 6. Declaratur, cessionem non finire cessionario ante litem contestatam mortuo 7. Ina litis contestationis olim à Principe impetrabatur 8.

MULTUM hîc interest inter utilem & directam actionem. Utilis enim actio, nec cedentis, nec cessionarii morte extinguitur.

1. Non cedentis, licet is sine herede decesserit, *l. 1. C. de oblig. & act.* quia tota effecta est cessionarii, diciturque cessionarius eam habere proprio nomine, *l. ult. C. Quand. fisc. vel privat. l. ult. C. de hered. vel act. vend.* quare in eo Jus illi non amplius pendet ex persona cedentis. Non finitur quoque hæc actio morte cessionarii, quoniam instar aliarum rerum hereditariarum ad heredem, qui in omnia defuncti bona succedit, *l. heredem. §. 9. l. hereditas. §. 2. ff. de R. I. transmittitur.*

2. Ad directam actionem quod attinet, distinguendum est, utrum cedens seu mandans, herede relicto,

an verò sine herede decesserit. Herede relicto, salva quoque manet directa actio, quam cessionarius rectè exercebit ex persona heredis, in quem sicut cetera defuncti Jura, tam activa, quam passiva (ut loquuntur) ita hæ quoque actiones directæ ipso Jure transeunt: itaque cum in locum defuncti succedat, & eadem quodammodo persona habeatur; omninò factum ejus præstare, ac fidem cessionario datam implere tenetur.

3. Quod non æquè obtinet in simplici mandato. Illud enim mandante, re integra, hoc est, lite nondum à mandatario contestata, mortuo, planè extinguitur §. *item si 10. Inst. de mandat. l. mandatum. 15. C. Mandat. l. ult. ff. de solut.*

4. Quod si cedens sine herede decesserit, locum quoque habet superior distinctio, an videlicet re integra seu lite nondum à cessionario contestata, an verò post litem contestatam decesserit: lite nondum contestata directa actio omninò deficit & evanescit, ut jam eà is, cui mandata est, ulterius uti nequeat, *d. l. 1. C. de oblig. & action. l. postquam. 5. in pr. ff. ut legat. nom.* Nemo enim superest, cujus nomine directam actionem cessionarius instituere possit. Verùm licet extincta sit actio directa, tamen utilis adhuc cessionario competit, utilis, inquam, non quæ, (ut Anton. Faber malè sentit *lib. 12. conject. cap. 2.*) jam primum incipiat, quæque aliquando in subsidium, nulla cessione interveniente, dari solet, *veluti in l. 1. §. etsi fortè. ff. de tut. & rat. distrah.* sed quæ ab initio vi cessionis competit, & nunc sola superest, quâ utatur cessionarius, cum antea electionem haberet, velletne utili actione suo

suo nomine, an directa ex persona mandantis experiri.

5. Sin post litem à mandatario contestatam, mandator decesserit, nihil impedit, quominus directis actionibus experiri & Jus suum persequi possit: quia litem cum debitore contestando dominus litis effectus est, *l. nulla. 23. C. de procurat. & argum. d. l. 1. C. de oblig. & act.* Atque hæc est verissima & genuina Imperatoris Gordiani *in d. l. 1. C. de oblig. & act.* sententia, quam olim à Fulgasio post Azonem traditam, tanquam novam & à nemine explicatam producit Jacobus Cujacius *lib. 2. obs. cap. 31.*

6. Aliam adfert Stephanus Forcatulus *dialog. 84.* aliam Antonius Faber *d. lib. 12. cap. 2.* qui temerè Cujacium perstringit, quasi in eo turpiter lapsus sit, quòd Gordiani rescriptum de actione mandati adversus mandatorem competente acceperit; quæ interpretatio à mente & verbis exactissimi Cujacii est longè aliena. Non enim tractat Cujacius de actione mandati quæ competit mandatario adversus mandatorem, sed de actione ex causa emptionis, vel donationis vel solutionis alicui mandata in mandatoris debitorem, & docet, licet simplex mandatum re integra, hoc est, lite nondum contestata, finiatur morte domini, non æquè tamen extinguì mandatum venditarum, donatarum, vel in solutum datarum actionum, propterea quòd fidem venditionis vel alterius contractus ab herede impleri oportet: itaque cessionario non tantum utilem proprio nomine, sed etiam directam ex cessione competere: sed si dominus sine herede decesserit, finit mandatum, ideoque utilem quidem actionem ex con-

tractu cessionario proprio nomine (contra debitorem videlicet) directam verò ex mandato non dari. Illud quoque monendum, Accursium non rectè speciem istius rescripti in *d. l. 1.* in fidejussore ponere. Nam de Valeria muliere tractat, quam intercedere, & post intercessionem rectè solvere non patitur Senatus-Consultum Velleianum *l. 9. C. ad SC. Vell. cum similib.*

7. Porro quemadmodum eo, qui cessit sive mandavit actionem, relictis heredibus mortuo ante litem à cessionario contestatam, cessio non extinguitur *d. l. 1.* Ita nec mortuo ipso cessionario ante litem contestatam, mandatum sive cessio actionis finitur, sed ad heredem cessionarii transit *l. illam. 33. C. de donat.* Et hoc Jus in actione cessa titulo venditionis jam olim receptum fuisse docet Imperator in *d. l. 33. vers. Nam sicut venditionis.*

8. At donatarius non nisi post litem contestatam, poterat actionem cessam ad suum heredem transmittere aut procuratorem ad litem constituere. Ratio veteris differentie videtur fuisse, vel quod donatio plus facti contineat, emptio plus Juris, argumento *l. si unus. 27. §. pactus. 2. ff. de pact. l. si donationes. 25. in fin. C. de donat. int. vir. & uxor.* ea autem, quæ sunt Juris, facilius ad heredem transeant, quàm quæ sunt facti, quæ scilicet personalia & personæ magis coherere videntur, *l. veteris. 13. C. de contrah. & commit. stipulat. l. si statuliber. 6. §. si quis. ff. de statulib.* vel quod donationes strictè acciperentur, eò quod fiant sæpè temerè & inconsultò. Sed Imperator Justinianus subtilem hanc observationem & differentiam, emptionis ac donationis

nationis sustulit, ut hodiè tam donata quàm vendita actio ad heredem ejus, cui cessa est, indistinctè transeat, hoc est, etiam ante litem contestatam, vel Jus contestationis divino rescripto promeritum *d. l. 33.* Solebant enim per libellum Principi, non Præfecto prætorio, *l. 1. C. de off. Præf. Prætor.* multo minus aliis magistratibus vel Judicibus porrectum impetrare, ut actiones eodem Jure essent, ac si ex iis lis jam esset contestata. Atque ita ex, quæ tempore erant periturae, in tutum redigebantur, ut loquitur Paulus, *in l. ordinata. 24. in pr. ff. de liberal. causis.* & perpetuabantur, atque adeò dabantur heredi & in heredem, *de qua re videatur titulus. C. Quando libell. Principi oblat. lus contest. & ibi Cujacius.* Verùm id moribus nostris exolevit. Sicuti autem donata actio æquè ac vendita, lite nondum contestata transit ad heredem; ita quoque ex eadem Constitutione, donatarius æquè ac emptor actionis, ante litem contestatam, potest alium ad agendum, procuratorem constituere, *d. l. 33.* Atque ita explicitus est hic tractatus de actionum cessione.

*Sit laus Deo, qui nos ad finem
hujus opera perduxit.*



*Adjuncta est compendiosa totius hujus
Commentarij repetitio, olim à*

D. VVEINANDO EVERVVIN,
tum Iuvene & Studioſo, nunc Geldriae
Conſiliario & Fiſci Patrono, Lu-
gduni - Batavorum ad diſpu-
tandum propoſita.



REPETITIO
ACADEMICA
CELEBERRIMA-

rum aliquot Pand. & Cod. Legum, ad
subtilissimam *Cessionis Actionum*
materiam pertinentium,

Cujus patrocinium,

Quod Deus benè vertat,

Moderante Cl. ac Conf. Iſſo.

D. EVERHARDO BRONCHORST,

Publicè pro modulo suo suscipiet

WINANDUS EVERWIN Arnhemius-Geldrus.

In auditorio Jurisconsultorum,

Ad diem 5. Novemb.

Amplissimis, ac Doctissimis Viris,

JOHANNI SANDIO, J. U. D. in summa } *A-*
Frifiorum Curia Senatori graviff. } *UUN*
D. FREDERICO SANDIO, J. U. D. Ducatus } *culus*
Geld. & Comit. Zutphan. Curatori digniff. } *fuus.*
D. LAURENTIO de SILLE, J. U. D. Cognato suo

VFINAN. EVERVIN. S. D.

Prudentissimi, Doctissimique Viri.

CVM ante semestrem spaciis difficilissima aliquot Dig. & Cod. lege; repetissem, ac deinde de aliarum iurum difficultatum resolutione, aliter hanc disputationem emittere cogitarem; non dissimulit prior tractandi modum à doctissimis LL. Doctor. frequenter in celeberrimis Academicis usurpatum. Collegi itaq; precipuas leges ad Cessionem Adionum, habentes à paucis solidi, ac prout tam grava ac subtilia argumentum exposcebat, tractatam scellatim, easq; suis locis insertas, quantum & ingenij mei exilitas & huius temporis ratio patitur, non studio contradicendi, aut ullius doctrinam recte traditam vellicandi, sed sincero veritatis ac legum amore ad iuris trutinam examinavi. Deterrèbar, ut ingenuè virium mearum imbecillitatem fatear, cum primò pro moribus sumerem intricatam hanc, multum in apicibus iurum consistentem, ac proinde, ut Fulgosius ait, alijs & maxime iunioribus curantem ac peregrinam materiam. Accedebat, quod viderem eundem Fulgosium in l. 1. C. de Oblig. & A. Q. monentem, ut ij, qui ingenium subtile, ac efficax habent (quod mihi, nato anni septendecim, ob atatem epiguam & brevis in lura studij deesse lubens fateor) sui ingenij in harum subtilitarum indagatione persequantur exerceant. Movebam perturbata, dissentientes, passim sparsa Dd. hister de rebus, traditiones, multis perplexitatibus intricata. Verum ut insuper habità omni hac molestia, sinuosi Dd. meandros ingrederer, ac de commoda earum extricatione laborarem, commovit me cum summamateria utilitas, quotidiano usu receptissima, tam poltissima tua, I. Sandi, de Cessione Adionum lectiones in Academia Franequerensi quondam habite, quibus non minimam huius mea disputationis partem ferro acceptam. Post itaque Viri Prudentissimi, auxilio hoc munusculum, non par vestri preclari meritis, ex animo interim gratissimo profectum, equo iudicio accipite, & quandoque, si Deus voluerit, meliora exspectate. Valete Prudentissimi Doctissimiq; Viri. Data VII. Novemb. Anno 1605.

R E P E T I T I O

Nobilissimæ L. Modestini. 76. D. de solut.

cujus sedes præcipua est à n. 80. ad 90. usque.

1. **A**ctionibus cedere, nihil est aliud, quam Jus persequendi debiti in alium transferre.

2. Idemque denotant hæ in Jure nostro voces : actiones præstare, delegare, mandare, &c.

3. Aliud tamen est debitorem, aliud actionem delegare.

4. Cum autem actiones cedantur, nunc ex mere libera voluntate, nunc ex necessitate aliqua, non ineptè videbor cessionem in voluntariam & necessariam dividere.

5. Utraque fit vel mandato ; vel alia quavis etiam nuda voluntate cedentis & cessionarii.

6. Mandato : cum quis procurator in rem suam, (nam mandatum quod fit in rem mandantis, ab hoc tractatu est alienum) constituitur.

7. Atque hoc modo actiones propriè cedi dicuntur : quare cessæ ac mandatæ actiones, sicut in nostra L. Modestinus, ita & passim promiscuè accipiuntur, quicquid Cynus, Bartolus, Castrensis reliquique Dd. obloquantur.

8. Alia quavis etiam nuda voluntate rectè ceduntur : non tantum his sex casibus, ut male Dd. docent, si in solum aut dotem dentur, legentur, vendantur, donentur, ac oppignorentur.

9. Sed quodcumque juxta aliqua causa ac titulus

lus, unde voluntas transferendæ obligationis colligitur, præcesserit.

10. Cæterùm id summopere notandum, ut, quamvis sola voluntate actiones cedantur, si tamen aliqua solennitas lege aut statuto ad rei alicujus translationem intervenire debeat, eadem in cessione actionis ejusdem rei nomine competentis omninò adhibeatur: quod rectè alibi monet Tiraquellus.

11. Quæcunque ergo solennitas, quicumque ritus ad Jura Ecclesiæ, ad pupilli, vel (ex statuto) cujuscunque alterius res immobiles alienandas exigitur, idem in cessione interveniat, necessum est.

12. Hinc & cessionem donationis causâ factam, si summam 500. aureorum excedat, esse insinuandam tradit ex Curt. Jun. cons. 126. Soarez in thesauro suo.

13. Etsi autem nemo actiones, cum in bonis habeantur, cedere sit cogendus; plurimi tamen casus necessariz ac coactæ cessionis Juro nostro continentur, quorum præcipuos enumerabo.

14. Cedere tenentur I. Venditor hereditatis emtori omnes actiones hereditatis nomine competentes, tot. tit. D. & C. de her. vend.

15. Quare nihil video, quod Jasonem, Salicetum, Cujacium reliquosque Doct. à Fachin. §. contrav. 101. allegatos movere debuerit, ut Jus accrescendi in emtorem transire negarint.

16. II. Heres Trebellianicus actiones, sibi ex facto suo occasione hereditatis quasitas, fideicommissario:

17. III. Item in eo, qui pro herede, aut pro possessore possidet:

18. IV.

18. IV. Creditor, qui Jure hypothecæ rem oppignoratam distraxit, ea evicta, emtori actione pignoratitia in debitorem cedere cogendus:

19. V. Creditorem debitori soluto pignore actionibus inde acquisitis;

20. VI. Socium socio, contracta. bonorum omnium societate;

21. VII. Hæredem cohæredi divisione nominum facta;

22. VIII. Et procuratorem domino actionibus cedere cogendum Jure est definitum,

23. IX. Pupillus quoque tutori, & minor curatori actiones quandoque præstabunt, ut in nostra L. Modestinus, l. 20. §. 1. D. de tut. & rat. distr. l. 25. D. de adm. tut. ubi ait Ulpianus: *posse provocantes* (sc. curatores) *per exceptionem doli consequi, ut eis mandentur adversus tutores actiones.*

24. Quæ verba Doctores vulgò accipiunt, quasi post rem judicatam cessio peti non possit sine appellatione. Non rectè.

25. Neque tamen felicius hanc rem tentavit Ant. Faber lib. 11. contr. 10. legens, *provocantes aut per doli exceptionem.* Nobis à recepta lectione absque ulla necessitate recedere, religio est.

R E P E T I T I O L. 39. D. de fidejuss. l. 11. C. eod.

26. X. Creditor quoque uni ex fidejussoribus solvere parato actione in reliquos cedere compellitur.

27. Quæ non cessa ei in confidejssores actio non est competitura, l. 39. D. de fidej. l. 11. C. eod. ubi Don. & Dd.

28. Cedenda autem est fidejussori non in solidum contra confidejussores, sed pro rata parte, ut scilicet id consequatur, quod amplius sua parte solvit.

29. Quin & Accursii & quotquot eum sequuntur, opinionem, ut tum in solidum cedi actio debeat, si fidejussores beneficio divisionis renunciarint, tanquam absconam cum H. Pistor. & Ant. Fabro rejicio.

30. Nihil ergò, quærat aliquis, prædicta fidejussorum renunciatio operabitur? Imò plurimum: ut nempe una actione quicquid amplius sua parte solvit, ab uno fidejussorum actione ei rursus in alios cessa, consequatur.

31. Denique, An si creditor facto suo actiones adversus reliquos fidejussores amiserit, ut amplius cedere iis nequeat, exceptione cedend. action. repelli possit, non satis video expeditum?

32. Justè ob hanc causam repelli communiter Dd. statuunt, quibus assentior contra ~~et~~ Ant. Fabri. 11. conject. c. 15.

33. XI. Correus debendi si in solidum conveniatur, opposita doli exceptione impetrabit actionum cessionem adversus correum.

34. Cui tamen cessione non facta, utili subsidiaria actione subveniri in l. 2. C. de duob. reb. luce meridiana clarius traditur.

35. Cujus L. 2. expressam & apertissimam decisionem cum nulla via Ant. Faber 11. con. 17. posset effugere, ad solitum asylon recurrit, ac integram ferè legem Tribonianò, aut ne Imperatoria auctoritate videretur fulra, sciolo potius interpreti adscribit: qua
corrigendi

corrighendi licentia admissa, quilibet ex quolibet effingere cui erit difficile?

36. Hinc quoque clausulam *l. 20. D. de tut. & rat. distrah. in fin. pr.* five sit Triboniani, five Papiniani, tollendam non esse, contra eundem Ant. Fabr. *ii. con. 12.* concludo.

37. Cæterum creditor correo non in solidum, sed pro virili parte actiones cedit, ut supra in Fidejuss. est dictum.

38. Et meritò creditorem repelli, si unum ex correis in solidum conveniat, actione, quam ei in correos erat præstiturus, culpa & facto suo deperdita, existimem contra Ant. Fabrum *ii. con. 14.*

39. Quod hodiè minus habet dubitationis; Nam, per Novell. 99. divisionis beneficium, quod hic exceptionem cedend. act. quoque reddit necessariam, quibuslibet correis debendi esse indultum cum communi Dd. Schola contra Accursium & Cujacium censeo.

40. Plura necessariæ cessionis Exempla videantur, in *l. 95. §. si mandatu. D. de solut. l. 15. ad L. Aquil. l. 25. §. ult. Locat. l. 28. l. 29. §. hoc idem. D. Mandat. l. 27. §. 1. D. de minor. l. 6. §. 4. D. Nau. caup. stab. l. 14. §. 9. D. de serv. corr. l. 31. D. de empt. l. 73. D. de cond. & dem. &c.* quæ diligens Juris lector ac investigator passim conspiciet.

41. Ex his omnibus illud generale axioma infero: Quoties solvit is, qui vel ipse debet, vel ipse resve ejus debiti nomine sunt obligatæ, rectè creditor ad Jurium suorum cessionem compelletur, *Nostra L. Modestinus alijsq. sup. alleg.*

42. Ad.

42. At verò ei, qui nulla ratione obligatus, alieno creditori solutionem offert, actionibus cedere invitus creditor non est urgendus, *l. 3. C. de solut. B. Briffon de sol.*

43. Sed instrumenta aut cancellare, aut reddere ea reposcenti debitori cogetur, *Molin. de usur. n. 332.*

44. Hæc de utraque cessione & voluntaria & necessaria hæctenus. Restat videamus, qui actionibus cedere, quibusque actiones, quo tempore cedi possint, & quis denique harum cessionum effectus.

45. Cedere possunt omnes non prohibiti. Prohibentur autem ii, qui vel natura, vel lege obstante contrahere nequeunt, quales sunt infantes, furiosi, pupilli, surdi & muti, prodigi, minores & reliqui, quos cum noti sint, brevitatis studio præteribo.

46. Omnibus quoque non prohibitis actiones rectè cedi possunt.

47. Præter aliquos jam relatos, speciatim lege cautum est, ne liceat in Potentiores actionum Jura transferre.

48. Potentiores describo eos, qui opibus, gratiâ, auctoritate antecellunt, metumque adversario incutere possunt.

49. Sed hæc singula judicis arbitrio committenda cum Menoch. *lib. 3. præsumpt. 129. n. 37.* existimo.

50. Suntque Potentiores accipiendi non respectu ejus contra quem actio ceditur, ut malè putavit Duarenus, sed ejus qui cedit, Joh. Faber, *in l. 22. C. Mand.*

51. Quod si quis contra hanc legis prohibitionem, actionem potentiori cedat, aperta hæc credentium voracitas debiti jactura multatur, *l. 2. C. ne lic. pot.*

52. Cujus

52. Cujus pœnam Dd. quos citat Tiraquel. in præfat. L. si unquam C. de revoc. donat. in actione filio, licet potentiori, à Patre cessâ non obtinere volunt. Et rectè.

53. Idemque in quovis consanguineo statuunt, ut videre est apud Menoch. *d. præsumpt. n. 39. 40.* quibus non adfentior.

54. Illicita quoque est cessio à non privilegiato in privilegiatum, nisi eisdem se legibus alliget, ac tori præscriptioni renunciât, juxta J. Cujacium 10. observ. 3. & Guid. Papam Decis. 273.

55. Sic & Advocatis ac procuratoribus sub pactione quotæ partis litis actiones cedi jura vetant.

56. Denique actiones Tutoribus ac Curatoribus in pupillum cessas, ipso Jure nullas, imò debiti jacturâ puniendas novè constituit August. Imp. Justinianus *Novell. 72. cap. 5.*

57. Idque notâ sine gravi ratione. Cum sæpè inanes, futiles ac infirmas actiones adversus Pupillum Minoremve, Tutores ac Curatores redimant, vel ex donationis causâ sibi cedi procurent, ac dein supprimant apochas, quibus agentes excludi potuissent.

58. Hæc de personis. Nunc quæ actiones cedi possint, dispiciamus.

59. Cedi possunt regulariter omnes actiones, tam reales, quàm personales, etiam eæ quæ semel sunt cessæ.

60. Tam ex delicto, quàm ex contractu descendentes.

61. Competentes æquè ac eæ, quæ sperantur competituræ.

62. Quælibet denique alia remedia, quibus Jus nostrum persequimur.

63. Qualia sunt restitutio in integrum, & interdicta possessoria, de quibus distinctè tractat Menochius.

64. Prohibentur autem cedi I. Actio hypothecaria sine sua principali, ut censent, Speculator, Tiraquellus, & alii, à quibus per legum, quibus nititur Bartolus, auctoritatem discedo.

65. II. Criminales ac publicæ.

66. III. Actiones populares, nisi quatenus utilitatem privatam decernunt.

67. IV. Actio injuriarum: licet multi reclament.

68. V. Actiones litigiosæ; nisi in certis aliquot casibus per leges Dig. & Cod. exceptis.

69. Quod litigii vitium Gallix moribus ferè abolitum esse testantur Papon in Arrestis & Imp. in Enchiridio suo.

70. Denique cum res ipsæ cedi nequeunt, nullæ quoque actiones earum nomine competentes poterunt cedi.

71. Cedi non potest I. Fideicommissum universale, ut rectè & doctissimè in Error. pragm. disputat: Anton. Faber.

72. II. Jus retractus, sive protimeseos, quod ex statuto proximioribus competit. Tiraquell. & C. Molin. in Conf. Paris.

73. Secus in retractu conventionali, sive pacto de retrovendendo, quod extraneo potest cedi. A. Fachin. 2. controvers. 11.

74. Quid de retractu feudali ex consuetudine Patrono

trono competente statui debeat, ardua ac subtilis est quaestio, latè in utramque partem à C. Molinzo in. Consu. Paris. disputata. Putarem, salvo omni meliore iudicio, posse cedi.

75. III. Cedi nequit sine prædio servitus realis acquisita jam & constituta.

76. Aliud in promissa, quæ rectè alteri fundum habenti, aut se habiturum speranti ceditur.

77. IV. Jura merè personalia, ut usus, usufructus, &c.

78. Adeò ut usufructu alteri cesso, cum extingui planè, & mox ad proprietarium reverti docuerint Dd. ad hunc diem ferè omnes, in §. finitur. Inst. de Usufr.

79. Quorum sententiæ, utpotè iniquissimæ, legibus refraganti, & in notissimas Juris regulas impingenti, minimè subscribo.

REPETITIO L. *Modestinus. D. de solut.*

80. Nunc quo tempore actiones cedi debeant videamus: qua re nihil in toto hoc tractatu est intricatius. Veritatis excutiendæ gratia hanc sententiam propono:

81. Quando per solutionem actio penitus est sublata, amplius à creditore cedi non potest, *per nostram l. Modestinus*: in qua lectionem Florentinam & Haloandrinam sequor.

82. Nisi pactum de cedendis actionibus præcesserit, aut in solutione sit interpositum, *d. l. Modestinus*.

83. Quare Tutori in contutorem, & generaliter correo in correum actio post solutionem, sine pacti interventu factam, cessã, nullius erit momenti.

84. Quod magno legum rationumque cumulo infringere conatur summum totius Gallix lumen C. Molinæus in subtilissima lectione Dolana ad *d. l. Modest.*

85. Cui tamen id ultrò ac libens concedo: Alia quidem actione tam correis, sicut suprà contra Ant. Fabrum disputavi, quàm tutori in contutores *l. 1. §. nunc tractemus & seq. D. de tut. & rat. distr. l. 2. C. de cont. jud. tut.* subveniri: At quod de beneficio ced. action. existimat, id verò pernego.

86. Nec audiendus hic Accursius, qui utilem actionem, cujus mentio fit in *d. §. nunc tractemus & d. l. 2.* esse utilem negot. gest. putat. malè: est enim utilis tutelæ, quod post Azonem pulchrè convincit. C. Molin. in *l. Modestinus. n. 6. & 7.*

87. Fidejussori etiam post solutionem, actionem rectissimè cedi arbitror, quicquid Anton. Faber. *ii. con. 9. & alii Dd.* oblucentur.

88. Verùm an & condictio indebiti fidejussori hic competat, scrupulo non caret? Affirmant Bartol. in *l. 15. ff. de fidejuss. & Molin. hic. n. 18.*

89. Quibus subscribere prohibent me doctæ Ant. Fabri. *ii. con. 20. rationes.* Atque ita sentio.

90. Reliquum est, ut ad effectum cessarum actionum deveniamus. Ubi hoc primò discutiendum occurrit: Quænam actio ex cessione producat?

91. Oritur ex cessione quandoque sola utilis actio, quandoque utilis & directæ, vel potius directæ actionis exercitium.

92. Sola utilis, cum citra mandatum alia nuda voluntate sit cessio, puta: si actio vendatur, donetur, &c.

93. Atque

93. Atque hanc cessionarius propriam ac suo nomine habet, ac proinde agens sibi in libello concludet.

94. Quam non in personam solum, sed & in rem, transferri voluit Justinianus in *l. ult. C. de her. vel act. vendit.*

95. Utraque, id est, directa & utilis actio in cessionarium transfertur mandatis actionibus, liberumque ipsi erit, velitne utili ex proprio nomine, an directa ex persona cedentis experiri, quod solidissimis rationibus olim Fulgosius disputavit.

96. Quare Anton. Fabri 12. con. c. 2. & 6. Joh. de Grassi. & Jac. de Aren. reliquorumque Dd. opinionem repudio, existimantium, has actiones in una persona concurrere non posse, sed utiles à directis tanquam plenioribus consumi.

97. Porro quamvis regulariter actione principali translata accessoria quoque tanquam sequela transeat.

98. Attamen vi SC. Trebelliani hereditate restituta hypothecæ ac fideiussiones hæredis fiduciarii factæ quæsitæ absque nova cessione non transeunt, *l. 21. D. de fideiuss.*

99. Itaque nec hic mihi temperare possum, quin Tribonianum nostrum, ac textus integritatem in *l. 22. D. de const. pec.* adversus subtiles Anton. Fabri 15. con. 5. argutias defendam.

100. Simulque in *l. 73. ff. ad SC. Trebell.* vers. integrum Triboniani imperitiæ malè adscriptum ostendam contra eund. Ant. Fabr. d. cap. 5.

101. Vis & efficacia prædictarum actionum est, ut quicquid juris habuerit cedens, id in cessionarium transeat.

102. In Jure cedentis hæc duo fuerunt : Potestas quovis modo liberandi debitorem , & debitam quantitatem exigendi.

103. Quocunque ergò modo debitor cessionario, five solutione naturali *l. 49. ff. de solut.* five pacto *l. 16. ff. de pact.* satisfecerit, plenissima ei liberatio continget. Donell. in comm.

REPETITIO *l. per diversas 22. & l. 23. C. Mand.*

104. Quod ad exactionem, Olim quidem sicut ipse cedens, ita & cessionarius in solidum actione, sibi in debitorem venditione vel alio quovis titulo cessa, experiebatur.

105. Verùm cum illa cessione, non tantum ad vexandos litigiis reos, creditores abuterentur, sed ipsi quoque creditores proposita litium incertitudine, prolixitate, dubietate (& quæcunq; ad sollicitas actorum mentes percellendas confingi solent) ad qualemcunq; actionis venditionem exiguo precio perducerentur.

106. Imp. Anastasius, ut ejusmodi hominum malitiis obviaret, ac omnem spem lucri nequissimis prædatoribus præcideret, *per l. per diversas. 22. C. Mandat.* cessionem ita coarctavit, ut hodiè nomine vendito, saltem usq; ad solutæ pecuniæ & usurarum ejus quantitatem exactio permittatur:

107. Sed cum dicta Anastasii Constit. præter alios casus in donatione locum non obtineret.

108. Homines vafri mediam ingressi viam, partem emendo, partem quasi donatam accipiendo, machinatione tali elusoriam Anastasii Constit. reddebant:

109. Cui

109. Cui coloratæ ac figuratæ venditioni Augustissimus Imp. Justinianus occurrens, sancivit, ne cuiquam partem debiti acceptis pecuniis, partem verò donationis titulo posthac tutò transferre liceat.

110. Ac si quis sive palam, sive clam, sive per se, sive per interpositam personam, quicquam pecuniæ accepisse & reliquum ficta donatione transfuisse convincatur, utrique tam cedenti, quam cessionario, actio ultra solutam quantitatem, &c. denegetur, & quicquid est reliquum, id in rem ac commodum debitoris vertatur.

III. Quas tamen constit. Impp. noluerunt attendi, nominatim quidem his casibus; Si minori precio actio sit inter cohæredes (idem L. statuit de legatariis & fideicommissariis) in divisione, aut creditori in solutum, aut denique ei qui res aliquas possidet, pro debito seu rerum apud se constitutarum munimine ac tuitione vendita.

112. Quibus ex mente & verbis Imp. Anastasii annuero actiones indubitatas, puta; si debitor confessus sit se debere, nec quicquam alleget propter quod non debeat solvere.

113. Atque hoc diu ante Anton. Fabrum 12. conjecit. disertè & luculenter Fulgosium tradidisse reperio, ut verum non sit, quod gloriatur, neminem esse ex Interpp. qui hoc fateatur.

114. Prædictis etiam Constit. locum non facio, quotiescunque cessio nominis sive actionis absque interuentu ullius pecuniæ aut precii celebratur, quod Fulgosius dubitans in medio reliquit.

115. Et

115. Et Jus hovum in actionis dubiæ venditione minori precio & donatione per fraudem facta inductum adievero, reliquis causis secundum antiqua Jura sine quadam immunitione obtinentibus, *l. per divers. in fin.*

116. Illud meritò quis miretur, quid venerit in mentem D. Godofredo, ut dictas Constit. de re sive actione litigiosa accipiendas toties repetet ac affirmet, easq; ad explicationem tit. C. de litigios. adducat: deceptus forsitan verb. *litigatorum*, aut hoc vers. *nec enim dubium est redemptores litium alienarum videri eos.*

117. Magna, summi ac doctissimi viri hallucinatio: cum ex hac sententia, non solum plurimarum legum auctoritas infringatur, sed toti tit. D. & C. de Litigiosis tollantur, qua re nihil magis à mente Imperat. potuit dici alienum.

118. Docet rem litigiosam pignori & in solutum dari, contra *l. 1. §. eam rem D. qua res pign. dar.* Docet in totum donari posse, quod apertissimè negat Justinianus in *l. 4. C. de litig.* Docet ante Justinianum pro parte vendi potuisse, perperam, cum rei litigiosæ alienatio expressè irrita à Constant. in *l. 2. cod.* constituitur. Dico itaque Coronidis loco:

119. Sicut à. Constit. in *l. 22. & 23. C. Mand. Tit. D. & Cod. de alien. jud. mut. can. Tit. D. & Cod. de Litig. Tit. C. ne Lic. pot.* separatim à Jctis. & Impp. tractantur: ita & separatim singulorum esse naturam, nec temerè dict. II. & Titulorum pœnas confundi debere.

Hæc ad repetitionem text. dd. Constit. sufficiant.

120. Ad priora redeo. Cum ergò cessionarius Jure credi-

creditoris, ut diximus supra, utatur, consequens est ut duas has eximias notę quęstiones excutiamus: quarum prima est: an privilegia, quę cedenti competeant, ipsi quoque cessionario sint tribuenda.

121. Distinguendum arbitror, privilegium sitne reale, an verò personale.

122. Priore casu cessionario dabitur: posteriori non æquę.

123. Missam ergo facio Marantę in Repetit. l. si actor. D. de procur. n. 13. & Dd. ibi allegatorum opinionem, inter directas & utiles actiones tantum discrimen statuentium, quos si nihil aliud, satis refellit *l. ex pluribus. D. de administ. tut.*

124. Altera est quęstio: An Exceptiones, quę obijci poterant cedenti, eadem cessionario sint nociturę.

125. Putei exceptiones reales à personalibus discernendas.

126. Reales, cum activę & passivę (ut loquuntur Dd.) in successores transeant, si cedenti obsticissent, cessionario rectę quoque obijciuntur.

127. Quare contra Martinum & Castrensem, cum communi schola & novissimę Anton. Fabro. 12. con. 9. assero: exceptionem compensationis, quę cedenti nocitura fuisset, cessionarium impedire.

128. Quod ad personales: discrimen erit ponendum, utrum directa actione quis experiatur, an verò utili.

129. Priore casu eas cessionario nocere existimo.

130. Posteriore nequaquam: nisi ex causā lucrativa actionis cessionem fuerit consecutus. Ant. Faber. 12. conj. 9.

REPETITIO *L. Si delegatio. 3. C. de Novat.*

131. Porro ad Exactionis à cessionario faciendæ naturam id spectat, ut cessum nomen, sive, quod idem est, cessas mandatasve actiones suo periculo exigat, *l. 96. §. soror. D. de solut. d. l. 3. in fin. C. de Novat.*

132. Nec distinguo cum Dd. fueritne inops debitor tempore cessionis, an post cessionem inopia supervenerit. Nec an nomen simpliciter sit cessum, an v. estimatū.

133. Nec cum Anton. Fabro an cessio nominis sit facta, an verò mandata actiones: nec denique scierit, an ignoraverit cessionarius debitorem non esse solvendo, interesse puto.

134. Aliud obtinebit, si nominatim de periculo sint pacti, aut cedentis dolus intercesserit.

135. Aut marito nomen in dotem sit datum, ejus periculum ad uxorem, non ad maritum spectabit, ut rectè docet Anton. Faber.

136. Nisi maritus dolo aut culpâ exactionem neglexerit, nomen per delegationem ex promissionemve cessum acceperit, aut debitori, etiam si locero, actionem remisit.

137. Consequens est, ut videamus, An cedens post actionis aut nominis cessionem factam, adversus debitorem nihilominus agere, atque ita cessionarii actionem aliquo modo impedire possit vi actionum directarum.

138. Quæ semper apud cedentem remanent, nec ulla ratione transferri, aut ab ossibus contrahentium, ut loquuntur Dd. divelli possunt.

139. Mihi, si quid hac de re sentiam, liberè in tantò

Dd. o-

Dd. omnium conflictu, tot tamque variis distinctionum subtilitatibus, à legum veritate exorbitantibus, quas videre est *in l. 3. C. de novat.* & aliis locis à Dd. adduci, proferre liceat, licebit autem per æquos iudices, plana & facilis hæc sententia arridet, quam ad repetitionem, *princ. d. l. 3. C. de novat.* proponam:

140. Distinguendum nempe cenſeo, utrum res sit integra, necne: Ut si quidem sit integra, cedens debitorem rectè convenire, & exactione sua cessionarium impedire possit.

141. Sin verò res integra esse desierit, omne Jus in cessionarium dico esse translatum, nec debitorem solutione creditori facta à cessionarii actione liberari.

142. Quando autem definat res integra esse, *in l. 3. C. de novat.* claris ac rotundis verbis definitur, nempe: si cessionarius vel litrem sit contestatus, vel partem debiti acceperit, vel denique debitori actionem sibi cessam esse denunciavit.

143. Litis contestatione quin impediatur cedentis actio nemini est dubium: in eo tamen graviter errat Anton. Faber. 12. con. 6. quod per hanc l. 3. præcisè litis contestationem requiri putet; cum nihil minus Impp. voluerint.

144. Quod verò de debiti parte accepta *d. l. 3.* loquitur, id idem Anton. Faber d. c. 6. interpretatur ita, ac si cedenti pro ea saltem parte actio denegetur, reliquam verò exigere possit. Malè.

145. Denunciatione quoque res integra esse desinit; verum ut Bartolus rectè monet, si debitor cessionem factam non credat, prolato instrumento, honestis re-

sibus aut confessione cedentis erit comprobanda.

146. Sin verò debitor fidem sibi de cessione fieri non postulet, instrumenta cessionis proferre non tenetur, quod latè probat Tiraquell.

147. Cæterùm an ad impediendam debitoris solutionem præcisè ipsius cessionarii denunciatio requiratur, an verò debitorem aliunde certiozem esse factum sufficiat, questio est, ut ait Fab. plenè disputationis, in qua multum se dubitasse & mulasse inquit Castrensis.

148. Quamlibet debitoris notitiam sufficere & æquum & clarè in *Lult. D. de transf.* decisum cum Cyno, Accursio, concilio Pedemont. contra Dd. vulgò, & novissimè Anton. Fabrum. 12. con. c. 3. concludo.

149. Idem omninò statuens, si post cessionem factam, debitor sciens cum cedente pactus sit aut transegerit.

150. Quis enim ferat inauditam hanc Anton. Fabri sententiam, ut si utilis actio ex contractu nulla, sed sola directæ cessionario competat (quod tum fieri perverfè autumat, si creditori nostro solutionis causâ mandemus actiones) non simplex scientia, quamvis ab ipso cessionario causam habeat; sed ea demum, quæ per litis contestationem supervenit, requiratur.

151. Nec ulla nititur lege, aut ratione satis valida, hæc toties ab A. Fabro repetita actionis mandatæ & nominis cessi, sive dati oppositio: quo fundamento everfo ruit tota novarum opinionum moles ac structura.

152. Ne id quidem necessum esse censemus, ut denunciatio fiat cum expressa solutionis prohibitione, quod olim Speculator sensit, rectè eo nomine ab On-
ciaco

giaco in Acad. quæst. notatus, hodie revocat Anton. Fab. 12. con. 3. in fin. & in c. 6. passim.

153. Si tamen duo sint correi in solidum obligati, ut uterque certior fiat de cessione exigit Charondas in resp. da droit. Franc.

154. Repetitionem l. 3. hac thesi claudio: Quotiens uterque, scilicet cedens & cessionarius in exigendo concurrunt, hunc illi præfero.

R E P E T I T I O l. r. C. de Obl. & Act.

155. Illud silentio nequaquam prætereundum: Mandatum cedendarum actionum per mortem alterutrius, licet re integra, non extinguitur.

156. Nam per mortem cedentis sive mandantis, utilis actio nunquam extinguitur.

157. Directa tum demum perimitur, si & re integra, id est, teste Fulgoso, lite nondum contestata, & sine hærede obierit.

158. Quo tamèn casu utilis actio competit: non ea quæ jam primum in subsidium directæ detur, sed quæ ab initio extitit.

159. Cumque antea electionem haberet utrâ vellet experiri, nunc sola utili, directâ planè peremta, agere poterit.

160. Atque hæc gemina l. r. C. de Obl. & Act. sententia, quam olim à Fulgoso post Azonem traditam, tanquam novam & à nemine explicatam producit Cujac. 2. obs. 31.

161. Aliam adfert Forcat. in dial. Aliam Ant. Faber. 12. con. 2. ubi temerè J. Cujacium virum exactissi-

mum perstringit, quasi *d. l. 1. de actione mandati* ad-
versus creditorem competente accepisset: Quæ inter-
pretatio à mente Cujacii longè est aliena, ac proinde
falsò ipsi affingitur.

162. Hæc de morte cedentis. At cessionarii morte
nec utilis, nec directà actio perit, quamvis lis necdum
sit contestata.

163. Differentiâ inter cessionem, quæ ex donatione
& eam quæ ex emto fiebat, *per l. 33. C. de donat.*
sublatâ.

164. Postremò ad effectum, cessionis plenissimè
enucleandum, operæ precium erit inquirere: An
cessionarius in causâ reconventionis cedentem de-
fendere teneatur.

165. Sequar Bartolum: ut si utili actione ex propria
persona agat cessionarius non teneatur defendere, nisi
cessio manifesta fraude sit facta.

166. Sin autem directà experiatur ex persona ce-
dentis, tenebitur, si cessionem ex causâ lucratiâ, non
si ex onerosâ habeat.

167. Quare fartam rectam sentio servandam le-
ctionem *l. 34. D. de procurat. contra Anton. Fabr. 12.*
con. 10. & cum non appareat aperta opinionum pu-
gna, & ratio aliqua conciliandorum locorum inveniri
possit, eam, licet animum non usque quaque expleat,
amplecti tamen satius esse puto, quàm textui ob repu-
gnantiam vim inferre.

F I N I S.



ERRATA sic corrige.

Pag. 1. lin. 1. pro proprietas lege potestas. pag. 1. lin. 8. lege apud Vipianum quoque: & dele illud, quoque, in lin. 10. pagina. 4. lin. 1. pro aliam lege alium. pag. 9. n. 1. lege ~~αγορας~~ *Ces.* pag. 11. num. 5. pro inferentem lege inferentem & pro ~~αγορας~~ lege ~~αγορας~~. pagina. 14. lin. 2. post vocem cessio pone comma, & illud dele post vocem secus. eadem pag. 14. in summaris c. 4. pro dari lege dari. pag. 11. n. 18. pro Martius lege Marcus. pag. 12. lin. 3. dele comma post vocem perdant. pag. 23. lin. 4. post vocem uaturalis subijce particulam, &. pag. 24. lin. 8. pro peculiam lege peculium. pagina. 29. lin. 14. pro lib. 3. lege, tit. 3. pag. 36. lin. 13. in graeco vocabulo pro *C* pone *σ*. pag. 39. lin. 17. pro factum pone factam. pag. 45. lin. 26. dele comma post vocem procurator. pag. 46. lin. 21. pro dantur lege, habet. pag. 59. lin. 12. lege pro approbatum, approbatam. pag. 61. in fine pro additus lege, adductas. pag. 61. lin. 10. deleatur negativa non. pag. 101. pro vel lege vend. pag. 113. pro propositu lege proposita. pagina. 118. lin. 1. inferantur post vocem potentioribus, hæc verba, Advocatis vel procuratoribus. pag. 124. lin. 27. pro nihilme lege, minimo. pagina. 129. pro faciant lege, faciant. pagina. 132. lin. 3. pro xvi legatur vi, eadem pag. lin. 13. deleatur numerus 6. pag. 134. lin. 7. pro pignoris lege pignori. pag. 146. lin. 7. in voce secunda pro x pone e. pag. 143. lin. 28. pro aliam pone alium. pag. 145. lin. 8. pro autho. is lege, authoris. pag. 151. lin. 2. lege heredem. pag. 154. in prax. lin. pen. pro meliora lege, meliora. pag. 156. lin. 18. lege lute. pag. 159. lin. 23. l. De act. emt.



